

ELEMENTA ARCHITECTURÆ

AVGVSTI MARCI ANTONII

AVGVSTI MARCI ANTONII

AVGVSTI MARCI ANTONII

AVGVSTI MARCI ANTONII

AVGVSTI MARCI ANTONII

AVGVSTI MARCI ANTONII

AVGVSTI MARCI ANTONII

AVGVSTI MARCI ANTONII

AVGVSTI MARCI ANTONII


AVGVSTI MARCI ANTONII

AVGVSTI MARCI ANTONII

AVGVSTI MARCI ANTONII

AVGVSTI MARCI ANTONII

AVGVSTI MARCI ANTONII



ELEMENTA ARCHITECTURÆ

AD

STRUCTURAS ŒCONOMICAS APPLICATÆ

IN USUM

ACADEMIARUM

PER

REGNUM HUNGARIÆ

ET

EIDEM ADNEXAS PROVINCIAS

CONSCRIPTA

*Per FRANCISCUM RAUSCH DE TRAUBENBERG,
Metropolitanæ Ecclesiæ Colocensis Canonicum, AA. LL.
& Philosophiæ Doctorem, & in Regia Scientiarum Uni-
versitate Budensi Matheſeos ſublimioris applicatæ Profes-
ſorem publ. ordin.*

Cum ſpeciali Privilegio Sac. Cæſar. Regiæ Apoſt. Majeſt.

Conſtat in crud. 36 Cruciferos.



B U D Æ,
TYPIS REGIÆ UNIVERSITATIS.

MDCCLXXIX.

11
2

EXCELLENTISSIMO , ILLUSTRISSIMO

A C

REVERENDISSIMO DOMINO ,

ADAMO E L.B.PATACHICH
DE ZAJEZA,

Metropolitanae Colocensis, & Bacsienfis Ecclesiarum canonice unitarum Archi-Episcopo, Insignis Ordinis S. Stephani Regis Apostolici Magnae Crucis Equiti, utriusque Sacratissimae Caesareae, & Regio-Apostolicae Maiestatis actuali intimo Status Consiliario, ad excelsam Tabulam Septem-Viralem Co-Judici, AA. LL. & Philosophiae, nec non SS. Theologiae Doctori, & Regii Senatus Universitatis Budensis Praesidi.

EXCELLENTISSIME DOMINE!

LIBELLUS, cui nomen *TUUM*, *Vir Excellentissime*, praescribi pateris, partem illarum artium complectitur, quibus *TU* jussu *AUGUSTAE THERESIAE* pro immortali Gentis nostrae bono invigilas. Quam malletm fateri, e grata Beneficii accepti recordatione levioris operae hunc a me *TIBI* libellum dicari, nisi cura subiret, ut, quae *TIBI* dicantur,

TE digna sint. *Parces*, *Vir Excellentissime*, si,
TUAM veritus virtutem, a laudibus abstineam;
 majorem enim *TE* scio, quam ut descensurum huc
 putem, ut laudari cupias a me, qui minor sum,
 quam ut laudibus *TUIS* quidquam addere possim.
Excelsio loco sita est laus TUA, posteaquam *Augu-*
stissimi Patriæ PARENTES, quia providus est *IL-*
LORUM in litteras amor, *TE* in *Regio Scientia-*
rum Universitatis Senatu artium omnium *Præsi-*
dium gerere volunt. Munus hoc, quod ingenti ani-
 mo complecteris, humanitas illa *TUA*, & illud opti-
 marum artium provehendarum studium me nullo
 modo metuere jubent, ne hoc, quaecunque animi de-
 voti testimonium asperneris. Accipe igitur littera-
 rium hoc munus, quod si nulla res alia, *TUI*, *Vir*
Excellentissime Nominis mansura semper gloria satis
 per se omnibus commendatura est.

EXCELLENTISSIME
 DOMINE!

Tuorum Clientum infimus
 FRANCISCUS RAUSCH.



PRÆFATIO.


ARCHITECTURÆ Civilis Scientia amœna quidem est, & omnibus utilis, difficilis tamen. Difficultatis causa potior est rerum, quas suo ars ipsa complectitur ambitu, insignis varietas. Idcirco, qui scientiis invigilant, easque practicas volunt, elementa Architecturæ, quæ Academicis tironibus, qui Oeconomix una rusticæ operam navant, prælegantur, scribi præceperunt, intenti, (ut opinor) Theodoretî Cyri Episcopi dicto, qui Architecturam nominat Sororio Vinculo Agriculturæ connexam. Non tamen ex his foliis se plenam rerum notitiam hausturum quisquam existimet; præcipua duntaxat disciplinæ capita eo ex fine breviter attingo, ut ea, quæ fusiùs vel in vastis voluminibus legenda, vel in collegiis viva Magistri voce declaranda fuerint, tenacius memoriæ figantur. Quid singulis contineatur paragraphis, summa cura operam dedi, ut quisque desideraverit aliquid, in tantum quærat, & sciat, quo loco inveniatur. Quia vero soliditas, commoditas, summumque compendium ædificium œconomicum per-

ficiunt; tria hæc totidem sectionibus persequor. Si nimis ieiune agere videor nonnullis, eos meminisse pervelim, Auditorum studia paucorum mensum concludi curriculo; quare prolixiori esse non licuit. Quantum Instituto opella isthæc respondeat, cuiusvis erit in legendo prudentiæ, examinare primum, & quoties votis non responderit, excusare ac emendare. Authores, quos duces secutus sum, suis quosque locis adiicio; *est enim benignum* (ut arbitror) *& plenum ingenui pudoris, fateri, per quos profeceris.* PLIN.





INDEX RERUM.




SECTIO PRIMA.

DE MATERIARUM CONDITIONE,
ET ÆDIFICANDI LEGIBUS.

CAPUT PRIMUM.

DE LIGNIS.

I NTRODUCTIO.....	§. 1
<i>Materiæ delectus.....</i>	2
<i>Ligna ædificiis idonea.....</i>	3
<i>Investiganda arborum indoles.....</i>	4
<i>Tempus cædendi arbores.. ..</i>	5
<i>Modus ligna cæsa conservandi.. ..</i>	6



CAPUT SECUNDUM.


DE LAPIDIBUS.

<i>LAPIDES e lapidicinis eruti.....</i>	§. 7
<i>Lapis arenarius, Tofus, & Schistus.. ..</i>	8
<i>Lapis calcarius.....</i>	9
<i>Gypsum.. ..</i>	10
<i>Lateres.....</i>	11

CAPUT TERTIUM.

DE ALIIS MATERIIS, ET MODO PARANDI
MORTARIUM.


<i>ARENA</i>	§. 12
<i>Mortarium commune</i>	13
<i>Mortarium pro structuris infra aquam</i>	14
<i>Limus</i>	15
<i>Arundo</i>	16
<i>Stramen</i>	17
<i>Ferrum</i>	18
<i>Plumbum & cuprum</i>	19



CAPUT QVARTUM.

DE CONSTITUTIONE PRÆCIPUARUM PARTIUM
ÆDIS.

<i>FUNDAMENTUM</i>	§. 20
<i>Fundatio</i>	21
<i>Substructio</i>	22
<i>Substructionis dimensiones</i>	23



CAPUT QVINTUM.

DE CONTIGNATIONE.

<i>PARIES</i>	§. 24
<i>Paries cratitius</i>	25

R E R U M

jx

<i>Paries e limo</i>	26
<i>Tectorium.</i>	27
<i>Scala</i>	28
<i>Determinatio spatii scalæ</i>	29
<i>Porta</i>	30
<i>Fenestræ</i>	31
<i>Coronix.</i>	32

C A P U T S E X T U M.

D E T A B U L A T I S.

<i>PAVIMENTA</i>	33
<i>Laqvear.</i>	34
<i>Cameræ</i>	35
<i>Arcus catenulatus.</i>	36
<i>Arcus soliditas</i>	37
<i>Impulsus arcuum</i>	38
<i>Resistentia pilæ</i>	39

C A P U T S E P T I M U M.

D E T E C T I S.

<i>T E C T U M & ejusdem partes.</i>	40
<i>Tecti compaginatio</i>	41
<i>Tectorum proportio</i>	42
<i>Quid sentiendum de tecto Mansardico</i>	43
<i>Tecti tabulatum</i>	44
<i>Subgrunda</i>	45

<i>Materiae, quibus tecta vestiuntur</i>	§. 46
<i>Imbrices</i>	47
<i>Stramen</i>	48
<i>Scandulae lignae</i>	49
<i>Arundo</i>	50
<i>Implexae salices</i>	51
<i>Scandulae e limo compactae</i>	52
<i>Compluvium</i>	53

CAPUT OCTAVUM.

DE DISTRIBUTIONE CUBILIIUM.

<i>DISPOSITIO</i>	§. 54
<i>Causae numerum cubilium limitantes</i>	55
<i>Distributio spatii</i>	56
<i>Classes distributionis generales</i>	57

SECTIO SECUNDA.

DE STRUCTURIS ŒCONOMICIS.

CAPUT PRIMUM.

STRUCTURÆ AD NECESSITATEM DOMESTICAM PERTINENTES.

<i>STRUCTURÆ œconomicae diversae sunt</i> ..	§. 58
<i>Fumarium</i>	59
<i>Fornaces</i>	60

<i>Coqvina</i>	§. 61
<i>Foci</i>	62
<i>Promptuarium ad coqvinam pertinens</i>	63
<i>Loca secreta</i>	64



CAPUT SECUNDUM.

STRUCTURÆ ŒCONOMIÆ DOMESTICÆ ET RU-
RALI COMMUNES.

<i>CELLARIA</i>	§. 65
<i>Domus torcularia</i> ..	66
<i>Crimotheca</i>	67
<i>Promptuarium pro carne fumanda</i>	68
<i>Testum torrendorum fructuum</i>	69
<i>Furnus pro pane pinsendo</i>	70
<i>Stabula in genere</i> ..	71
<i>Errores in structura stabulorum</i>	72
<i>Stabulum eqvorum</i> ..	73
<i>Modus eqvos in campo pabulandi</i>	74
<i>Stabulum vaccarum & boum</i>	75
<i>Ovile</i>	76
<i>Hara</i>	77
<i>Gallinarium</i>	78
<i>Fimetum</i>	79
<i>Receptaculum lignorum & curruum</i>	80
<i>Fœnile</i>	81

CAPUT TERTIUM.

ÆDIFICIA ŒCONOMIÆ MAJORIS ET
RURALIS.

<i>HORREUM</i>	§. 82
<i>Meta frumenti, aut fœni</i>	83
<i>Area trituratoria</i>	84
<i>Conservatio grani</i>	85
<i>Granarium</i>	86
<i>Scrobes</i>	87
<i>Apiarium</i>	88
<i>Apiarium pro rustico</i>	89
<i>De laterariis in genere</i>	90
<i>Delectus materiæ laterum</i>	91
<i>Materia aptanda</i>	92
<i>Lateres excoqvendi</i>	93
<i>Coqvitur quoque calx & gypsum</i>	94
<i>Materiæ coqvendis lateribus idoneæ</i>	95
<i>Officina cerevisiaria</i>	96
<i>Ahenum braxatorium</i>	97
<i>Constructio foci</i>	98
<i>Ædes polentaria</i>	99
<i>Testum frumenti</i>	100
<i>Locus pro conservando frumento</i>	101
<i>Cellarium ad officinam pertinens</i>	102

CAPUT QVARTUM.

DE ÆDE RUSTICA, PAGO, ET INCENDIORUM
REMEDIIIS.

<i>REGULÆ communes de æde rustica...</i>	§. 103
<i>Ædis rusticæ coordinatio...</i>	104
<i>Pagus...</i>	105
<i>Incendiorum remedia necessaria, & quæ?</i>	106
<i>Dispositiones ad avertenda incendia in urbibus..</i>	107
<i>Instrumenta incendiaria...</i>	108
<i>Dispositiones præviæ...</i>	109
<i>Dispositiones incendium concomitantes...</i>	110
<i>Quid incendio sopito agendum?</i>	111
<i>De cura incendiorum ruri habenda...</i>	112

SECTIO TERTIA.

DE SUMPTUUM CALCULO.

CAPUT PRIMUM.

DE ÆSTIMATIONE ÆDIFICII ET CON-
TRACTIBUS.

<i>QVID ædificii æstimatio?</i>	§. 113
<i>Quid ad consciendas sumtuum rationes re-</i> <i>quiritur?</i>	114
<i>Causæ æstimationis fallentis</i>	115

<i>De natura contractuum</i>	§. 116
<i>An expedit inire contractus</i>	117

CAPUT SECUNDUM

DE CALCULO GEOMETRICO PARTIUM ALIQUOTARUM.


<i>Quæ dimensio Architectis propria?</i>	§. 118
<i>Modus calculandi</i>	119
— — — &	120
<i>Veritas operationis</i>	121
<i>Calculus solidorum</i>	122
<i>Veritas operationis</i>	123

CAPUT TERTIUM.

DE DIMENSIONE PARTIUM ÆDIFICII.

<i>Quid in dimensione curandum?</i>	§. 124
<i>Terræ effossio</i>	125
<i>Impalatio</i>	126
<i>Substructio & alii muri recti</i>	127
<i>Murus utrinque acclivis</i>	128
<i>Murus gradatim contractus</i>	129
<i>Murus partim rectus, partim acclivis</i>	130
<i>Fornices</i>	131
<i>Scalæ</i>	132
<i>Muri educi</i>	133
<i>Foci</i>	134

<i>Fumaria & spiracula</i>	§. 135
<i>Tabulata</i>	136
<i>Trabes, bases, & catenæ</i>	137
<i>Tigna</i>	138
<i>Cantherii & ambrices</i>	139
<i>Transra, crura & fibiæ</i>	140
<i>Vincula</i>	141



C A P U T Q V A R T U M.

DE DETERMINANDA QVANTITATE MATERIA-
RUM ET SUMTUUM.

<i>LIGNA</i>	§. 142
<i>Asseres densiores</i>	143
<i>Asseres ordinarii</i>	144
<i>Tigilla</i>	145
<i>Lapides secti</i>	146
<i>Lateres</i>	147
<i>Imbrices</i>	148
<i>Cæmenta</i>	149
<i>Lapides pro paviendo</i>	150
<i>Gypsum</i>	151
<i>Calx</i>	152
<i>Arena</i>	153
<i>Limus</i>	154
<i>Claviculi</i>	155
<i>Filum ferreum</i>	156
<i>Lamina ferrea</i>	157
<i>Cuprum</i>	158

<i>Plumbum</i>	§. II59
<i>Arundo</i>	II60
<i>Stramen</i>	II61

CAPUT QUINTUM.

DE CONSTITUTIONE PRETII MATERIARUM ET MERCEDIS.

<i>Quid pretii & mercedis constitutio?</i> ... §.	II62
<i>Constitutio pretii materialiarum</i>	II63
<i>De Vecturis</i>	II64
<i>Quid observandum in constituenda opificum &</i> <i>operarum mercede</i>	II65
<i>Faber lignarius</i>	II66
<i>Cæmentarius</i>	II67
<i>Arcularius</i>	II68
<i>Vitrarius</i>	II69
<i>Gypsator</i>	II70
<i>Faber ferrarius</i>	II71
<i>Faber ferrarius</i>	II72
<i>Figulus</i>	II73
<i>Scandularius</i>	II74
<i>Fundatio</i>	II75





ELEMENTA ARCHITECTURÆ.

SECTIO PRIMA.

DE MATERIARUM CONDITIONE,
ET ÆDIFICANDI LEGIBUS.

CAPUT PRIMUM.

DE LIGNIS.

§. I.

INTRODUC-
TIO. **A**RCHITECTURA Civilis Scientia est rite
ordinandi, & extruendi ædificia ad mentem
fundatoris. Est vero structura opus, quod dirigente Ar-
chitecto e diversis materiis ad fines præstitutos, respi-
cientesque æconomiam tam domesticam, quam rura-
lem in bonum Reipublicæ, hominibus, pecorique,
sequendo Artis leges, atque inita prius rerum assina-
tione per Opifices ad id conductos ita erigitur, ut fir-
mum, commodum, decorumque sit. Quia vero ædi-

ficia tam publicis, quam privatis excitantur usibus, atque e recta structurarum coordinatione non modico Reipublicæ accedit emolumentum: eas ad leges architectonicas, & æconomicas exactas esse oportet. Apertum hinc est, a scientia architectonica multum abesse, qui experientiam jactant, leges ignorant; etsi enim sine Theoria, sola diuturna experiundi exercitatione nonnulli ædificandi notitiam sibi comparant: aperta est tamen Ciceronis sententia: „ Ars dux certior, quam natura. „ Certe quotidiana docet experientia, structuras vix erectas egisse ruinam; quid enim? negligatur materialium delectus, partiumque proportio: & carie exessibus, aut mole pressum ædificium sub onere fatiscet. Elementa itaque prima & fundamentalia omnis structuræ examinaturis primo omnium venit expendenda materia ædificii, tum partes præcipue, unde moles architectonicæ omnes, ipsæque ades consurgunt. Materia vero nomine accipitur omne id, e quo ædificium extruitur, & quidquid ad harum materialium cohesionem firmam confert. Cumque e materiæ conditione ædium firmitas non parum dependeat, materiæ proprietates Architecto sedulo sunt explorandæ, ut durabilem, & quibusvis usibus imprimis aptam deligere norit.

§. 2.

MATERIÆ
DELECTUS.

IN materiæ delectu durabilior præferenda est minus durabili. Lapides lignis præferuntur, & saxa, quæ a calore facile finduntur, scalis idonea non sunt. Ligna sicca in structuris adhibentur, ne in opere exsiccata tabescant, aut intorta vitium

operi creent. Atque universim, quantum igni, aquis, ponderi prementi, ipsisque variis aëris injuriis resistat materia, observandum est.

§. 3.

LIGNA EDI-
FICIIS IDO-
NEA.

EXTERNAS arbores, & quæ in alienas

non commeant terras, tacebo; licebit potius de communibus loqui, quarum lignum ad usus exposcitur. In omnibus silvestres differentias augment, & infecundæ ejusdem speciei firmiores fertilibus. Quercus basibus & testorum catenis necessaria; eadem scindendis asseribus crassioribus sola utilis. Robur in transversum positum incurvatur, ceditque ponderi, ac ipsa supra terram opera rimosa facit, se se torquendo: at defossam & aquis obrutam imitatur lapidem. Larix & abies omnium arborum altissimæ ac rectissimæ; hinc tigna, cantherii, aliaque testis congrua ligna. Hæ pondus sustinere validæ, etiam in transversum positæ: nec temere rumpuntur, priusque carie, quam viribus deficiunt. Larix ignis vi resistens (a). Abies in testis firmissima, valvarum repagulis, & ad quæcumque libeat, intestina opera aptissima. Pinus, piceæ, alni ad aquarum ductus in tubos cavantur. Obrutæ terra plurimis durant annis. Eadem si non integantur, cito senescunt, ut contra Ulmus in perflatu firma durat. Alnus in terram adacta in palustribus æterna, mirum in modum fortior, si humor extra quoque supersit, & quia quantilibet oneris patiens, craticulæ & palis aptissima.

(a) Barbar. in Comment. in Vitruvium c. 9. pag. 71.

Rigorem fortissime servat Ulmus : ob id cardinibus, crassamentisque portarum utilissima, quoniam minime torquetur, permutanda tantum sic, ut cacumen ab inferiore sit cardine, radix superior. Denique cornus, si quid cuneandum sit in ligno, clavisque figendum ceu ferreis, deligatur. (*b*)

§. 4.

n

INVESTIGAN-
DA ARBO-
RUM INDO-
LHS.

VITA arborum quarumdam immensa credi potest, si quis profunda mundi & saltus inaccessos cogitet. Verum & terra & situs præbent vitam aliquibus, quas necarent alibi. Montes amant larix, quercus, pinus, piceæque : montes & valles diligit abies, robur, alnus : subeunt & in montosa Ulmus & cornus. In solo palustri nata arbor putrescit facile, & in arido sensim emoritur. Illa temperatæ ubertatis terra, nec madida, nec ficiens robustam alit arborem. Aquilone maxime gaudent, densiores ab adflatu ejus, lætioresque, & materiæ firmioris. Hinc in ipsis arboribus robustiores aquiloniæ partes; & in totum deteriores ex humidis, opacisque : spissiores, ac diuturnæ ex apricis. Publicum omnium vitium vocant spiras, ubi convolvere se venæ, atque nodi. Quibusdam pulpa sine venis mero flamine & tenui constat: hæ maxime fissiles. Quibus sunt tubera musco aut fungis obducta, aut rami in apice cæci, quos deputatos cicatrix hebetavit, vitio pu-

(*b*) Plura in Pantheri Lexic. Architect. voce Bauholz; item Lehrbegriß sämmtlicher ökonomischer und Cameralwissenschaften. 1. Th. 2. B. 5. Hauptst.

teredinis laborant. Qvi vero ad fabrilia opera jam se-
ctas arbores emit, deligat ligna sicca, nec carie exe-
sa, venæ latiores, candidioresque putrescentibus in-
sunt. Ideo fit, ut aure ad caput trabis quamlibet præ-
longæ adinota, vel mallei ictus ab altero capite sen-
tiatur, penetrante rectis meatibus sono acuto; unde
deprehenditur, an torta sit materies, nodisque conci-
sa. Oleum olivarum arbori infusum in margine sta-
gnans arborem denotat non debito tempore cæsam,
aut natam solo palustri: ficcum est lignum, quod
oleum avidè imbibit.

§. 5.

TEMPUS CÆ- **LIGNUM** ad usus ædiles ficcum exoptant
DENDI AR-
BORES. omnes. Nec novellæ autem arbores ad ma-
teriem, nec veteres utilissimæ. Vulgo satis putant ob-
servare, ne qva dedolanda arbor sterneretur ante editos
suos fructus. Dum minimum humoris continet, tem-
pestivam esse arborem, inter omnes convenit; ideo
multum refert & temporis ratio, quo arbor sterna-
tur. A bruma ad favonium utilissime cædi arbore:
quidam dicunt; nam carent humore. Verum secu-
ris post ictum resiliens absentiam humoris non pro-
bat in arbore, quæ gelu constricta est. Humorem in
ligno gelido contentum, si foco imponatur, erumpens
spissior fumus manifestat. Cato hominum summus in
omni usu, de materiis hæc adjicit „ omnino caveto
nigram materiam doles, neve cædas, neve tangas,
nisi ficcam: neve gelidam, neve rorulentam „ Robur
Vere cæsum teredinem sentit, obnoxium etiam, ut

torqueat se se, findatque: quod in omni ligno Vere quoque caso e nimia aëris asperitate evenit. Mitior nostris in terris est aura Vere in æstatem vergente: temperata solis actio arborum sensim coquit humorem; is postea spissitate prompto motu, atque levitate sua sponte manat, qua parte vulnus arbori inflictum est. Circumcisas propterea ad medullam aliqui non inutiliter relinquant, ut omnis humor stantibus defluat. Lunæ tempora, & canis ortum refutant alii: (c) observandum potius, ne regnantibus validioribus ventis cadatur arbor, quorum impetu in contrariam acta partem prosterнат & stantes, aut media findatur.

§. 6.

LIGNA CÆSA
SUNT CON-
SERVANDA.

CÆSA arbor cortice spolianda est: alias cortex inextricabilis, aut caries subnascitur. Cortex fungi instar humorem imbibit sensim penetrantem in alburnum; hoc mollis ac pessima pars ligni etiam in robore facile putrescens, teredini obnoxia: quare semper amputabitur. Ne vero spoliata cortice, quod evenire solet, findatur arbor, ad usus secatur in frusta, indurata maiore superficie uberius evaporant humores, & lignum recens libentius cedit securi. Nam ferrabilia ac festilia, quæ modice humida; arida ferræ lentius cedunt. Sæcla ligna ubi fuerint, in loco tecto, aëri tamen pervio conservantur; interjectis lignis minoribus tum prope humum, tum inter ipsa ligna, modo se non tangerent, putredo arcetur, atque exsiccatio acceleratur.

(c) Du Hamel 3. B. 5. Hauptst. Von Fällung der Wälder.

CAPUT SECUNDUM.

DE LAPIDIBUS.

§. 7.

LAPIDES **N**UNC ad operarios lapides transire con-
LAPIDICINIS venit, primumque occurrit cæmentum,
ERUTI. quod e lapidicinis eruitur. Hoc multis intermissum
 venis magis integrum censetur, eoque magis, si
 vena fuerit lapidi simillima. Solidius est, quod vena-
 rum plexus acutos, eosque terfos gerit. Vena quasi
 vitrea aut viridi glaciei persimilis, saxum denotat
 minime fissile. Facile vero finditur, quod in medio
 rubram & veluti putridam venam gerit. Lapis eximi-
 tur æstate, nec ante biennium muro inferitur, do-
 mitus tempestatibus. Quæ ex eo læsa fuerint, in
 subterranea structura aptantur utilius; quæ restiterint,
 tutum est vel cælo committere. Ad usum, ut stratis si-
 bi imminebant, adhibentur; qui enim in naturali situ
 fortior suis sustentabat viribus prementes reliquos, su-
 stentabit quoque arte coagmentatos in muro.

§ 8.

LAPISARE-
NARIUS, TO-
FUS, ET
SCHISTUS.

LAPIS arenarius non solum in lapidici-
 nis gignitur, sed multus & sub terra spar-
 sus. Levior ex illo surgit murus: terræ
 commissus ab humore fert vitium. In configuratione
 partium minimarum notatum est, in fracturis veluti
 guttulis aspersum nonnihil angulosi solidum haberi.

Tofus vix utilis ædificiis mortalitate mollitiæ. Fricatur vento, & verberatur imbri. Qui in opere tractabilis est, muris levioribus erigendis, sub tecto duntaxat, idoneus est, non tamen fumariis, utpote calore diffiliens. Schistus ædificiorum tectis aptus; utilissimus vestiendis pontium sublicis; nam glaciei impetum frangit. Contritus calci & arenæ admixtus bonum præbet mortarium. (a)

§. 9.

LAPIS CAL-
CARIUS.

CALX id est parietibus, quod asseribus gluten, quod color est picturis. Coqvitur e lapide, qui modo e cavernis loco umbroso fitis eruitur, modo legitur e fluviis; reperitur etiam in structurarum ruderibus. Utilior eadem ex effosso lapide, quam ex ripis fluminum collecto. Quæ ex duro, structuræ utilior: quæ ex fistuloso, tectoriis. Calx bene excocta candida est, levis & sonora; lapis coctione amittit fere tertiam gravitatis partem. Restincta, si bona est, effervesceat cum strepitu, fumumque edit copiosum. Ut extinguatur, multam exigit aquam, & lateribus receptaculi firmiter adhæret.

§. 10.

GYPsum. **COGNATA** calci res gypsum est. Coqvitur e lapide, qui non dissimilis alabaastro; qui coloris cinerei est, est deterior. Omnium autem optimum fieri compertum est e lapide speculari, squamamque


(d) Plura de lapidibus Bibiena? Direzione a' Giovani studenti nel disegno dell' architettura civile. In Bologna. 1745.

talem habente, & qui colore a defæcato nitro non abludit. Usus gypsi in albariis, tectoriis, & ædificiorum coronis gratissimus. Madido statim utendum est, quoniam celerrime coit. Contra humorem custoditur, quia ficcatur, & indurescit; rursus tamen tundi & in farinam resolvi patitur: sed naturæ est deterioris.

§. II.

LATERES. : LATERES lapides operarii sunt, qui arte parantur. Græci parietes lateritios cæmentitiis pratulere; surgit enim murus pondere levior, natura fir-²mior. Hinc materia quoque præsidiorum vallibus accommodata. (b) Lateres non sunt e sabuloso, neque arenoso, multoque minus calculoso ducendi solo, sed e cretoso & albicante, aut ex rubrico. Lutum, prius quam ligneis formis inclusi fingantur, macerari oportet; primum a pecude calcandum, ut calculi ejiciantur, deinde etiam ab hominibus, ut scrupuli minores secerantur. Finguntur optime Vere; nam æstus & frigus rimosos faciunt. Romani ædificiis non nisi bimos probarunt. Nos firmitatem laterum exploramus ab imposito pondere, coctionis gradum ex sono. Aggerimus quoque in cumulos: hyemis unius frigore, imbribus, ventis incorrupti tuto labori committuntur. Pedem longus, dimidium latus, tres digitos densus later est, erigendis muris idoneus. Tesseriis quadratis sternuntur atriorum pavimenta. Tegulis hamatis vestiuntur tecta; sunt laterculi plani, quibus uncus infidet, quo tigil-

lis testorum affiguntur. Imbrices semicirculari concavitate instructi fastigiis idonei sunt. Sunt quoque imbrices concavo-convexi, qui testis vestiendis adhibentur.



CAPUT TERTIUM.

DE ARENA, MODO PARANDI MORTARIUM, ET MATERIIS ACCESSORIIS.

§. 12.

ARENA. **A**SPERA nisi fuerit arena & ficca, cum calce non bene unitur. Duplex arenæ genus; fossitia, & quæ in fluminibus reperitur. Fossitia terrosius constans particulis cohæfioni lapidum adversatur. Advertimus terreas abesse partes, si aquæ immissa, ubi subsidit, turbidam non reddat, aut sub dio jacens gramen non proferat. Asperitas se prodit stridore, qui ex affricu editur, dum teritur manu. Flumineæ tenui constans grano testoriis utilis, quæ crassior est, sub aquis, & intra fundamenta miri est usus.

733. §. 13.

DE MODO PARANDI MORTARIUM COMMUNE.

MORTARIUM ex arena & calce componitur; nectuntur hoc lapides, ut surgant parietes: ævis durant durissima sui materia. Miramur idcirco Romanorum opera, artemque intercidiſſe qverimur. Non ars, sed industria intercudit. Ingeniosa Veterum solertia non fuit con-

tenta, siquid materia diceretur: damno alieno edocti delegerunt materiem, quæ aptior reliquis, atque sic artem natura faciente perenne illis surrexit opus. At nos, postquam crevit habendi cupido, tumultuario labore constructas moles incolimus, infida manu connexas. Præcipua illorum cura in mortario conficiendo: en modum, quo utebantur. Fossa *hibg* asse-
ribus vestita parabatur, quæ calcem necessariam ca-
peret. Ad fossæ limbum erat receptaculum ligneum
cked, subjectis lapidibus parte una suspensum, ut
planum inclinatum referret; hinc sublata porta mobili
a fluida calx in fossam decurrit. Ligneo receptaculo
lapides recens costi juxta se imponebantur, non ac-
cumulati, qui aqua limpida primum conspersi sunt.
Donec sensim solverentur. Tum affusa aqua ligneis ve-
ctibus subigendo in massam adegerunt fluidam, quæ
fuit probata, si neque spumavit, neque sparsit vapores.
Pro opere calcis restinctæ portio addita arenæ,
quæ massa diei laboribus sufficeret; sed subactum prius
in aqua mortarium, donec rutro non cohæreret. Pro
testoriis intrita credebatur idonea; nam non nisi tri-
ma utebantur. Restincta propterea strato arenato tege-
batur, quod aqua lente affusa humectatum, ne ferment-
antis calcis vapores perrumpant. Fossa asseribus ar-
ctissime clausa calx in annos conservata est. In usu
arena additur, atque aqua maceratur; ut parietibus
massa firmitus adhæreat, alii pilos vaccarum, aut ca-
ninos admiscent: alii concusarum testarum pulverem
& oleum lini.

TAB. I.

Fig. 1.

§. 14.

MORTARIUM
PRO STRUC-
TURIS INFRA
AQUAM PO-
NENDIS.

21

QVOD si quis diligentius æstimaverit
aqvarum vires, fatebitur, nihil magis Archi-
tectorum defatigare conatus. Subdolum
elementum identidem lambendo sibi ape-
rit meatus; succrescentibus viribus modo rapit at-
que aufert: pulsant ruinæ sponte præcipites succum-
bentibus causis operis. Lauriot Gallus lapides nesten-
di modum suggerit; cernit Gallia pugnantes diver-
sos aqvarum impetus, & tamen obnixa firmitas re-
sistit. Ars in mortario est, cui calx viva additur;
intrita virtute destituitur situ corrupta. Ideam ar-
chitecto dederunt rudera Romana, in quibus, si
demas lapidem, calcem, arenam, & pulverem te-
gularum contritarum, reperitur nihil. Ideam confir-
marunt Historici Romani (a) verba: „ruinarum Ur-
bis ea maxima causa, quod furto calcis sine ferrumine
suo camenta componuntur; „ruinam itaque calci
sua Virtute destitutæ adscribit Historicus, vultque cal-
cem vehementissimam (b) adhiberi, quam ab intrita
distinguit. Hæc in libello (c) in idioma quoque Teu-
tonicum traducto fuscæ habentur; brevitatis ratio mo-
net, ut modum conficiendi adducam. Calx recens co-
cta fistucis, quarum basis ferro armata est, conteritur:
pollinario cribro immittitur, ut tenuis, quæ decidit,
farina calcaria in scatulas colligatur, adversus humo-

(a) Plin. L. 36. No. 55. Edit. Berol.

(b) Ibidem No. 52.

(c) Neue Methode unauf löbliche Malter und Ritte zu machen.
Wien, 1775.

rem custodienda. ✱ Alveus cæmentarius pedes cubicos duos complectitur, qui strato $1\frac{1}{4}$ pedis cubici alto e mortario communi diligenter subacto repletur; additur massæ pulveris calcarii quantitas, quam capit cylinder 6 digitorum baseos diametrum & altitudinem habens. Affusa aqua ligneis vectibus subigitur, donec trullis adhæreat; nec morandum cum opere, ne fermentatio calcis vivæ adplicationem præveniat. Calx viva minimas intritæ pervadit particulas, quæ propterea tenacissime adhæret. Massæ fermentantis calore aperiuntur lapidum pori, per quos velocissime diffusa expulsis superfluis humoribus partes arctissime unit, atque indurescente materie unius instar corporis surgit opus. Exsiccatio, quæ eodem tempore in partibus internis peragitur, æquabilis est; particulis omnibus æquabiliter compressis nulla relinqvuntur intervalla, e quibus nascerentur rimæ, aut via dissolventi aquæ pateret. Quantitas farinæ calcariæ mortario addenda variat: variam reddit melior aut deterior calcis natura. Optimum virium calcis experimentum in opere minore capitur. (d)

§. 15.

LIMUS. ✱ NEC minor, aut a mortario dissimilis est limi opera. Ubique fere locorum habetur: pingvis subrubra terra est. Illius probatio, ut sit purus sine fricantibus arenis, cum quadam tenacitate. Domi-

(d) Dum calx fistucis conteritur, pulveres aeri innatant hominibus noxii; remedium est, si calx recens cocta exponatur aeri, qui eam sponte in pulveres dissolvit; hi rursus torrentur operi adhibendi.

tus hyeme æstivis solibus maturatur; aqua maceratus in substructionibus, quæ craticulæ infillunt, calicis ligna rodentis vices subit. In tectoriis, & pro conficiendis e limo tegulis massæ admiscentur paleæ; spissatur hæc & in densitatem coit, quin tegula findatur, & in tectoriis sic citissime adhærescit.

§. 16.

ARUNDO. ARUNDO cavo intus corpore leni fissilio tenuatur in cacumina: fissilis præcuta semper acie. Aliæ gignuntur in ripis exspatiantis lacus, & locis palustribus; harum tegulo domus suas multi operiunt. Alia est arundo, quæ colitur; hujus postquam probe maturuit, falce metuntur calami, quibus cameras levissime suspendere solent. Arundo illico, ut collecta est, operi adhibenda; situ enim corrumpitur.

§. 17.

STRAMEN. CAULIS granis e spicis excussis reliquus stramen dicitur. Hoc vestiuntur tecta; est quoque illius ad parietes usus. Pro tectis vestiendis secalinum præfertur: quia caulis est longior; formantur hinc scandulæ limo obductæ, quæ tectis ædificiorum æconomicorum aptissima. Stipulæ minutatim confectæ miscentur paleis cannabinis, & limo; e massa bene intrita finguntur tegulæ, aut tectorium inducitur: nec minus idonea est parietibus craticis.

§. 18.

FERRUM. VENA ferri largissima est: differentia tamen in genere terræ. Alia molle tantum, plum-

boque vicinius subministrat : alia fragile & aerofum ; aliud rubiginem celerius fentit. Ferrum accensum igni, nifi duretur ictibus, corrumpitur. Tenuiora ferramenta oleo reftingui mos eft, ne aqua in fragilitatem durentur. A rubigine vindicatur ceruffa, & gypfo & liquida pice. Fufum fornacibus & focis idoneum ; quod ad incudem flexile redditur, anchoris, anfis, cochleis, vinculis, cratibus, & clavis parandis fervit. Filum ferreum in tectoriis ad fufpendendos arundinis calamos utile : in ufu per ignem ductile redditur. Lamina ferrea fillicidii canales, & tecta veftiuntur. Ufus obtinuit, ut rubro colore tingatur lamina adverfus rubiginem ; fed citiffime frigidus aer confumit coloris pinguedinem, fitque lamina cribri inftar exefa. Jul. Salberg (k) fuadet colore e fuligine, oleo lini, & fortiori gummitione confecta laminam illini, putatque eam fic non infeftari rubigine.

§. 19.

PLUMBI ufus duplex eft : aut liquatur, aut tenuatur in lamellas. Liqvatum fufcudibus, virisque ferreis firmandis idoneum : infufum enim coagmentat ferrum cum lapide. Lamellis tecta veftire mos eft ; fed pondere fuo multum premunt. Si flamma tectum corripiat, funditur calore plumbum : nec patet accessus ad ædem flammis relinqvendam. Cuprum quoque tenuatur in lamellas ad

(k) Acta suec. T. I. pag. 94 - 98.

usus in tectis, & stillicidii tubis. Peculiare in eo condimentum attritu domiti, & consuetudine nitoris veluti mansuesciti. Extersum rubiginem celerius trahit, quam neglectum, nisi oleo perungatur. Usus cupri ad perpetuitatem monumentorum jam pridem, hodie ad monetam translatus est.

CAPUT QVARTUM.

DE CONSTITUTIONE PRÆCIPUARUM PARTIUM ÆDIFICII.

§. 20.

FUNDAMEN-
TUM.

INTER præcipuas partes referuntur fundamentum, contignatio, tabularum & tectum, Fundamentum infima pars ædificii est, cui omnis reliqua moles insistit. Complectitur foundationem & substructionem; illa fossa est, intra quam infima murorum pars struitur: hæc vero structura est basim ædificii agens. Cedente basi faxeas moles collabi, quis ignorat? firmam eam esse oportet. Firmitas vel ab æquali terræ strato, & consistente, vel a tabulato ex trabibus coagmentato, atque murorum structuris subiecto petenda est.

§. 21.

FUNDATIO. SOLI conditio impedita variam reddit foundationem. In humo communi, pingui, argillacea, æqualiter undique consistente tuto ædes ponuntur. Soli-

liditatem terræ herbæ crescentes produunt, quæ amant humum solidam. Num æquabiliter undique terra consistat, pertica difficulter adacta docebit, aut si cadente graviore corpore non contremiscat. In terra ex rupe rigescente & plana firmissimæ sunt structuræ; non item in locis arenosis & ex cespite concretis. Arena enim sua mobilitate fluctuat: hinc craticula sternenda est æque ut in loco palustri. Orthographia *a c* trabes decussatim compaginatæ & palos in terra defixos exhibet. TAB. I.
Fig. 2. Palorum capita inferuntur craticulæ; hujus intervalla replentur arena. Palorum diameter $\frac{1}{12}$ altitudinis pars est; attenuantur inferiore parte in cuspidem, ferroque muniuntur. Hæc de fundatione vulgari modo suscipienda Oeconomus; qui praxim fundationis exactissimam nosse desiderat, Belidorium consulat. (*a*)

§. 22.

SUBSTRUCTIO. Humo pro conditione suæ soliditatis, & oneris prementis effossæ murus imponitur totam incumbentem molem sustentans. Ut vero neglectus aliqui satis obvii evitentur, aliqua ex arte, & matura subsidia advocanda. Substructio omni, quæ surgit murus, parte ponenda est; cedente enim aliquo in loco basi tota moles fatiscit. Primum muri stratum nudi lapides sine mortario conjuncti constituunt; camenta, quæ mortario nestenda imponuntur, non temere conjicienda sunt; tumultuaria hæc opera latentia offendicula gignit, quæ structura jam ad finem perducta vitium produunt.

(*a*) Science des Ingénieurs. L. 3. c. 9.

Communis error est, vacuis lapidum interfilitiis largiorem calcinosis glutinis crustam injicere; ut copiosum gluten fissas ligni partes non unit, ita ad majora spatia explenda aptum mortarium pro firmitate non est. Alternas coagmentationes fieri, ut commissuras inferiorum medii lapides obtineant, in omni muro necessarium est; & ut ad firmam fulcri conditionem structuram ad perpendicularum respondere oportet: haud minus ad perennem basis firmitatem confert apta lapidum collocatio ad libellam. Quantum deinde interfit, ut muri in tra fundationem simul eleventur, partium simultanea conjunctio, induratioque evincit. Substructioni veteri novam imponere contra firmitatis rationem est; abraditur vetus gluten, dum novo ligni partes uniuntur; nec recens mortarium antiquo cohæret.

§. 23. *n*

SUBSTRUC-
TIONIS DI-
MENSIONES.

ALTITUDO substructionis fossæ profunditatem, latitudo densitatem parietum determinat; utraqve pendet ab altitudine totius ædificii. Vix lex contra assumi potest: adeo dissentiunt Architecti. Pentherus, (*h*) quem sequimur, vir in omni Architectura expertissimus & proprietati soli, & oneri prementi dimensiones accomodas statuit. Hinc in solo firmo & sicco sextam partem altitudinis muri e terra emergentis tribuit substructionis altitudini, in solo mediocri $\frac{1}{4}$, & $\frac{1}{3}$ in solo minus probo. Pro latitudine vero ita decernit, ut quoties substructionis Altitudo pedibus duobus

(*h*) Zweyter Theil der ausführlichen Anleitung zur bürgerlichen Kunst, c. 1. §. 198.

crefcit, toties ejusdem latitudini pedis incrementum accedat. Ut centrum gravitatis in medio confervetur, patet: incrementum latitudinis dimidiari debere, & utrinque partem unam efferri.

C A P U T Q V I N T U M.

DE CONTIGNATIONE.

E U. §. 24.

PARIES. U^t habitare poffimus, ſpatia muris claudimus; quæ duobus horizontalibus intercepta ſunt tabulatis, Contignationis nomine veniunt. Parietes velut coſtæ corpus concludentes ex ſaxis, cæmentis, lateribus ſtruuntur; ex trabibus coagmentatus paries, cratitius vel coaſſatio audit. Qui variis ædium diviſionibus adhibetur, medianus eſt. Lateritii parietes, ſi ad perpendicularum ſiant, æterni ſunt: ruituri, ſi promiſcue infida opificis manus diſpoſuit lateres pumicum inſtar ad imaginem ſpecus potius arte reddendam pendentium. Parietes oppoſiti connectuntur anchoris, ut validius prementi oneri reſiſtant. Anchoræ vincula ferrea ſunt, quorum extremæ partes annulares; tranſmiſſus utrinque cuneus ferreus anchoram adſtriſtam tenet. Meliores anchoræ ligneæ; hæ veteribus delectæ. Paries latitudine bipedalis contignationem cum teſto patitur; pro numero contignationum inferioribus muris incrementum dimidii pedis addere expedit. Muri integerini diſpari denſitate ſtruuntur; per quos ducuntur fumaria, latitudinem duobus pedibus minorem vix habere poſ-

sunt? reliquis muri primarii duæ tertiæ partes tribuuntur. Lex gravitatis basim semper majorem postulat; imminui itaque murorum densitatem, quo altius educuntur, necesse est. Imminutio hæc contractio dicitur. Interna murorum contractio ad excipiendas trabes transversas tabulatum sustentantes deservit, quam quoque continuo in assurgente contignationis pariete utrinque decrescere oportet. Nam centro gravitatis ad medium baseos cadente aptius fit fulcrum ad totius molis incumbentis vim sustinendam, ut contra ex inclinato pariete certo sequitur periturum incolam momento aliquo luxatis lapidibus.

§. 25.

PARIES CRATITIUS.

Mos fert, ut ligna se se decussantia coagmententur. Loculamenta in coassatione relictæ cæmentis, aut lateribus mortario junctis replentur, surgitque paries cratitius. Sed nimirum calce ligna rodente sensim solvuntur partes; premit onus impositum pondere certam minitante ruinam. Ut sua sit ædi firmitas, placuit rodentis calcis loco adhibere limum, atque veterem errorem novo vitio corrigere. Non tam arcta est limi, quæ calcis cum ligno conjunctio; debiliior itaque erit cohesio partium. Limus cum neque solem, neque frigus ferat, constrictus rimis fœdabit parietes, quævis hiantibus, quantumcunque plices, infirma moles erit. Verum & ad Christ. Pohlen (a) methodum transire convenit. Finduntur bifariam arbores,

(a) Ag. Succ. T. L.

qvas non nisi exsiccatas adhibere oportet. Inferuntur juxta longitudinem ædis ea industria, ut se se contingant. Parte rudiore, nec dolata versus interiores ædis partes versa bacillis teguntur commissuræ, ne ullis juncturæ rimis hient. Totum, nisi quod fenestræ & portæ occupant, vestitur asseribus. Non negligendum est etiam tectorium, quod spisse limo inducitur, sabulo, stercore vaccarum, ac paleis mixto: materia crassitudine aliquot digitorum ad regulam exigitur. Paleas subiterni necessarium est, quo minor vis calcis perveniat ex injecto mortario communi, quod ultimum duos digitos crassum inducitur.

§. 26.

PARIES LIGNI penuria, & inde crescens pretium, LIMBO CON-
STRUCTUS. incendiique pericula movere possunt Oeconomum, ut lignis abstineat. Ad ædes tamen necessaria sunt; propterea abusus, non autem usus tollendus. Importuni ingenii est, connecti e ligno parietes, meliorem materiam dante natura. Limus est recente stercore vaccarum, & pilis mixtus: maceratus aqua, & adjectis stipulis calcatus pedibus aut ligonibus subactus. Utilis ædificio æconomico & ædi rusticæ. Posito e cæmentis fundamento e massa in spissitatem coeunte strata imponuntur, donec surgant undique parietes pedes duos alti. Muro exsiccato repetitur opera datis pro fenestris & portis aperturis, insertisque postibus. Paries tres pedes latus sustentat contignationem cum tecto; resistit flammæ, modo fenestræ valvis ferreis muniuntur.

§. 27.

TECTORIUM. CURA tueri Architectum parietes oportet; quoniam & vento fricantur. Inducitur tectorium e mortuario communi, pilis vaccinis & aqua subacto. Si totus in pulverem redactus addatur, parietes contra pluviam incorrupti persistunt. Parietes siccos esse necesse est; a madentibus tectorium citissime avellitur. Exsiccato tectorio calce candida intrita, & aqua diluta parietes illinuntur.

§. 28.

SCALA. GRADUUM coaxatio scala est, quæ in partes superiores ascensum, ad inferiores descensum præbet. Diversitas loci, quem scalæ occupant: amplitudinis, quam obtinent: figuræ soli, in quo ponuntur: proportionum, quas sequuntur: ornatuum, quæ decorantur, diversas esse facit. Aliæ in medio ædificii constitutæ in superiorem contignationem utrinque deducunt; aliæ e lateribus præbent ascensum, admittuntque ingentem cubilium seriem. Amplitudo magnificentia ædis respondet, & muniis obeundis. Planum, cui insistent modo quadratum est, modo oblongum: aut ovale, aut circulare. Proportio communis omnibus est, ne gradus nimia altitudine ascendentem fatigent. Decor scalæ summus, si sufficienti lumine collustretur. Materia lapides sunt, aut lignum; scalæ lapideæ ligneis præferendæ: quia firmiores sunt, & flammæ resistunt. Gradus, qui anteriore labio deprimuntur dimidio digito, quinque aut sex digitos alti sunt: lati quindecim aut octodecim; longitudo negotiis & spatio accom-

moda. Longior graduum deductio interpositis per intervalla areolis distinguitur; commode admodum post intervallum graduum 9, 11, vel 13 brachium adparatur. Scala rectilinea clatris munita eligenda est; exigit hanc deportandorum onerum facilitas. Præceps scalarum directio fortuitos lapsus causavit; observando graduum dimensiones evitatur periculum. Est quoque rudior modus, quo scalæ directio tribuitur. Nota contignationis altitudo transferatur in lineam A B in TAB. I. puncto C, bissecandam; ductæ C D parallelæ ad B f Fig. 1. pars tertia lineæ C A inferatur vicibus quaternis: junctis punctis A & D dabit diagonalis A D scalæ directionem. In aperto enim est partes lineæ C A semper æqualiter crescere, aut decrescere pro ratione incrementi aut decrementi lineæ A B. (b)

§. 29.

SPATII, CUI DIVERSITAS scalarum majus minusve
SCALA IMPO- spatium æli dedit; neglecta hujus ratione
NITUM, DE-
TERMINATIO incōcinna sæpe partium evasit distributio.

Hinc cognita contignationis altitudo per fixam gradus altitudinem dividatur; e quotiente numerus graduum, & hinc brachiorum patebit. Nota latitudo gradus ducta in numerum graduum unius brachii dabit longitudinem scalæ in plano horizontali, cujus superficies obtinetur, si reperta longitudo per gradus longitudinem multiplicetur: factum hoc bis acceptum re-

(b) Plura de scalis: Penther. D'Izzo Angermann. Dictionnaire d'Architecture. T. I.

spondens binis brachiis spatium determinat. Non negligendæ sunt etiam areolarum, & murorum, quibus gradus immittuntur, superficies: quibus priori factò additis habetur amplitudo spatii, cui scala imponitur. Collato scalæ spatio cum eo, quod ædi demi potest, innotescit Architecto, quæ scalarum species dato in loco erigi possit. In praxi pertica ejusdem cum brachii longitudine altitudinis erecta dividitur in tot partes æquales, quot gradus brachium continet; hæc norma est, quam in constructione scalæ sequuntur.

§. 30.

PORTA. PORTA apertura muri est, per quam vel in ædem, vel ex ædis parte in alias parietibus aditus. Variant portarum magnitudines, propter eum, qui requiritur, commensum partium ad totum. Usus & loci situs optima regula. Communis ratio latitudinis ad altitudinem subdupla est; adversa angustioris plateæ conditio majorem vult latitudinem, ne currui impediatur accessus. Bases postium portarum currulium saxi prominentibus muniuntur. Angustiora ædificia majores portas exigunt; his septem pedum latitudo datur, quæ integra cum medietate accepta pro altitudine est. Portæ Oecorum & Conclavium 5 pedes latæ sunt, 9 altæ; in cubilibus $3\frac{1}{2}$ aut 4 pedes tribuuntur latitudini: altitudo dupla est. Portæ pedes $3\frac{1}{2}$ latitudine superantes duplices valvas habent; divisum enim pondus cardines & postes facilius sustentant. Quæ in ædem, & cubile ducunt portæ, aperiendæ internas versus partes moventur, atque etiam ad scalam fixæ. Limina portarum vel

nulla sint, vel digito non altiora; materia lignum est, reliquis materiis minus premens. Forma portarum legibus adstricta non est; svadente commoditate, & quia valvæ liberrime aperiuntur, parallelogrammum rectangulum assumitur.

§. 31.

FENESTRA. PER fenestras lux in ædificium admittitur; numerus fenestrarum & negotiis in quovis conclavi peragendis, & simul firmitatis rationi respondere debet. Latitudo neque 3 pedibus minor, neque 6 major assumitur; altitudo dupla est. Excedit latitudinem altitudo, quoniam ab hac lucis augmentum intendere convenit. Decrescit tamen in surgentibus contignationibus: quia ad has lux minus impedita adfluit. Murus fenestralis, qui Loricam dicitur, 2 pedum & 9 digitorum altitudini respondet, & pedis densitati; hæ dimensiones & incommodum prospicientis, & præponderantis corporis metum removeant. Muri laterales, quos scapos dicimus, inclinantur ad loricam sub angulo 100, aut 105 graduum; major impedimento est incolis ob scapos exiguos, minuitque firmitatem: minor aut nullus affluxum lucis excludit. Eum in finem, ut largius in conclave lumen illabatur, cruces & fenestrarum prismata attenuantur, versus interiora conclavium declivia formata. Murus super fenestrarum aperturis arcuatur propter partem superliminaris mediam, male alias sultam. Magnitudo fenestrarum, ipsarum portarum fere superpar est.

§. 32.

CORONIX. *CORONIX* eductos muros ambit: non modo ædificiis venusta, sed etiam necessaria est. Projectionem habet, quæ guttas e tecto labentes a pede murorum removeret; utilis etiam testis, quæ adversus serpentem flammam defendit. Hæc enim tignorum & cantheriorum capita tegit, ne corripiantur a flamma, cui quoque ad interiores tecti partes claudit meatum. Detestatione digna res est; hæc licet sciantur, negligi tamen, neque velle sumtu exiguo integræ ædis pretium redimere.

CAPUT SEXTUM.

DE TABULATIS.

§. 33.

PAVIMENTA. *TABULATA* sunt, quæ aut vertici nostro imminet, aut super quibus intra Ædem gradimur. Postremum tabulati genus pavementum dicitur. Pavimentum barbarum dicitur, quod tegulis aut filicibus stratum est; hoc coquinis & stabulis utile. Atria & ambitus sternuntur tessæ lapideis, terra prius fistucata. Est aliud quoque pavimenti genus; Solo fistucato injicitur rudus: dein spissæ calcis carbonibus inducitur; sabulo, calce, & cinere mixtis: materia crassitudine semipedali ad libellam exigitur, & est forma terrena. In cubilibus trabes vel modico intervallo distantes, vel continua serie dispositæ: strato deinde arenoso injecto tigna minora transversim locantur, quæ

asserres clavis figendos excipiunt. Pavimenta arte elaborata picturæ ratione apud Græcos originem habent; hodie in conclavibus videntur, aut etiam tessæ lignis strata. Lignum colore tinctum inutile est; nam color gradientis pede abstergitur.

h. §. 34.

LAQUEAR. PULSA ex humo pavimenta in laquearia transiere, quæ tabulata sunt vertici imminentia. Rude olim opus laquear; nuda incubabant muris tigna, ingrata oculis. Nunc vestiuntur asseribus: calamis arundineis filo ferreo nexis inducitur tectorium, in quo miræ artis adornantur albaria, aut picturæ. Tigna minore basi parietibus incumbunt dato inter bina trium pedum intervallo: viciniora sibi semper, quo longiora. Exigente firmitate adstricta quoque hærent trabi, quam per medium duci transversam necessarium est. Tigna breviora necantur: modum coaxandi figura exhibet.

TAB. I.
Fig. 4.

h. §. 35.

CAMERÆ. LAQUEARIA incurvata cameras dicimus; pro firmitate vult eas usus inventor, Architectis verum artis ænigma relinquens. Figura variante, quam arcus sequuntur, variæ nascuntur species; has & modum fluendi Belidor (a) adfert. Inter communiores est arcus gothicus: compositus e duobus circularibus segmentis, punctis diametri extremis centra agentibus. Arcus integer semicircularis est; delumbatus vero, cui

TAB. I.
Fig. 5.
Fig. 6.
Fig. 7.

(a) Science des Ingénieurs. L. 2.

TAB. I. altitudo verticalis dimidia diametro minor. His adnu-
 Fig. 8. meratur catenulatus, quem linea determinat, quam
 catena de pariete pendens naturali sua gravitate descri-
 bit. Arcus omnis sustentat, & premit; ne labatur, in
 arte remedium est. Pendet firmitas a specie arcus, alti-
 tudine frontis, & lapidum directione; his neglectis
 cedit pila tota mole ruente. Non negligendæ sunt etiam
 materiæ, quas idoneas esse oportet.

n rsh Fig. 7. S. 36.

ARCUS CATENULATUS FIRMITATI AP-
 TISSIMUS. LAPIDES Arcus cuneiformes ad commune
 centrum tendunt. Junduræ propterea plana
 inclinata sunt: directionum lineis ad per-

pendicularem magis accedentibus fiunt lapides pronio-
 res ad lapsum. Lineæ directionum ab ipsa arcus figura
 pendent; aptior idcirco arcu delumbato & integro

TAB. I. catenularus est. Considerato enim angulo $x c b$, quem
 Fig. 9. directio lapidis arcus delumbati $a m d n b$ cum hori-
 zontali $c b$ constituit, patet hunc majorem esse angulo
 $y c b$ a directione lapidis arcus catenulati $a d b$ cum
 horizontali formato. Quia vero sub majore angulo linea
 directionis minus obliqua est, pronior est lapis ad lapsum
 in arcu delumbato. Eandem quoque rationem obser-
 vari firmitati in arcu integro, si cum catenulato con-
 feratur, figuram inspicienti patet. Lineæ catenariæ
 naturam & usum acta Svecica (b) referunt; delineatio ad
 calculum exacta inamœnus est labor; facilior constru-

TAB. II. ctio mechanica. Nam determinata Camerae latitudo $a b$
 Fig. 10.

boque in pariete ducitur, atque in perpendicularum
e puncto bisectionis demissum altitudo transfertur.
Fixis porro in utroque puncto extremo a & b clavis
suspensa catena tenditur, donec apice punctum d con-
tingat. Dimensionibus perpendicularorum ex $a b$ demis-
sorum captis erigitur arcus, cujus medium linea cate-
naria transit. Cum membra catenæ, quæ pondere paria
supponuntur, in æqvabili a perpendicularo $c d$ distantia
sibi utrinque respondeant: divisa per catenam gravitate
quodvis membrum reliqua omnia sustentat, regnante
æqvabili per totam catenam tensione. Quod membrum
in catena, hoc lapis in arcu est. Arcu ductum catenæ
sequente eum quisque lapidum occupat locum, in quo
ab inferioribus sustentatus superiorum pressioni resistit.

§. 37.

ARCUS SOLI-
DITATIS DE-
TERMINA-
TIO.

PRESSIONI corporis incumbentis sua den-
sitate Arcus resistit. Superante pressione lapi-
des descendunt, eoque amplius, quo magis
juncturæ ad perpendicularum accedunt. Interna arcus lati-
tudo, quam frequenter circumstantiæ figunt, lapsum
impedire non potest: sola est altitudo, in qua rei cardo
versatur. Si eadem foret lapidum omnium natura, qui
arcum constituunt: si idem semper onus premens: cer-
tam quoque legem sequeretur altitudo; sed illis varian-
tibus & hanc variare necessum est. Qua polleat resistan-
tia lapis, experimentum in lapideo bacillo ejusdem
naturæ capitur. Bacillus scilicet lapideus aut lateritius
 $a b$ ex ea, quæ deligitur, materia paretur, appensi-
que in slatera pondus ponatur = s . Parte = m , quæ

TAB. II.
Fig. II.

parieti immittitur, sublata erit residuum pondus =
 $— m$. Appenso pondere = P in puncto c ita æquibran-
 tante, ut modicæ auctum bacillum frangeret in $a n$, erit
 $n c : n a = P + s — m : x$ seu $n c \times P + s — m = x$.

$n a$

Si $n a = 1''$. $n c = 12''$ $P = 6$ lb. $s = 5$ lb., ut repe-
 riat m (posito bacillum 6 digitis parieti insertum
 esse) inferendum est $30'' : 6'' = 5$ lb. : $m = 1$ lb.
 Qvare in superiore formula facta substitutione erit
 $12 \times 6 + 5 — 1 = 120$ lb. = x . Si itaque ejus naturæ

I

fuerint lapides, cujus bacillus erat, ad superandam
 unius digiti resistantiam pondus 120 lb. majus requireretur.
 Porro posita unius digiti resistantia eruta = u , atqve
 ducta in arcus datam latitudinem = b , & ejusdem
 altitudinem qvarendam = y , erit resistantia illius
 = $b u y$; qvæ cum ponderi = P prementi æquilibrare
 debeat, erit $b u y = P$ seu $y = \frac{P}{b u}$. Pondere vero ex

apice arcus in utrumqve latus agente P per 2. dividen-
 dum est, ut sit $y = \frac{P}{2 b u}$. Si $P = 138240$, $b = 48''$.

quia $u = 120$, erit $\frac{P}{2 b u} = 12'' = y$ seu altitudini

arcus qvæsita. Patet altitudinem augendam esse, ne
 accedente vi modica, atqve turbato æquilibrio ruina
 sequatur.

§. 38.

IMPULSUS
ARCUM.

IMPULSU aliquo agere arcus, atque vicina murorum latera, nisi firma satis fuerint, tandem disjicere, experientia docet. Actionis hujus causas varii varias adstruunt; principiis mechanicis & naturæ legibus determinatio D. Silberschlag (c) conformis est. Ut lapides cuneiformes labantur, necessum est, perpendicularibus rimis findi arcum: secus non obstante obliquo hiato vicinos a vicinis sustentari lapidibus. Ad leges exacta arcus constructio non admittit perpendiculares fissuras; præcípites tamen agi arcus videmus: sed motis ad latera fulcris. Secundum mechanicæ principia Corpus in *B* existens, seque ad lapsum disponens naturali suo nisu descendere conatur linea *BE*; accedente vi & corpus protruditur via *BD*, quod cum duabus viribus diversa directione agentibus eodem momento obedire non possit, abir via *BC*; hæc idcirco diagonalis repræsentat utramque vim simul summam *BE* & *BD*. Posito *BC* esse fulcrum, quod corporis *B* lapsum impediat: recipiet hoc utramque corporis actionem, reagetque sub angulo *C* ita, ut partem pressionis non modo plano *EC* communicaturum fit in puncto *C*: verum etiam planum *CD* horizontaliter remove nitetur. Quare *BC* actionem totam $= a$, & simul sinum totum, *BE* sinum anguli inclinationis & actionem perpendicularem, $BD = EC \cosinus$ & actionem horizontalem repræsentante stabunt analogiæ:

(c) Ausführlichere Abhandlung der Hydrotechnik. 2. Theil. S.

Sinus Totus ad Sin. Ang. Incl. dati, sicut a : ad act. perp.

Sinus Totus ad Cos. Ang. Incl. dati, sicut a : ad act. horiz.

Dum itaque quivis arcus duplici vi premat, eadem ratione actio illius in pilas spectari potest. Dato enim inclinationis angulo vires determinantur. In hunc finem

TAB. II. fit arcus $s q i$, cujus diameter = 18'. Altitudo $m o$ = 1'.

Fig. 13. interior latitudo = 4'. erit segmenti semicircularis soliditas = $119' \frac{3}{7}$. quare dato inclinationis angulo $q i c$ = 45° . reperietur vis horizontalis inferendo: Sin. Tot. $q i$: ad Cosin. Anguli dati, ut $119' \frac{3}{7}$: x seu

9. 8494850. Log. Cos. 45° .

2. 0771045. Log. $119' \frac{3}{7}$.

1. 9265895. = $84 \frac{2}{3}$ = u , ac propterea u (§. 37.) = $42 \frac{1}{3}$. Patet porro, quo minor est 45° gradibus angulus inclinationis, eo majorem dicere rationem lineam $c i$ relate ad $c q$, ac proinde vim horizontalem crescere. Facile idcirco conficitur, arcus delumbatos, quo magis compressi sunt, eo amplius vim suam intendere, ut pilas disjiciant.

§. 39.

RESISTEN-
TIA PILA-
RUM.

IMPELLENTI ad latera arcui pila resistit; hac cedente ille labitur. Cedere nequit pila,

TAB. II. nisi in puncto h loco suo moveatur; hoc itaque punctum hypomochlium est. Pila vestis est, cujus longitudo $n p$ etsi eadem maneat, crescere tamen potest aliis de causis arcus pressio; quare ut pressioni arcus auctæ solidum obijciatur fulcrum, pilæ basis crescat, est necesse. Quod si h hypomochlium est, necessario erit $h p$ distantia ponderis prementis, cui pila sola

sua

sua gravitate resistit. Facile resistentia pilæ calculari
 posset, si inter ejusdem altitudinem & latitudinem con-
 stans esset ratio; sed hæc variat, variante pilæ latitu-
 dine. Fixa altitudo pilæ est sub dato arcu, non tamen
 distantia lineæ directionis centri gravitatis ab hypomo-
 chlio. Aucta igitur pressione arcus non h p mutatur,
 sed n h , ac proinde ratio resistentiæ ad pressionem
 variat. Pila parallelepipedum est, in qvo semper
 centrum gravitatis ad medium cadit, cujus distantia
 ab hypomochlio, quæ incognita est, est dimidia lati-
 tudo, dicique potest $= x$. Resistentia utpote incognita
 $= y$. Altitudo n p fit data $= 15' = r$. Pressio arcus

horizontalis $= \frac{u}{2}$; quare in pila, utpote vecte erit $\frac{u}{2}$.

$y = x : r$ seu $\frac{r u}{2 x} = y$. Gravitas pilæ y productum est

ex sua altitudine r in totam latitudinem baseos $= 2 x$;
 hæ enim duæ dimensiones dant pilæ anteriorem super-
 ficiem. Profunditas rationem non ingreditur; cum
 parallelepipeda ejusdem profunditatis sint ut bases,
 adeoque est quoque $y = 2 r x$; & quia $y = y$, erit

etiam $\frac{r u}{2 x} = 2 r x$. Tollendo utrinque, remanebit

$\frac{u}{2 x} = 2 x$ seu $\frac{u}{4} = x^2$ ac denique $x = \frac{1}{2} \sqrt{u}$ seu

$\frac{1}{2} \sqrt{42}$. Quia vero in 42 continetur factum etiam ex
 profunditate $= 4$, opus est dividere per 4, & obti-
 nebitur $\frac{1}{2} \sqrt{10\frac{1}{2}}$, 6". Cujus radix $= 1', 7'' = x$, ac
 propterea $2 x = 3', 2''$. Verum perpendicularis arcus

pressio cum pilæ gravitate conspirans partem pressio-
 nis horizontalis elidit; hæc igitur latitudinem pilæ quan-
 titate sibi respondente imminui petit. Reperitur infe-
 rendo: Ut pressio perpendicularis arcus, & pilæ soli-
 ditas ad totam latitudinem erutam; ita sola pressio per-
 pendicularis, ad partem latitudinis pilæ sibi respon-
 dentem seu $232 : 38'' = 42 : 6''$. Sublatis itaque 6
 digitis remanebunt 2', 8''. pro n ζ , quæ est vera lati-
 tudo. Punctum ζ lapide majore munitur, ad concilian-
 dam firmitatem majorem. Si arcus muro continuo
 insistat; calculus soliditatis pilæ emanet. Arcus & omnis
 fornicis structura ex asseribus trabecularum ope colli-
 gatis primum paratur ea forma, quam arcus subinde
 habebit, & muris pilisque, quibus fornix incumbere
 debet, lignea ea compages imponitur, exsiccatæ arcu
 removenda.

CAPUT SEPTIMUM.

DE TECTIS.

§. 40.

TECTUM ET
 TECTI PAR-
 TES.

TECTUM suprema ædificii pars est; com-
 ponitur e lignis, quæ sub certa proportionem
 & angulo nexa supra ædificii muros quiescunt. His
 diversæ materiæ affiguntur, ut partes interiores adver-
 sus aëris injurias custodiantur. Compaginatio interior
 ex trabibus & tignis, tabulatum, & tegmen tectum
 constituunt. Compaginationem solidam quidem, non

tamen gravem : tabulatum rebus recondendis idoneum : tegmen æconomicum & flammæ resistens esse oportet.

§. 41.

LIGNORUM VARIUS ligna coassandi modus variam
NEXUS IN testis
COMPAGINA- nomina. (a) Testi vulgaris contignatio
TIONE.

Vitruvio Tertiarius dicitur, cujus pars cantheriis trans-
trisqve fulciendis subjecta, eademqve suffulciens duplex
a situ crurum nomen sortitur. Cruribus ad horizon-
tem inclinatis compages jacens: stans vero vocatur,
perpendicularia ubi crura fuerint. Compages stans
componitur ex tignis *a*, quæ supra bases tabulati
supremæ contignationis quiescunt. Tignis inferuntur
cantherii *b* in communem apicem coeuntes, his affi-
guntur tigilla ad excipiendam materiam, qua testis
vestiuntur. Transtra *c* medios utrinque colligant can-
therios, fulciunturqve a cruribus *d*, quæ ipsa cum
transtris vinculis *e* connectuntur. Tibiæ *f* in altioribus
solum testis adhibentur, quæ a pondere materiæ testum
vestientis periculum imminet. Descriptus lignorum
nexus pagmentum principale dicitur, occurritque in
tertio quovis cantherio per totam testi longitudinem.

TAB. II.
Fig. 15.

In Fig. 16 videntur bases *n*, supra quas tigna *a* quies-
cunt tribus communiter pedibus a se se distantia;
quod spatium *a a* intertignium nominatur. Crura *d*
inferiore sui parte trabibus *o*, superiore carenis *g*
immissa sunt vinculis quoque *i* connectenda. Compages

TAB. II.
Fig. 16.

(a) Vide Panther. Angermann.

- TAB. III. jacens iisdem fere lignis constat, modo nectendi non-
 Fig. 17. nihil variante. Tigna *a*, cantherii *b*, & transtra *c* a
 stante compage nil differunt. Per medium transtrorum
 juxta tecti longitudinem ducitur trabs *d*, quæ transtra
 sustentat, impeditque, ne, si longiora fuerint, in
 medio flectantur. Crura *e* ad horizontem inclinata sunt,
 atque superiore parte, quæ latior est inferiore, trans-
 tris coassata; utraque pars extrema ita incisa est, ut
 in *p* insistant trabibus, catenas in *o* sustentantes. Infra
 trabem *d* alterum ductum est transtrum *f* cruribus im-
 missum ne cedant. Lignum *g* vinculum est transtrum
 cum crure connectens. Lignum *h* sibia est. Compagi-
 natio juxta tecti longitudinem refert bates *n*; inter-
 tignia *a a* $3\frac{1}{2}$ pedis sunt. Crura jacentia insunt trabi *p*,
 atque sustentant catenam *o*. Vincula *q* impediunt, ne
 ligna juxta tecti longitudinem protrudi possint, duci-
 turque laterale transtrum *r*, supra quod cantherii quies-
 cant. Constructio compagis jacentis solidior est, præ-
 betque spatium recondendæ suppellectili majus.

§. 42.

TECTORUM
 PROPORTIO.

TECTUM, quod sua se simplicitate com-
 mendat, rectilineum est. Proportio spatii,
 quod tectum claudit, finem sequitur, qui præfixus est
 usui; dimensiones tecti æconomiam respiciunt. Ingens
 ista reputantem subit etiam antiquitatis rubor. Humilia,
 vix e terra emergentia tuguria premebant turritæ com-
 pages, (tectæ gothica dicunt) fessis, turbatisque parie-
 tibus certam ruinam minantes. Nos subdolam morta-
 lium seductricem consuetudinem potius quam artem

Veterum imitantes non minores testis gothicis moles muris imponimus, placetque consummato instabili opere ad proprium periculum plaudere, etsi hauriri ædes terræ hiatibus, publicus omnium dolor fit. Dicat fortassis aliquis: solidum molior ædificium; id ipsum quomodo? an non sub mole ipsa æde altiore succumbent parietes, quos ignoratæ artis manus eduxit? sed eduxi tectum altius, ut spatium lucrer; id ipsum ubi? an non, quod mediam tecti altitudinem excedit, inutile spatium? Lignis carere non poteram; in longum porrecta est ædes; id ipsum cur? poterat fortassis in tres contignationes surgenti ædificio subtripulum tectum imponi, quod in longum porrecto triplum imponebatur? Sed denique munia obeunda id exigunt; num etiam exigunt excidium saltuum, quod pensiles supra ædificia sylvæ minantur? Proportio tecti redilinei, si pauci casus excipiantur, stabilis esse potest. Latitudo nimirum pro basi assumpta bifariam dividitur; in erectum e puncto divisionis perpendicularum dimidiæ baseos pars tertia quaternis vicibus infertur: junctis baseos extremis punctis cum perpendiculari apice datur tecto ea declivitas, quæ nivium descensum non remoratur. Modum compaginandi refert D. F. Herzberg, (b) seu stantem, sive jacentem compagem velimus. In stante singulare est, transitro *a*, quod gerit catenam *f*, TAB. III. alterum impositum esse *b*, quod catenis utrinque infertur; hoc fulcris *c* vinculorum vices obeuntibus cum cantheriis connectitur. In compage jacente duo sibi

TAB. III.

Fig. 19.

TAB. III.

Fig. 20.

(b) Vorschläge zur Verbesserung der bisher üblichen Dächer. 1774.

committuntur cantherii, & bina quoque transtra, quæ in medio crura suffulciunt trabi & catenæ immissa; lignum o firmos tenet cantherios, ne loco suo moveantur. Patet compaginationem utramque solidam esse, fierique lignorum, sumptuumque compendium.

h

S. 43.

TECTUM
MANSARDI-
CUM.

TECTUM mansardicum five gallicum latera ad angulos infracta gerit. Tectum in urbibus commodum; nam in cubilia convertitur. Figura tecti oculis grata. Contra non ex tecto sunt proprietates, quæ illud præ reliquis commendarent. Cum enim compaginatio semicirculum sequatur, cujus radius est dimidia latitudo tigni: rei natura admonet, superiorem tecti partem nimis planam reddi. Pars inferior tecti veluti flans est; cantherii itaque utriusque partis necuntur, quos debiliorem compagem constituere necesse est, ac illa sit, quæ ex integris, atque non interruptis cantheriis surgit. Idcirco ut sua tecto sit soliditas, ligna accumulatur lignis, paraturque machina pretio majore lætius flammæ pabulum futura. Gravis præterea muris insistit compages; premuntur nimio pondere, cantheriis inferioribus ad lapsum semper pronissimis. Si pretium majus: si intabilitas compagis: si in incendiorum periculis molestia, aliaque incommoda perpendantur penitius: vix supererit quidquam, quod tectum mansardicum commendet.

A.

§. 44.

TECTI TABULATUM. SUPREMUM ædificii tabulatum, recondendæ suppellectili utile; sed incendii periculo præprimis subiectum. Communis mos est, ut hoc tabulatum rude & imperfectum relinqvatur, aut si ad usus necessarium sit, tignis affigantur asseres. Qvam perperam istud fieri soleat, incendiorum pericula edocent; nam flamma sub tectum penetrans libere grassatur, cunctis partibus e ligno connexis. Expleri possunt intertignia rudere, tignis limo undiqve illitis; superficies dein ad libellam redacta exhibebit tabulatum usui idoneum, flammæque resistens. Qvod difficultatis in hac methodo tabulandi occurrit, est, imminuto flammæ periculo in subiecta tigna infuso rudere ponderis augeri pressionem; sed in remedio est, cubilium supremum laquear arcuatim attollere, ut tigna in medio protuberent. Imminui præterea potest ponderis pressio, totius tecti levioze compage constructa; commendat hunc in finem D. Herzberg suam struendi methodum: operæ pretium est, scire, quid invenerit. Tectum 48 pedes longum est, 36' latum, & 9' altum. Cantherii tignis inserti sustentantur a fulcris *c c*, quæ transro *d* connectuntur. Intertignium 8 pedum est. Tecti compages vestitur $1\frac{1}{2}$ digitum densis asseribus, 16 pedes longis, qui utrinque in extremitate, & in medio cantheriis affiguntur. Hæc tectum sternendi methodus prævalentis pressionis periculum removet, compage tecti durante. Imminui ligni quantitatem, ac propterea pondus quoque muris incumbens, in aperto est. Sed imminui etiam sub tecto spatium videtur:

TAB. III.

Fig. 21.

TAB. III.

Fig. 22.

nam tectum declive est; dein flammæ augeri periculum: quia vestitur asseribus. Ut spatium sub tecto sufficiens obtineatur, parietes a supremo tabulato 7 aut 8 pedes alti assurgunt, quæ tectum imponitur. Spatium quod parietibus eductis clauditur, regulare est, capacius deinde etiam, quam quod triangulæ figura circumdatur. Ut libero aëri ad res reconditas aditus pateat, in eductis parietibus fenestræ struuntur, quæ ipsi ædificio ornatui erunt. Ad removendum, quod a flammâ imminere potest, periculum, asseres marginibus probe insertis illinuntur pice, quæ nondum exsiccata tenuis ac simul aspera arena inspergitur, probe dolato ligno interenda. Incrustatio ficcata trullisatur massa, quæ e diversis partibus componitur. Tribus intrita calcis partibus infunditur sanguis boum, subigendus bacillis, donec massa fluida evadat. Tum additur $\frac{1}{8}$ ex argilla pingviore in aqua soluta, $\frac{1}{8}$ gyli contriti, $\frac{1}{4}$ arenæ tenuis, $\frac{1}{2}$ e pulvere contritorum laterum, $\frac{3}{8}$ scobis ferreæ, & $\frac{1}{2}$ e pilis eqvinis. Massa neque nimium densa, neque fluida tectorium inducitur, interendo continuo arenam, donec crusta $\frac{1}{3}$ digiti alta fiat. Crusta exsiccata, quod æstate octo horarum intervallo fieri solet, novum tectorium inducitur duas lineas densum, componitur e calce, arena, limatura ferri, & sanguine boum. Denique inalbatur tectum massa, quam calx, lac acidum, & ova constituunt. Pice calida in poros asserum penetrante excluditur in tectorio contentus humor, qui putredinis semen est. Arena intrita ligni superficiem asperam reddit, cui propterea tectorium facilius adhæret. Tectorium e

materiis compositum est, quæ natura sua flammam dedignantur. Insperfa arena indurefcit tectorii superficies, majorque evadit mortarii cohesio. Hoc impedit, ne aqua pluvia & humor penetrent; inalbantis collationis massa tecti superficiem polit, ut velocior sit aquæ pluvie defluxus. Parva sunt cuncta, quæ diximus, adversus flammam remedia pessimo more vigente, ut stramen, fœnum, ligna sub tecto ferventur. Sed & reliquus adparatus, qui superfluit quotidiani usus necessitate, reportatur sub tectum, majus majore sua combustibilitate ædi incendii periculum intentans; aptius iste in cubili ad terram fornice instructo servantur, aut illa sub dio. Subit etiam, sæpe pro præmio haberi, paucas incendio interiisse ædes, quod ex aquæ defectu urbem delere potuisset. Sunt urbes, quæ aquæ defectu laborant; crescere his debet dispositionum solertia, crescente flammæ periculo. In hunc finem quævis ædes sub tecto vas aqua repletum habeat, est necesse, binasque situlas. Aquæ sal admiscetur, & ut putredini resistat, lapides calcarios imponere oportet.

§. 45.

SUBGRUNDA. SUBGRUNDA inferior pars tecti est; pro-
minet ultra muri coronicem, radios solares & pluviam
arcens. Cantheriis annectuntur ambrices, quibus sub-
grunda attollitur; sunt trabeculae stillicidium a domo
removentes. † A recta subgrunda structura coronicis
pendet conservatio; avellitur a reliquo muro coronix *b*, TAB. III.
quiescentibus supra coronicem ambri cibus *c*, & tegu- Fig. 23.
larum pondere pressis. Idcirco tigna *e* fulcris *f* muro Fig. 24.
TAB. III.

insertis sustentari oportet: affiguntur ambrices *g* cantheriis *h* in distantia trium pedum, ne supra coronicem quiescant, clavicula *i* ponderi laterum prementium renitente.

§ 46.

TECTA VESTIUNTUR. MATERIA, qua tecti lignea compages vestitur, restat, hoc est, præcipua æconomi cura. Nisi erecti ædificii finis aliud exposcat, deligitur ea materia, quæ pretio comparari potest levissimo. Magna est etiam in materia ponderis ratio, & ut contra humorem & flammam incorrupta permaneat. Methodus tecta sternendi variat variantibus materiis; hæ diversissimæ esse possunt. Quæ communiter adhiberi solent, sunt lateres, stramen, scandulæ lignæ, arundo, quibusdam in locis implexæ falices, & scandulæ e limo compactæ. Ipsa hæc materialium varietas in diligentiam animum agit indicandi, quis utilitatum habeatur respectus; juvabit tamen, potius curæ rerum, quam copię insistere.

§. 47.

IMBRICES. INCIPIMUS ab imbricibus, hos tectis exquirentes, immensa statim difficultate obviâ. Paratur arte imbrex, idoneam multis in locis natura negat materiem. Comparatio imbricum e locis remotioribus sumptuosa est, & tamen minus idonei comparari possunt fallente sæpe artificis solertia. Tectum suo pondere premunt imbrices: æstivo sole incalescunt; hinc frumentum infra tectum reconditum, nisi probe ficcatum

eo delatum fuisset, facile uredinem sentiet. Imbrices frigore diffiliunt; mortarium, quod alterum alteri jungit, asperitate ventorum fricatur, quo deciduo patet hiatus; corrumpitur intus supellex, nive & aqua pluvia penetrante. Neque ea est imbricibus firmitas, ut flammæ resistent; nam ignescentes compagem ligneam succendunt, aut vehementia caloris rupti jaciuntur præcipites: quod spectare in incensa æde horror est. Sunt tamen tecta imbricibus sternenda; mos ea urbibus necessaria fecit. Ut exonerentur pondere, atque ventis & aquis firmitus resistent, Baroni de Heins (c) acceptum ferri oportere conveniet. Tegulæ hamatæ juxta se affiguntur tigillis, fastigio tecti imbricibus strato. Juncturæ & intervalla quævis diligenter oblinuntur massa, quam limus & paleæ cannabinæ componunt. Contusæ videlicet cannabis decidui leguntur calami super horrei area studiose minuendi; tum incernuntur, atque minutissimæ paleæ ad usum aptæ. Limus melioris naturæ idoneus; per cribrum agitur separatis herbarum radicibus, & lapillis. Duabus limi partibus admiscuntur tres palearum cannabinarum; subacta in aqua massa præ mortario communi utilior. In tectorum fastigiis imbrices mixtis quoque vitulinis pilis coagmentantur.

§. 48.

Ex urbibus in pagos migrarunt tecta straminea. minea; depulerunt ab urbibus, ut opinor, incendia. Imminui propterea in urbibus incendiorum

(c) Vortheil die Ziegelböcher ohne Kalk und Moos mit weichen Rosten so zu verwahren, daß weder Regen noch Schnee = = = Trf. 1765.

pericula, negari non potest; sed tamen nondum adversus flammam consultum est tectis stramineis, quæ in pagis undique vigent. Elidi ventorum impetum, ac grassantis periculum flammæ putat Wiegand (d), cura & sumtibus plusculum majoribus impensis. Idcirco probæ indolis limus in aqua subigitur, donec tenuem in pulvem disfluat. Fascibus stramineis compagi vimine nexis limus infunditur, tectorio limo vaccarum stercore mixto interiori superficiiei inducto. Plana tecti superficies & vento & flammæ resistit; nam stramen limo tectum est. Durat tectum: modo massa descripta conspergatur frequentius. Aufert animum, & a destinato itinere digredi cogit contemplatio compagis, quæ rusticæ ædi insistit. Cantherios tenues agunt perticæ: virgulta pro tigillis sunt: clavorum ferreorum vices subeunt vimina saligna; tumultuaria opera injicitur compagi potius, quam neditur stramen, tecto in terram usque pendente. Intus aut tabulatum nullum est, aut certe miserum. Hinc flamma sive in æde exorta, sive aliunde allata velocissime tecti culmen petit; incensis illico viminibus ignita moles in terram præceps agitur, obstructisque ad auxilium viis opinione citius cuncta flamma intus depascitur. Sed nimirum excusatio in egestate est? meum non est decidere, quid egeno concedendum sit; id certum est egenum feliciorum non fieri consumpta suppellectili, ac pecoribus igne crematis: quod periculum tectum modo descriptum, si hoc flamma corripiat, certius minatur.

(d) Wohlersfahrner Landwirth ; ; S. 275,

2 §. 49.

SCANDULÆ
LIGNEÆ.

LIGNEA tecti compages ligneis vestitur scandulis; surgit moles tota lignea, propterea periculi plena. Neque sumtus minuuntur; hoc si conferatur tectum cum lateritio, docebit calculus sumtus æquari. Scandulæ præterea calore æstivo finduntur; penetrante per rimas aqua pluvia corrumpitur supellex sub tecto conservata. Torrentur sole; exsiccatæ incendiorum pericula augent; nam sulphuris instar flammam concipiunt, atque accedente turbine per aëra volitantes dissitis quoque structuris interitum minantur. Ut aqua pluvia non penetret, duplici scandularum serie sternendum est tectum; maceratæ aqua falsa flammæ resistunt.

2 §. 50.

TECTA
ARUNDINE
STRATA.

LOCA, quæ arundine abundant, ea in tectis sternendis utuntur. Hæc tectis stramineis præferenda; nam contra vetustatem firmiora. Incendii tamen periculum majus est; quia concepta flamma undique momento diffunditur. Arundo bacillis transversis alligatur: hi viminibus in tigillis vinciuntur fastigio tecti formato e stramine, quod limo coagmentatur.

2 §. 51.

TECTUM EX
IMPLEXISSA-
LICIIBUS.

TECTUM virgulis implexis stratum videri potest neque firmum, neque flammæ resistens. Sed superat spem; neque ruri utilius tectum. Nam sumtibus exiguis surgit moles, quam opera coloni

perficit. Ipsa tecti compages humilior est; breviores idcirco cantherii. Nec obest minor tecti declivitas. Cantherii impleantur virgultis, textura crates exhibente; nec defunt ruri vincula: siquidem & genistæ, & populi, & ulmi, & sanguinei frutices, recisisque aculeis rubi alligant, & intorta corylus. Præprimis præbent salices virgas sequacis ad vincturas lentitiæ, quibus contusis majores ad vincula vires. Incrustantur crates argilla pingvi, inducto strato duos digitos denso. Tum massa, quam componunt sectæ tritici repentis (e) radices, & terra nigra, inducitur, donec corium tres digitos densum sit; lignibus denique ligneis utraqve tecti superficies plana redditur, insito humectato fœni femine. Exiguo temporis intervallo implexarum radicum reti tectum implicabitur, quod non nisi vis summa dissolvat. Putrescant licet virgulta virent tamen succrescentes radices, stabitque tectum contra vetustatem & flammam illæsum.

§. 52.

SCANDULÆ
E LIMBO COM-
PACTÆ.

LEVIORES impensæ in votis œconomorum sunt. Levi comparatur stramen pretio: sed quia fomitis instar flammam concipit, periculum leve non est, quod tectis stramine stratis imminet. Ex his, quæ rapacis elementi vires refringunt, sunt scandulæ e limbo compactæ, humanæ industriæ præmium. En modum parandi. Compaginato e lignis receptaculo, quod longitudini straminis respondet, istud imponitur

(e) Linnaeus,

$1\frac{1}{2}$ digitum densum: latitudo scandulæ voluntaria est. Bacillo, qui utrinque stratum stramineum latitudine excedit, implicantur aristæ: limo inductus straminis fascis scandula est. Exsiccata sub sole scandulæ affiguntur tigillis, revinctis in testis bacillis. Aliæ aliis impositæ oblinuntur limo, non secus, ac imbrices calce coagmentantur. Fastigium tecti e limo construitur, insertis peniculis stramentitiis. Hoc quoque trullisatur limo paleis mixto, ut obtineatur culmen convexum, quod alias imbrices faciunt. Annis durat tectum, resistente quoque flammis materia, vetustate corruptum fimationi utile est.

§. 53.

COMPLUVIUM. CANALIS aquam pluviam e tecto decurrentem derivans compluvium vocatur. Canales hi & utiles & necessarii ubique, nisi eos incuria quibusdam in locis & indecoros & noxios reddat. Adimunt profecto urbi nitorem ab ædibus trunci porrecti, nec vanum incutiunt spectantibus metum. Nam hyeme pendent de illis decem etiam librarum stirax, prætereuntibus vulnera aut mortem minantes, si cadant. Non est prætereundum novitium inventum. Cuprea ponuntur draconum capita, ridu immani aquam evomentia; vix licet transire, aqua a lapidibus resiliente. Infelix! in cuius caput ærea hæc catastropha suas divitias profundit. Tubos ad terram usque deductos esse oportet, e lamina structos. Decorat res utique, non impediri commeatum in urbe, securumque constitui aqua pone terram effluente.

CAPUT OCTAVUM.

DE DISTRIBUTIONE CUBILIIUM.

§. 54.

DISPOSITIO. **D**ISPOSITIONEM facit illa idonea partium quarumvis coordinatio, quæ aream operi destinatam ad præfixos fines congrue meliorem, quæ fieri potest, arte informat Architectus. Lex commoditatis plura profecto in Architecto requirit, quam ædem structam mensurandi ars exigat. Situs ædificii fere semper determinatus est; rarius etiam spatii electio arbitraria. Limitata spatii electione eam commendat commoditas divisionem, quæ plurimum utilis. Quamquam abundante spatio necessarium sit etiam, ut iis, quæ simul pertinent, nexus non desit. Præcipuus spatii ædificio tributi usus in dispositione cubilium consistit, res in architectura summi momenti. D. Succov ad leges exegit cubilium divisionem: nec operam perdidit; nam non leve propterea suo architectonico operi pondus adjecit, ut amplius æstimeretur, & commendetur Architectis. Sunt hodie quoque structarum ædium exempla, quæ internas partes ridicule confutas ingredientibus exhibent, exterioribus sæpe magnifice structis. Contingit nonnunquam, ut voluntati leges ignorantis fundatoris cedere oporteat Architectum; sed frequenter & in isto error est. Nemini leges inviolabiles volo obtrusas; qui sumtibus par est, & spatio abundat, cubilia extendat ad stadia: nobis de accommodata

moda cubilium distributione & spatii usu agendum est. Docet ista Lambertus (a); licebit adducere, quæ dicit, & gaudere inventis alienis.

2 §. 55.

CAUSÆ LI-
MITATIONIS
NUMERI CU-
BILIIUM. NUMERUM cubilium lux limitat. Hæc cubilibus necessaria non nisi per fenestras affluit. Si cubilibus lux per aperturas in tabulato vertici imminente afflueret, nulla foret in disponendo difficultas, spatio in quadrata aut rectangula minora diviso. Lucis itaque affluxus series cubilium determinat, & quidem 1° fenestris ex vno solum ædis latere structis unica cubilium series est. 2° Datis ædificio a fronte & tergo fenestris duplex surgit cubilium series. 3° Ædes e quatuor lateribus instructa fenestris tres cubilium series admittit, media tamen variante, in qua cubilium numerus ad duo restringitur. 4° Ut quatuor sint series, aream in medio ædis esse oportet. Limitat quoque ædis spatium scala; hæc ut sufficienti lumine collustretur, rapit unam alteramve fenestram, minuitque propterea cubilium numerum. Præcipua in ædificio est partium communicatio, quæ non solum de cubili in cubile accessum exigit: sed etiam a porta ædis in singula quævis. Accessus a porta ædis in singula cubilia communicationem independentem facit; hæc, si demantur 1° cubiculum, dormitorium, & vestiarium: 2° conclave graphiarium, & bibliotheca; 3° Coquina & promptuarium &c. in omnibus reliquis

(a) Beiträge zum Gebrauche der Mathematik, und deren Anwendung. III. Th. Berlin 1772.

necessaria est. Hinc enascuntur atria, ambitus &c. &c., spatia, quæ numero cubilium demuntur. Denique frequenter cubilia linitat symmetria. Hac ita volente ædis porta in medio est; ducitur propterea ambitus sublato numero cubilium spatium. Et si quidem symmetrica ædis ac partium constitutio pro regula fit; licebit tamen recedere, utilitate aut spatii angustis aliud exigentibus.

2

§. 56.

DISTRIBU-
TIO SPATII.

DISTRIBUTIO spatii ea utilis censenda est, sub qua cubilia communicantia quidem, at simul ab invicem independentia constituuntur, nulla parte inani relicta, aut destituta luminis affluxu. Idcirco dato spatium, quod capiat tria cubilia longitudine & totidem latitudine, cubilia novem construerentur. Vtrum quod medium occupat locum C, caret lucis affluxu, atque in B e scala posita numero cubilium spatium C B decedit. Ne spatium C inaniter pereat, augmentur cubilia E & H, spatii C divisi parte utrique adjecta. Hoc modo spatium septem fenestras tam longitudine quam latitudine complectens ita divisum est, ut ad a pateat introitus, b fit scala, c ambitus sufficienti lumine colustratus, e quo in cubilia k, e, d, f, l, accessus habetur. Majora commoda e dato spatium sperari vix possunt, nisi subdivisione cubilium angularium g, h, k plura, sed simul minora struantur. Studiosè a figura omissa sunt, coquina & loca secreta; de commoda solum spatii distributione agendum duxi, qua facta facile coquina & loca secreta constituentur; quo vero ponenda sint loco, sectio secunda docebit. Porro datum

TAB. IV.
Fig. 25.

TAB. IV.
Fig. 26.

spatium, quod ædes a fronte & tergo instructa fenestris occupat, latitudine non nisi duo cubilia complectens, hoc modo dividi potest, ut cubilia independentia sint. Nimirum ad *a* ingressus est, simulque atrium, *b* scala, *c* *c* ambitus ejus latitudinis, quam angularium cubilium *d*, *e* portæ requirunt. Longitudo ædis undecim habet fenestras, & novem cubilia, inter quæ communicatio est, etsi sint independentia. Si ædis latitudo utrinque fenestras obtinere posset, facile apparet, subdivisis cubilibus angularibus numerum cubilium quaternis augeri. Denique ædificiis frequenter alæ adjiciuntur. Hæ in eadem cum æde linea porrectæ sunt: differunt tamen altitudine, aut latitudine. Si nulla sit dimensionum differentia, distinctas acquirunt portas, scalas, & ambitus. Major est difficultas in his, quæ cum ædificio angulum rectum constituunt. Nam nisi minor detur alæ *e* *f* latitudo, cubile *a* perpetuè obscurabunt tenebræ, aut informiter productum esse oportebit.

TAB. IV.
Fig. 27.

TAB. IV.
Fig. 28.

§. 57.

CLASSES DISTRIBUTIONIS GENERALES.

ADVERSUS præstitutæ brevitatis finem foret, singulos adducere casus, qui e compositione simplicium identidem multiplicantur. Necessarium tamen visum est, classes insinuare præcipuas, ad quas cuncta revocantur. Hinc:

I. *Fenestra ex uno ædis latere, & unica cubilium series.*

1°. Fenestra unica portam simul agens, ut in fornicibus.

2°. Duæ, tres, quatuor fenestræ, quæ duobus cubilibus sufficiunt; ipsa quoque porta fenestra esse potest.

D 2

3°. Plures fenestræ cum aut sine ambitu a tergo cubilium, prout spatium admittit; aut cubilia independentia esse oportet.

4°. Alæ ædificio adjectæ.

II. Fenestræ ex duobus ædis lateribus, & una cubilium series.

1°. Id occurrit in æde angulari, ubi cubili angulari aliud utrinque adjici potest. Ceterum eadem recurrunt, quæ in classe prima.

III. Fenestræ a fronte & tergo ædis.

1°. Una cubilium series utrinque fenestras habentium; hæc ut independentia sint, requirunt in hypogæo ambitum, porticum vero in 1^{ma} contignatione.

2°. Duplex cubilium series §. 56. Fig. 27.

IV. Fenestræ e tribus ædis lateribus.

1°. Cum ala §. 56. Fig. 28.

2°. E præcedentibus facile componitur.

V. Fenestræ e quatuor lateribus.

1°. Cubile unicum, ut in ædícula hortensi.

2°. Una cubilium series. Ut superius III. 1^o.


3°. Duplex cubilium series. Differt a casu 2°. III. quod cubilia angularia *dd*, *ee* e duobus lateribus fenestras habeant.

4°. Tres cubilium series. §. 56. Fig. 26.

5°. Quatuor cubilium series, dum media intercedit area; his quoque aliæ quatuor series adjici possunt. §. 56. Fig. 28.


6°. Ad obtinendum plurium cubilium numerum figuram craticulæ imitetur ædificium, est necesse.





SECTIO SECUNDA.

DE STRUCTURIS ŒCONOMICIS.



CAPUT PRIMUM.

STRUCTURÆ AD NECESSITATEM DOMESTICAM PERTINENTES.

§. 58.

MULTA & multigenera ædificia æconomica. Alia in urbibus necessaria: alia ruri: aliqva utrinque; omnia utilitati tam privatæ quam publicæ eriguntur. Necessitates quotidianæ structuras æconomicas voluere semper; nihil ergo intentatum, nihil occultatum etiam, quod non alii ante me in hoc genere dixissent. Quapropter, quæso, ne ista legentes, quoniam ex his spernent multa, etiam relata fastidio damnent; cum in contemplatione utilitatis nihil possit videri supervacuum. Magnus hic invitat locus, & diversis refertus structurarum exemplis: sed limitat exemplorum ubertatem Auditor; obvia idcirco & magis necessaria dicentur. Quoniam vero commoditas nusquam magis, quam in minimis, tota est: inter structuras æconomicas referre illas quoque minores, quas quotidianus domi vult usus, haud ullo in genere venia iustiore licebit.

§. 59.

FUMARIUM. FUMUS, nisi libere meare possit, per ædem diffunditur; condensatus vero ardentior, accensusque furit. Ideo struuntur spiracula, quæ tecta superant; protrudente aëre ascendens fumus elabitur. Sunt enim vaporum particule levissimæ; minimæ vis superantis directionem sequuntur. Hinc, ne aër superne irruens fumum repellat, inferior fumarii pars, quæ lorica dicitur, latior est, ut in maiore quantitate continuo succedens fluentem per spiraculum utpote angustius fumum ea celeritate impellat, quæ aëris resistentis vincat actionem. Lorica foci limbum pede excedit; neque supra focum nimium attollitur, ut fumum collectum recipiat. Fumarium neque duobus pedibus latius, neque semialtero angustius, ut homini a fuligine repurganti pateat ascensus. Spiracula bina, aut plura in unum coeuntia diaphragmate separentur: secus diffundendus per ædem fumus per illud spiraculum delabetur, in quo aut nullus, aut debilior ignis alitur. Fumo non recta in fumario via datur exitus; nam per eandem quoque aperturam & aqua pluvia & nives irruerent; sed fiunt ad latera spiraculi foramina, per quæ fumus educitur. His quoque varia a vento & radiis solaribus incommoda. Nam vento potentiore irruente, aut radiis solaribus a muro altioris ædificii fortassis vicino in foramina spiraculi reflexis, fumi fluxus lentescit, quod causa est fumi per ædem diffusi; frequenter etiam ventus a tecto reflexus idem incommodum accersit. Huic obviatur, pedibus quatuor tectum excedente fumario: illis vero, prominente testulo supra

spiraculi foramina struſto. Præcipua in ſtruendis fumariis cura fit, ne conſtruantur e ligno, aut lignis inſertis; verum his ſedula Magiſtratus ſolertia invigilat potius, quam ut ab arte documenta petamus.

§. 60.

FORNACES. DUPLEX in fornace quæritur proprietas: ut cubile calefaciat, & lignorum fiat compendium; de utriusque defectu idem omnibus quærendi mos. Nec mirum: ingenti cubili exilis imponitur fornacula; quæ ſperabimus ab illa calorem, quam vix videmus? Eriguntur quidem etiam immanes machinæ, ſed plurimum ornatus occupat. Hinc liberalius farcire fornacem lignis neceſſum eſt, aut in cubili rigescere nitore commoditatem vincente. Non abhorreo ab elegantiâ: modo commoditati non obſit; recta ſtruendi methodus utramque conciliat. (a) Notum eſt minutiffimas ignis particulas in minimos penetrare corporis poros; hæ ſive mediante aëre, ſive corpore alio ad nos perveniant, leni ſuo motu calorem excitant. Porro extingvi ignem, niſi cum eo aër communicet, experientia docet; communicatio itaque aëris cum flamma vim ignis nutrit. Aër prope ſuccenſas materias natans caleſcit, rareſcitque, ac propterea levior ſuccedenti frigido cedit, igneis particulis immixtus altum petens. Idcirco recto per ſpiraculum dato meatu ſine mora cum fumo elabitur, evanefcente in cubili calore. Quare interna fornacis conſtructio præcipua pars eſt, quæ noſtram

(a) Aëtib. Svec. Tom. I.

TAB. IV.
Fig. 29.

attentionem meretur. Hæc communiter ut ut alta fornax sit, spatium vacuum est, nullam propterea calefactus aër remoram patitur: sed succedente frigido protrusus velocissime in spiraculum abit. Impeditur fumi & calefacti aëris a foco *g* ascendentis velox per spiraculum *h* elapsus, constitutis per intervalla testis *a*, *b*, *c*, *d*, *e*, *f*; hinc aëre calefacto suo fluxu serpentinam describente, & ideo longiore tempore commorante fornacis latera magis incallescere necesse est, atque propterea augeri quoque in cubili calorem. Distantia testæ *a* a foco *g* octodecim digitorum est; reliquæ ab invicem senis distant. Densitas testæ *a* 6 digitorum, in reliquis subdupla. Alternantes situ testæ ferreis transversis sustentantur perticis 4 aut 5 digitorum intervallo testas inter & latera fornacis relicto. Ad conciliandam flammæ cum aëre communicationem fauces sunt portula ferrea armata, qua reserata affluente aëre flamma alitur, donec imposita ligna vivum concipiant ignem. Hac deinde clausa aperitur altera, quam minorem quidem, sed tamen ejusdem cum priorè longitudinis structam esse oportet, dum ligna in carbones abeant; hæc in quarta altitudinis parte portulæ majoris struitur. Fumus a foco ascendens in fumarium educitur per tubum *h*, valvula mobili instructum, ut deficiente fumo reducta in tubo valvula nullus calori pateat exitus. Cubile itaque tepidum conservabit innatans aër, continuo latera fornacis lambens, calore intus recluso, & longiore tempore velut stagnante. Nec prætermittenda est externa fornacis constructio, & quidem latera testacea sunt, pedes duos cum dimidio lata.

Fornax uno solum latere muro adhæret, quæ parte fauces struuntur, ne muris sibi calorem rapientibus cubile defectu laboret. Infistit deinde fornax laminæ *i* ferreæ, quam tenuis murus *k* ambit; communicabit cum basi calente aër in cubili contentus, datis muro aperturis *l* rotundis five quadratis. Potest quoque medio fornacis inferi tubus *m* per basim traductus; remota tubi valvula *n* adlabens aër malignos innatantes vapores e cubili in fornacem secum abripiet. Fornax ornari potest, ut lubet; intus ferreis circumdatur cratibus, quæ tam incuriæ, quam malitiæ hominum resistunt. Verum ut pariter nitor commoditatis jungatur, juvabit fornacem Franklinianam describere, & ubi patietur sumtum ratio, eam struere conveniet. Hujus Basis *Z* muro, qui supra pavementum attollitur, imposita est; ad focum *C* mediante subterraneo canali aër adlabitur e foramine *A*, quod portula clauditur, aut aperitur sublata. Fumus a foco assurgens in latere tympani ferrei serpendo ascendit, donec ex adversa parte decedens in foramina *d* descendat, quæ eundem in fumarium educunt. Tympanum e lamina ferrea compositum foramini *a* infistit; hoc cum subterraneo canali communicat. Hæc via est, quæ aër in tympanum illabitur, descriptisque circa canaliculos gyris calefactus ad *B* in cubile irrumpit. Tympanum fornacis lateribus & basi in *b b* probe inseritur, & ne ulli pateant hiatus, perticæ ferreæ per operculi *L*, & baseos annulos *u w* transactæ firmiter constringunt. Lateribus fornacis in *x* inserta est mobilis valvula *m*; aperta in fumarium provehitur fumus, sistitur clausa. Fornacem compositam

TAB. IV.
Fig. 30.

TAB. IV.
Fig. 31.

TAB. IV.
Fig. 32.

TAB. IV.
Fig. 33.

TAB. IV.
Fig. 34.

TAB. V. Fig. 35 exhibet; intersectionem 36 refert. Muro vide-
 Fig. 35. licet *y* basis *z* insitit; aër ad flammam in foco C alen-
 TAB. V. dam mediante canali *i* per foramen *A* adfluit. Fumus
 Fig. 36. a foco accendens alio non reperto exitu, descripta
 via *f* per apertam valvulam *m* in fumarium *E* ingreditur.
 Aër per canalem quoque *i* ad *a* in Tympanum *x*
 illabens, atque descriptis anfractibus per foramen *B* in
 cubile egreditur. Pars fornacis anterior *F* est, portula
 mobili instructa: Tympani superior pars *L*, & *G* fuma-
 rii latera.

§. 61.

COQUINA. CONDITIO & Incolarum numerus spatium
 coqvinis modo majus, minus modo figunt; singulas
 quoque coquinas familiae singulae volunt. His alii septen-
 trionem, aut Orientem versus situm tribuunt; sed fre-
 quenter totius spatii distributio hunc situm negat. Id
 curandum praecipue, ut a fronte ædis remotæ sint, ne-
 que mediæ inter cubilia constituendæ. Patitur imminui
 spatium, modo non negligatur foci constructio; ad-
 munia rite obeunda cubile adsitum ad usum constitui-
 tur, aut ad coquinæ latera mensæ parantur. In struen-
 dis fenestris, quas esse oportet, adhibenda cura, ne
 radii solares in focum incendant; nam rarefaciunt ignem,
 fumusque non recto meatu per fumariumeductus dis-
 funditur flamma dissipata. Murum, cui focus adhæret,
 solidum esse necesse est, coquinam arcuatam, & pavi-
 mentum lapidibus stratum; hæc enim sunt incendii re-
 media. Lapidem, quibus pavimenta coquinarum in educ-
 tis contignationibus sternuntur, contra humores robusti

sint; madentes & effusam aquam imbibentes subjecti tabulati lignis putredinem minantur. Potest quoque princeps coquinæ fumarium valva ferrea muniri, qua demissa eruptura flamma sopitur. Puteum coquinæ adfitum commoditas vult, aut aquam per canales huc derivari.

§. 62.

Focu. EA fere omnibus focis structura est, ut plurimus calor cum fumo in spiraculum abeat; hinc strues super focis lignorum diu, noctuque ardentium. Focum, quam vasta fortassis Primorum coquina exigeret, describit D. Angermann (*b*), eundemque æconomicum docet. Tres exhibebo focorum species, domiciliis majoribus, civi & rustico utiles. Dabunt quoque ideam, si lubet, componendi, atque ita novam velut speciem struendi. Ars & æconomia sunt directio affluentis aëris, & calor reclusus. In latere longiore foci *AB* parantur foramina, quæ ollas *T* recipiunt. Foramina numero ollarum respondent, aut operculo teguntur testaceo, quando ollæ non imponuntur. Ollæ, quæ foraminibus probe imminet, ansas habent, neve motitatione frangantur, e ferro esse possunt. Ligna, quæ per foramina *S* ollis supponuntur, ferrea craticula *Q* excipit; foramen *RQ* cineribus deciduis destinatur. Hoc & illud ad *S* ferrea munitur portula ad excludendum, aut admittendum aërem, qui flammam alit. Calor undique conclusus, & cibos excoquens via *PO*

TAB. V.
Fig. 37.

(*b*) Allgemeine praktische Civilbaukunst.

in cavum spatium *F X O C* serpit calefaciens aquam in imposito *E G H D* lebete contentam. Si calor ascendens insufficiens foret ad aquam calefaciendam, supponuntur lebeti ligni frustilla; in hunc finem spatium *F X O C* ferream portam habet. *F E* spiraculum est fumum educens, *Q P A C F X V M* murus solidus. Pro assando est locus *F V K I*; parieti infixis ferreis uncis lignorum frustilla imponuntur, quæ portulis *K I*, & *I F* apertis paullo ante quam caro assanda est, succenduntur. Lignis in carbonem redactis portulæ clauduntur; caro obelotropio circumacta excoquitur calore concluso. Focus, super quo cibi coquuntur, duobus pedibus altior non est, atque vno, eodemque minore latere muro adhæret, ut facilis ad eum undique pateat accessus. Cum conclusus in foco calor citius cibos excoquat, atque minima quoque ligni frustilla idonea sint, negari non potest, æconomiam fieri: modo servientium hominum non desit dexteritas; verum fateri quoque oportet carnem assam recluso calore insipidam esse. Occurrit huic incommodo æconomica Societas Bernensis, quæ focum his necessitatibus congruum proponit. Focus cibis parandis idoneus a superius descripto non differt, nisi quod infra cinerum foramina arcuatæ sint aperturæ, in quibus linea suppellex, aut ligna ficcantur. Focus fenestris coquinæ obvertitur, ut aer adlabens recta directione calorem versus murum *D*, cui focus adhæret, propellat. In *B* caro assatur calore, qui per canalem *A* huc se transfundit, augendus, si necesse sit, succensis in foco *B* binis ligni frustillis. Si carnem butyro perfundere necessum

TAB. V. rius descripto non differt, nisi quod infra cinerum foramina arcuatæ sint aperturæ, in quibus linea suppellex, aut ligna ficcantur. Focus fenestris coquinæ obvertitur, ut aer adlabens recta directione calorem versus murum *D*, cui focus adhæret, propellat. In *B* caro assatur calore, qui per canalem *A* huc se transfundit, augendus, si necesse sit, succensis in foco *B* binis ligni frustillis. Si carnem butyro perfundere necessum

Fig. 38.

fit, attollitur portula *ef*; hæc enim mobilis est. Caro veru circumagitur in *i*, qvòd per latera a muro *D* TAB. V. Fig. 39. oblique porrecta transfigitur. In aperto enim est, calore hoc modo undiqve reflexo carnem velocius affari. Fumarium deniqve foco *B* imminet. Eiusdem quoque societatis Fundator D. Tschiffeli (*c*) focum rusticis erigendum commendat. Foci basis TAB. V. Fig. 40. *A* e regulis surgit, adhæretqve muro coquinam inter & cubile mediano. Foci, cui olla *B* imponitur, fauces *C* portula mobili armantur, ad flammam *D* alendam. Inseti parieti mediano ferrei unci *ff* valvulam ferream sustentant, qva sublata per foramen *g* calor cum fumo in fornacem *H* irrumpit commoraturus, donec suo meatu per aperturam *i* in fumarium *k* illabetur. Patet iisdem sumtibus & cubile caleferi & cibos parari. Æstate, qva utiqve fornax cubilis non calefit, portula *ff* clauditur; ut tamen fumus a foco ascendens elabi possit, versus parietem medianum in superiore foci superficie foramen constituitur; hoc hyeme tectum esse oportet. Manifestum quoque est calorem in fornace retineri diutius, si deficiente fumo foramen *i* claudatur, lignis in carbones redactis.

§. 63.

PROMPTUARIUM AD COQUINAM PERTINENS. CONSERVANDIS obsoniis, atqve rebus ad coquinam pertinentibus cella penuaria constituitur. Coquinæ adsitam commoditas exigit, remotam tamen a foco, ne, ovæ conservari

(c) Begriff sämtlicher ökonomischer, und Cameralwissenschaften.
Th. I. B. II. Hauptst. IV.

assolent, calore a foco se diffundente corrumpantur æstate. Arcuatam promptuario lacunar tribuere convenit, & pavementum sternere lateribus. Si situs admittat, fenestras septentrionem respicere oportet, medietate adversus radios solares leviori pariete tecta; residua fenestrarum medietas cratibus e filo ferreo armatur adversus infidantes aviculas puro aëre admissio.

L §. 64.

LOCA SECRE-
TA.

VITIO ædificantis fit, ut loca secreta negligantur. Hæc in quavis æde necessaria, commoditate, munditie, & sanitate exigentibus. Constituantur in æde loco, qui ea ab ingredientium oculis utcumque removet, non tamen perpetuis tenebris obscurat. Spatium, quod loculamento tribuitur, angustum non fit, ne homines velut in ergastulo constricti esse cogantur. Pro lucis affluxu fenestra struitur, atque supra hanc duæ rotundæ aperturæ, quæ ope affluentis aëris graveolentes vapores educunt. Muniuntur quoque cratibus ferreis. Loculamenti angustiore in ambitu constitutis fœtorem per ædem diffundi, experientia docet; pro remedio fiunt duò intra murum spiracula, quæ a loculamenti basi ad tectum usque deducuntur. Si vicina sit aqua, ope canalis in cloacam derivatur sordes eveitura. Sordes stercorationi idoneæ; hinc multi humiliori loco sentinam construunt, in quam mediante lapideo canali deferuntur. Loculamenti tubo perticæ ferreæ decussatim inferuntur, ne res majores, aut eo non pertinentes injiciantur, fœdium in sentinam effluxum impediens. Non prætereundum est etiam, tolerari qui-

busdam in urbibus , ut e domiciliis in apertos platearum canales fordes deriventur; congelascunt hyeme gradientibus lapsum minantes : æstate putrescentes fœtulentæ aura replent respirantium ora. Nescio quid splendoris urbi accedat , exprobrantibus immunditiem cloacis.

C A P U T S E C U N D U M .

S T R U C T U R Æ Æ C O N O M I Æ D O M E S T I C Æ E T R U R A L I C O M M U N E S .

§. 65.

CELLARIA. CELLÆ vinariæ necessariæ & utiles. Magna in cellis differentia: nisi siccæ sint, æstate frigida & tepida hyeme, purusque permeet aër, non probantur. Siccitas potissimum pendet a solo; arenosum & ad pedem collis deligendum. Si parietes cellarii madeant, tectorium e mortario romano inducitur: aqua per pavementum irrumpens canali ducto derivatur; nam humor & vasis & liqvoribus contentis noxius. Laqvear cellæ arcuatum est, nec ultra terram prominet; cellæ amplitudo necessitati respondet; nunquam tamen 10 pedibus minor datur altitudo. Latus cellæ vinariæ aut certe fenestras obverti in aqvilonem oportet, ducto per fumarium spiraculi instar tubo quadrangulari, cujus latus 6 circiter digitos habeat. Affluens enim per fenestras aër recens stagnantem alias vaporem per tubum expellet. Sterqvilinia & arborum radices procul a cellis

abesse convenit, omniaque odoris evitandi facillimo in vina transitu; idcirco carni, oleribus, aliisque conservandis cellæ distinctæ. Vasis etiam intervalla dantur, ne inter se vitia serpant, contagione vini semper ocyslima.

§. 66.

DOMUS TOR-
CULARIA.

PROVINCIIIS, quæ vino abundant, domus torcularia necessaria est. Hanc vineis & cellario adfitam esse convenit. Constituitur e duobus velut promptuariis, quorum alterum torculari, fermentanti materiæ alterum tribuitur; amplitudo utriusque, & num singulis, an binis torculis premere oporteat, spei vindemiæ respondet. Fenestræ copiosæ sint, ac præterea spiracula per tectum ducta; nam fermentantis musti vapores gravissimi. Prodest quoque frigidis autumnii diebus impeditam calore promovere fermentationem; idcirco fornax promptuario imponitur calefacienda, si res postulet. Ex hoc loco in vasa cellarii mediantibus canalibus mustum deducitur. Ut uvæ exprimantur, inventum, parvis prelis, & minore torculari, arbore in medio decreta, tympana imposita vestibus urgere, & super prela construere congeriem; videamus quoque, quod inventum æconomica societas Bernensis proponat. Primum est Tympanum, quod dolii figuram refert habentis diametrum baseos majorem altitudine; materia nux est: pars trunci prope radices aptissima. Tympanum 18 digitos altum est, 36 latum. Protuberans tympani venter sex foramina obtinet; hæc 10 digitos profunda sunt directionibus ad commune

TAB. VI.
Fig. 41.

commune centrum tendentibus. Vectibus insertis Tympanum, quod cochleæ infidet, intorquetur, retorqueturque, foramine medio in rugas formato. Foramina *b*, ne vectis inserti actione lignum atteratur, muniuntur lamina ferrea, basis quoque tympani scuto ferreo duos digitos & dimidium denso, continuo versus limbum attenuato. Potest etiam tympanum e tribus ligni frustis componi, ferreis annulis *c* constringentibus. Figuram inspicienti patet, perforari tympanum juxta medullæ decursum; tota propterea ligni densitas utilis, neque facile in fibras conscinditur. Cochleæ, quæ cylinder est spiris instructus, solidum lignum idoneum, pedes octo longum, basis quadrangularis *d* 12 digitos lata, majorque frusto *ff*, undique 2 digitorum excessu. Pars *ff* alta digitos 16, cylindrica *g g* 30. Apex *h* quadrangularis 4 digitos altus est, inseriturque trabi solidæ, quæ infra tabulatum suis extremitatibus parieti utrinque immissa, cochlea, intorto tympano, consistit immobilis. Bases *F F*, supra quas machina strictoria quiescit, 15 digitos altæ inciduntur in *m m*; hic lectus est tignorum *I I* 13 digitos quadratos densorum; dato tamen interstitio *M*, ut, dum cochlea imponitur constringi possint, quod fit cuneis ligneis ad *r & r* insertis. Tigna prope medium quadrangularem incisio- nem habent: hac cochleæ pes *ff* transit; per pedis foramen *f*, & perforata tigna clavus solidus adigitur, adhaerentque propterea tigna cochleæ, fibula ferrea clavum comprimente. Dum machina erigitur, cochleam sâbo liqvefacto illinere oportet; nam affridu du- riorē findi lignum in comperto est. Mastræ, quam

TAB. VI.
Fig. 42.

TAB. VI.
Fig. 43.

TAB. VI.
Fig. 44.

torcularis forcipes dicunt, structura a prelo communi
 TAB. VI. non differt, nisi utroque labro inciso; quoniam coch-
 Fig. 45. lea cylindrica transit. Praela alta melius premunt; alti-
 tudo in his refert, non longitudo: spatiosa actionem
 prementis tympani dividunt superficie latiore. Lignæ
 perticæ 3 digitos densæ, quas mactra usu volente exci-
 pit, tympani actionem minuunt: nam nequeunt com-
 primi; utiliora propterea vincula ferrea 2 digitos lata,
 densa 3 lineas. Uvas super prela congerere, ut in me-
 dio protuberent, erroneum est; minuitur enim ad
 latera tympani actio, congerie in medio resistente.

§. 67.

CRIMOTHE-
CA.

Glacies in cellis subterraneis reconditur, hæ
 rebus conservandis utilissimæ. Frumentum,
 panis, farina hic mucorem non sentiunt: conservan-
 tur quoque fructus & olera. Recondi etiam carnem
 interest, lac, caseum & butyrum. Vermes, aliaque
 animalcula aut necantur, aut arcentur frigore: sola
 vulpes insidiariprehenditur; quamquam & huic
 facile decipula tenditur. Maxima res est, glaciem in
 crimothece non resolvi: quapropter non pigebit struc-
 turam verbosius persequi. Omnium aptissimus situs
 ad pedem montis, aut etiam collis. Si natura hunc
 locum deneget, aut alia causa: deligitur solum fic-
 cum, atque septentrionem versus constituere oportet
 crimotheceam, insitis præterea arboribus adversus ra-
 dios solares defensam. Infima cellæ pars fossa est pedes
 duos alta: hæc liqvata glaciem excipit structo canali
 alio derivandam. Crates lignæ fossam tegunt, quæis

glacies imposita. Spatium, quod glaciem capit, quadratum esse potest, latere 20 pedes longo, 30 alto, convenitque figura pyramidis inversæ truncatæ. Parietes e lapide surgunt, qui humori resistat, imposito tecto ex arundine, stramine aut virgultis implexis. Aptius est, crimotheçæ cacumen arcuatum struere e tegulis, atque limo aut terra obducere. Fornix foramen habet, per quod glacies admoto ligneo canali in fossam leniter demittitur, claudendum iterum opere peracto. Dum glacies in fossam demittitur, quodvis stratum pedeni unum aut duos altum sale conspergi necessum est, quo indurescit. Neque convenit glaciem contrectare manibus; nam calore dissolvitur, vitio quoque serpente. Idcirco, ne vel aura tepida possit adlabi, porta ad 20 pedum distantiam removetur, ambitu flexuoso in fossam deducente. Crimotheçæ non inutiliter imponitur cellarium; utriusque constructionem D. TAB. VI. Hárlemann (*d*) dedit. Fossâ crimotheçæ *A* conum Fig. 46. truncatum inversum refert, vestitum lapidibus. Per crates ligneas *b* glacies soluta defluit, quam aut absorbet arena, aut lapideus canalis *c*, in puteum *d* derivat. Crimotheçæ superficies virgultis & stramine vestitur; nam lapides glaciei noxii, si contingerentur. Fossâ imminet cellarium, e quo in crimotheçam descensus; in crimotheçæ fornice fiunt aperturæ ad communicandam auram refrigeratam comparatæ. Cellarium *E* e lapidibus structum est, vasis supra tigna quiescentibus. Tecti cantheriis affiguntur aëres betuleis phy-

(*d*) Aët. Svec. T. IX. pag. 226.

liris vestiendi; inducitur deinde terreum tectorium 18 digitos densum: ultima turfa. Per tectum ductum est spiraculum I: hoc quadratum est, latere 6 digitos haud excedente. Spiraculi cacumen tectum est: datis e latere aperturis vapores educuntur.

§. 68.

PROMPTUA-
RIUM PRO
CARNE FU-
MANDA.

IN universum de carne fumanda præcipitur: promptuarium supra coquinam situm esse, fumario penes aut per medium ducto. Idcirco datur fumario apertura duos pedes alta & lata unum; hinc in promptuarium fumus illabitur. Est quoque in eodem fumarii latere superiore loco alia apertura, qua clausa fumum stagnare necesse est. Si ignis in foco potentior, utraqve apertura clauditur, aut aperitur; ne copiosior fumus periculo sit; ideoque utrique foramini portula ferrea. Promptuarium e lapide struitur, qui flammæ & calori resistat; quæ lignea sunt, lamina ferrea obduci oportet; nam ligna incendii fomes.

§. 69.

TESTUM
TORRENDO-
RUM FRUC-
TUUM.

FRUCTUS utiliter torrentur; nam ita coerceri putredinem constat. Alii fructus in eodem foco torrent, in quo panes pin- sunt: alii testis utuntur aptius; recipit enim panis ingratum vaporum odorem, corruptione secutura. Furnus præcipua testis pars est, atque etiam curandum, ut æqvabilis calor. Non prætereundum est propterea

Testum, quod D. Schreber (e) commendat usu probante. Hoc murus lateribus ambit, data *ka* 7 cum TAB. VI. dimidio, *ke* duorum, & *gh* sex pedum dimensione. Fig. 47. Asseres *cd*, *ef*, qui fructus excipiunt, tres pedes & octo digitos longi sunt, unum pedem & dimidium lati. Ne flamma foci *m* corripit asses, separat diaphragma lapideum, digitos aliquot densum. Cuncta ferreis portulis munire necesse est. Testo imminet fornix *hm* pedem altus: foramina *ff* ascendentes fructuum vapores educunt. Fornax semialterum pe- TAB. VII. dem lata ita contruitur, ut calor diversos describat Fig. 48. mandros, donec cum fumo via *n* in fumarium egreditur. Ad *r* fauces fornacis sunt: *f* vero pro cineribus deciduis; hinc adlabente aëre flamma alitur. Testum dimensionibus minoribus datis in coquina constitui potest, quo loco testo carebit; aut etiam domus torcularia eidem idonea.

§. 70.

FURNUS PRO PANE PIN- SENDO. Pistura non omnium facilis: apud Romanos mulierum id opus erat; sicut etiam nunc in plurimis gentium ruri. Nam in urbibus pistrinas publica securitas constituit. In Prussia furni domestici in pagis quoque exulant ab ædibus 30 passibus remoti: alii eosdem in extremitatibus pagorum constituunt; alii ruri etiam Pistrinam publicam volunt; quoniam in furnis domesticis major lignorum consum-

(e) Sammlung verschiedener Schriften. I. Theil. Halle. 1755.

tio (*f*), & crebriora incendia. Quid præstet, politicis concertandum relinquo, ad furni constructionem transeunte cura. Prima, quibus homines ad pinsendum utebantur, imperfecta fuere media: fornax, foramen in terra strudum, cineres gliscentes servierunt. Surgebant deinde e terra aut tegulis furni, quos ars tandem perfecit. Furni figura cavo globi hæmisphærio similis basi variante; quanquam & hic ratio habenda, quo loco constituatur. Erigitur e tegulis, parietibus duos pedes densis: nam solidum esse oportet, nec quidquam e lignis coassandum. En furni

TAB. VII. intersectionem e latere (*g*). Longitudo complectitur

Fig. 49. pedes 11, latitudo pedes 8, & 2 fornicis altitudo in medio. Murus foci *a* 4 pedes & 6 digitos altus est; *b* furnus: *d* fauces: *c* spiracula ad flammam alendam: *e* alveolus lapideus aqua refertus, ad furnum stramine

TAB. VII. madefacto reslingvendum. Figura quinquagesima foci

Fig. 50. amplitudinem refert; quatuor spiraculorum foramina calori dirigendo apta sunt: nam serpit calor egressurus per superiora inferioribus clausis, & vicissim, igne modo anteriore furni parte, modo posteriore extructo.

TAB. VII. Anterior structuræ conspectus exhibet in *a* parietes:

Fig. 51. *b* furni fauces: *c* furnum: *d* foramen ad illuminandum focum, si necesse sit: *e* posteriora, & *f* anteriora spiracula, quæ ferreis portulis muniuntur: *g* alveolum

(*f*) Krönitz ökonom. encyclop. Th. III. S. 373. adducit calculum, quo probat in pago, quem 50 familiae incolunt, constituto furno publico 2500 lignorum frustis minus per annum consumi, ac propterea in pagis 50 summam æquari 125000.

(*g*) Angermann. allgemeine praktische Civil-Baukunst. Halle. 1766.

lapideum. In aperto quoque est, furni amplitudinem numero libonum respondere; hinc data liboni 1 pedis & 6 digitorum diametro pro furni constructione tabella sequens erit.

NUM. LIBON.	LONGITUDO FURNI.		LATITUDO FURNI.		ALTI. FORNICIS IN MEDIO.	
72.	14'.	—	12'.	—	2'.	8".
66.	13'.	8".	10'.	9".	2'.	6".
60.	13'.	—	9'.	8".	2'.	4".
54.	12'.	8".	9'.	—	2'.	2".
48.	12'.	—	8'.	4".	2'.	—
42.	11'.	9".	8'.	—	2'.	—
36.	11'.	—	8'.	—	2'.	—
30.	10'.	—	7'.	—	2'.	—
24.	9'.	—	6'.	—	1'.	10".
18.	8'.	—	5'.	6".	1'.	8".
12.	7'.	—	4'.	—	1'.	6".
6.	5'.	—	3'.	—	1'.	4".

§. 71.

DE STABULIS FORTE, nisi præjudiciis concedendum
IN GENERE. esset, liceret suadere, ut stabula tollantur.

Horum constructio, & deinde reparatio annua expensas æconomicas auget, quas minuit substituta cuiusvis pecorum speciei propria, & lapidibus strata area. Non vellem tamen videri pecori denegare tectum, quod ventorum asperitatis utique impatiens est; nam ipsæ feræ sub arbores confugiunt, his adversus aquilonem scutis utentes. Pabulum quoque sicco loco constitui

neceſſe eſt. Sed iſta nondum adeo neceſſaria ſtabula probant, ut carere non poſſimus: receptaculum ſpatioſum deſectum ſupplebit. Neque hoc inuſitatum proruſ; contra viget moſ in Provinciis, quas aſperrimi venti, & duræ hyemes coercent. Pilis videlicet ſuſtentatur teſtum, ubi, ſi placet, pabulum conſervatur, ne madeat, quodque præſepi infunditur juxta longitudinem decurrenti. Lateri longiori aſſexus eſt paries ligneus, ſimulque mobilis; iſ pecus eo ſe recipiens adverſus ventum & pluviã defendit. Receptaculi pavimentum area altius eſt leni declivitate, ut ſordes deſuant; frequenter conſpergi ſtramine convenit, quod, ubi computruit, agrorum ſtercorationi ſerviet. Vanus proſecto eſt metus, quem de infirmando pecore concipimus: quia frigori ſubjeſtum eſt; nam non frigidus, ſed putreſcens aër morborum origo. Si ad noſmet ipſos advertamus, facile detegimus, curam nimiam, quam adverſus externas aëris impreſſiones adhibemus, noxiam. An non infirmitatum cauſa repentina caloris & frigoris viciffitudo? poſteaquam ſtagnantem in cubili aërem diu noſtuque imbibentes ſubito noſ frigori committimus. Et pecora noſtra quomodo habitant? ſpatium nimirum anguſtum muro cingitur, exiguis foranellis relictis; hæc dum hyemali tempore ab aurigis obſtruuntur penitus, hæret putridus aër ingredientiẽs obruens. Cum itaque vapores graveolentes adeo aurigarum adhæreant veſtibus, ut ex ingrato odore eminũs hoſ diſtingvas: facile conſpicere licebit, quem effectum conſequi neceſſe ſit, poſtquam a miſeris beſtiis hoc in ergaſtulo conſtrictis identidem hauſti vapores corporis

vasa pervadunt. Sed ne receptæ consuetudini vim adhibeam, constructionem stabulorum adducam, indicatis prius erroribus, qui fere communes.

§. 72.

ERRORS IN
STRUCTURA
STABULO-
RUM.

VITIA stabulorum tam aperta, ut subeat mirari, non emendata. Præsepe adhæret parieti; hinc difficilis inter eqvos præsertim ferociores aurigarum accessus. Neque sine damno adferri potest pabulum: nam ob angustias dispergitur, pedibus eqvorum deinde conterendum. Est quoque præsepe ligneum; idcirco eqvi, qui amant mordere, moribus dentes destruunt. Qui pabulum supra ambitum per medium stabuli ductum affusum pecoribus porrigunt, deterius agunt; cum enim sibi obvertant capita, bestia reliquis invidere vorantibus timidior pabulum arripere reformidabit. Nec incertior hinc contagionis occasio: nam una vorantium vitium contagionis occysimum haustis vaporibus bestię adstantis morbo correptæ. Sunt etiam angustæ stationes: pecora contracto corpore jacere coguntur. Stationum pavimenta sternaluntur asseribus, qui urinam imbibendo non modo graveolentes & acidos exhalant vapores: verum etiam continuo madent; hinc putrescentes eqvorum ungulæ. Stabula frequenter etiam humilia; quare diversa morborum genera fœtido stagnante aëre. Sunt & alia stabulorum, aut dicam potius parsimonię & consuetudinis vitia, quæ præjudicium probat; exempla dedocere poterunt.

§. 73.

STABULUM
EQUORUM.

QVI œconomiam majorem habet, providet aget tribus constructis stabulis, quæ equis herilibus, equis hospitum adventantium cedunt, & iis, qui œconomiae rurali serviunt. Hospitum equos propriis immisceri non convenit causa morbi latitantis; idcirco etiam ad diverforium eos relegare fas est. Num duplex, an una sit stationum series, a loco pendet, & numero equorum; in universum commodum esse oportet stabulum: en exemplum. Equorum stationes *a* sex pedes latae & 10 longae sunt, non computato lapideo praesepe *b*, e quo, dum eluitur, data declivitate aqua decurrit. Stationes sternere lapidibus necessarium est, utque sordes defluant, plana inclinata referunt; in medio stabuli ductus canalis sordes in locum stercore colligendo destinatum derivat. In *c* pilae sunt: hinc ductis ad praesepe perticis ligneis prohibetur, ne ferociens equus adstantem laedat; perticas mobiles esse oportet: nam neque se latere reclinare potest equus, neque fricare, e catena pendentibus. Inter parietem *e* & praesepe *b* intercedit ambitellus *d*, adferendo pabulo non tam utilis, quam necessarius. Aurigarum cubilia in *f*, atque in *i* ad ista accessus. Phalerarum promptuaria *g* adfita sunt, ubi recondendis rebus receptacula *h* idonea. Hinnulorum stationes *k* longitudine pedes 8, latitudine 5 complectuntur. Ex aurigarum triclinio *l* patet egressus in atrium *n*, & hinc per scalam *m* ascensus infra tectum pro deiciendo fœno, si tamen hic conservari expedit; o fornax est cubilis. Stabuli portae littera *p*, fenestrae *q* no-

TAB. VII.
Fig. 52.

tan-tur. Duplex stationum series portas e minore latere structas, sibi-que oppositas exigit fenestris latera majora occupantibus; hæ altiore loco constituuntur: nam radii solares oculis eqvorum inimici. Ad educendos vapores spiracula e stabulo per testum ducuntur munita mobilibus portulis, ut claudi, aut aperiri possint neccessitate volente.

§. 74.

MODUS
ÆQUOS IN
CAMPO PA-
BULANDI.

REDUCI ad pabulandum circa meridiem eqvos, ferme omnium mos est; hinc temporis jactura. Cum deinde a villis dissi-
sint agri, frequenter confecta longiore via fatigatum pecus rursum aratro jungitur; hinc virium in pecore defectus. Qvi in campo præbent pabulum, non absqve incommodis faciunt; nam ingruente pluvia madet pabulum: dispergitur a vento: sæpe quoque aqua deficit. Constat inventam machinam (*h*) his usibus aptam; dicam constructionem. Domuncula coassata ex asseribus rotis insistit qvatuor, qvarum qvævis diametri digitorum 7 & dimidii. Partes prominentes *p* qvatuor
sunt, æquabiliter a centro distantes; idcirco eodem
tempore qvatuor eqvi pabulum accipiunt. Non humectari a pluvio pabulum, neque vento dispergi, in aperto est; nam omnia testæ sunt. Domuncula dimensiones sequentes:

a ad *b* pedes 6 digiti 6 *d* - - *e* - - - 2 - - - 6
b - - *c* - - - 4 - - - 7 *e* - - *f* - - - 3 - - - 6

(*h*) Young. ökonomische Reise. 3 Th. S. 68. Tab. I. Fig. 1.

h ad *g* pedes 1 digiti 0 *m* -- *n* -- -- 6 -- -- 0
g -- -- *i* -- -- 2 -- -- 1 *p* promin. pede 1 & dig. 9
k -- -- *l* -- -- 4 -- -- 1

Domuncula quotidie in locum promovetur alium, ne cespes nimium conculcetur. Si nullus in campo fons, neque in vicinia aqua, non superest medium, nisi ut in vase domo advehatur.

§. 75.

STABULUM QUÆ in genere de stabulis dicta sunt, VACCARUM hic quoque locum habent. ET BOVM.

Longitudo stabuli numero cornigeri pecoris respondet, data cuius statione 8 pedes longa & 5 lata. Murus stabula cingens tegulis e limo compactis struitur; hæ enim talibus adificiis utilissimæ; descriptionem §. 26. sect. I. dedimus. Si murus foret cratitius, bases ligneas a pavimento distare oportebit; nam lignum sordium acrimonia exeditur. Spiracula vapores educentia necessaria sunt: portæ majores, fenestræ copiosæ; portarum vero limina aut nulla, aut certe humilia; nam altiora damnantur. Stationum divisiones *a* ita disponuntur, ut pecora sibi caudas obvertant; commode enim hoc modo stabula purgantur. Medio cuiusvis divisionis

TAB. VIII. respondet porta *b*: hæc ingruente incendio educendis Fig. 54. pecoribus opportuna. Stationum pavementum stratum est lapidibus, versus canalem ubivis in medio ductum acclive, ut sordes defluant. Inter utrumque præsepe *c* constituitur ambitellus *d*: ubi pabuli receptacula esse possunt. Camera *e* diversis usibus apta; *f* pilas denotat

tabulatum sustentantes, si neceſſe fit. Scala g^o infra tectum ducit: *h* ſunt ancillarum & pro mulgendo cubilia; pro vitulis ſtabulum *i*.

§. 76.

OVILE M A G N A & lanigero pecori gratia vel in uſu vellerum. Ut boves victum hominum excolunt, ita corporum tutela lanigero pecori debetur. Idcirco de hoc magna hominibus cura, ſæpe nimia, quæ etiam damno fit. Quoniam tenerioris putatur naturæ, adverſus frigus reclusis undique ſtabulis cuſtoditur; quod damnandum eſt. Area ſpatioſa, receptaculum adverſus aquilonem tectum totum eſt, quod lanigero pecori competit. Nam graves illius exhalationes, quæ clauſo in loco adeo noxiæ ſunt, ut una ſæpe die integræ etiam decades contagioſo velut morbo abſumantur. Si mori recepto cedendum fit, ut ovile ſtruatur; hoc altum, fenestris majoribus inſtructum, & aëri pervium eſſe oportet ductis per tectum ſpiraculis. Pateat quoque brumæ præſertim tempore aëri perflanti, pecore interea in aream ovili adſitam compulſo. Portæ ovilis ſibi oppoſitæ eſſe ſolent, ut commodus currui fit tranſitus ſordibus collectis; frequenter enim purgari ovile convenit. Spatium anguſtum non fit: nam ſingulis tres pedes quadrati tribuendi ſunt, ſtationibus ſtramine ſtratis. Sepimenta mobilia eſſe oportet; propterea defixis humi pilis ſuſtentantur. Fœnum infra tectum recondere, importuni moris eſt; nam mitioribus adhuc autumnî diebus, quibus fœnum meſſum recondi aſſolet, miſerum pecus torquetur calore, algescens deinde hyeme, fœno

per vices confunto: quæ vicissitudo non raro morborum causa. Si tamen ratio quædam fœnum infra tectum recondi poscat, tabulatum integrum fit, est necesse; hiante enim tabulato pulvisculi fœno immixti decidunt, quibus lana destruitur.

§. 77.

HARA. ADHIBETUR & suillo pecori cura; non enim postrema cum setigeris æconomia. Ut saginentur, placet recludere hara; hæc in totidem divisiones distingvitur, quot sunt suilli pecoris ætates variantes; neque commisceri convenit. Pavimenta divisionum sternuntur filice, suntque declivia, ut sordes deriventur. Quævis divisio spiraculum per tectum ductum obtinet, atque etiam spatium palustre; nam in luto volutatio generi grata. Quare *a* divisiones sunt, quas Fig. 55. præsertim hyemali tempore stramine sternere oportet; alveis *b* lapideis pabulum infunditur, structis hac parte fenestris. Sequuntur loci palustris divisiones *c*: unde in haram portæ *d* admittentes accessum. Fieri quoque possunt portulæ *e* minores, ut per divisiones hominibus transitus pateat. Facile liquet, canalem sordes derivantem ita struendum esse, ut cum loco palustri non communicet. Præcipue habenda cura, ne pavimentatio quercina sit; hoc enim lignum sordibus computrescens pecori noxium.

§. 78.

GALLINARIUM. GALLINIS in villa locus opportunus tribuendus est. Frons officinæ cohortalis hybernium

respiciat orientem , qva parte porta & fenestræ constituantur. Feneſtras munire clatris adversus gallinarum hostes convenit. Si fieri potest , aviarius adhæreat coqvina , aut in illud fumus deducatur ; nam hæc avis fumum amat. Parietes Gallinarii densiores esse oportet , ut structis in muro caveis nidificationi sit locus. Alii quidem insertis in transversum muris perticis asseres imponunt , & deinde caveas ligneas ; sed meliores lapideæ. Perticæ asperantur , ut facilius avis infideat , & ne superior inferiorem sordibus inficiat , in figuram conii disponuntur. Optimum quoque adversus serpentes , & mustellam remedium , parietes polire tectorio. Officina cohortalis , quæ sæpius everrenda est , arena conspergitur ; hæc enim altilibus grata. Gallinario adſita sit area muro sat alto cincta , insitis in medio arboribus , ut gallina pullos suos adversus accipitrem defendere possit. Admittente loci situ ducitur per aream rivulus ; alveoli aquam continentes illius defectum suppleant. In aviario aqua munda custoditur ; idcirco in alveolo non plus pateat , quam ut avis caput intingat. Matres plures eodem in loco una esse non expedit : nam invidia accensæ aliæ aliarum pullos enecant : propterea officina cohortalis in plures cellas distingvi potest.

§. 79.

FIMETUM. FIMI plures differentiæ : ipsa res antiqua. Nam tanta apud præcos fuere aviaria , ut ex his agri stercorearentur. Qvippe sunt hæc hodie quoque plurimarum gentium certamina , quibus invicem ad tellu-

rem alendam utuntur homines (*i*) In hac etiam re vetustas utilior ; ideo fimum in quodam receptaculo temporis viribus domari. Fimeta sub dio in area concavo loco strui mos est: fossa 15 pedes profunda lapidibus sternitur; ita fore, ne innascantur serpentes. Latitudo fossæ variante æconomia variat; huc enim & fimus & pecudis stercus defertur. Ut locus humorem colligat, canales urinam e stabulis huc quoque derivant, aquam e coquina, & lixiviam. Fossa integitur stramento, ne fimeta in sole arefcant. Probat usus portam ex asseribus compositam; cadente tenui pluvia locus patulus est: clauditur ruente imbri, & adversus solem, porta tecti vices subeunte.

§. 80.

RECEPTACU-
LUM LIGNO-
RUM ET CUR-
RUUM.

LIGNORUM promptuarium areæ muro parte una adhærere potest, connexo quoque curruum receptaculo. Tectum protensum esse oportet; hoc enim pluviam arcet; neque negligendum est, ligneis locum data porta munire clatris, ne ligna surripiantur. Currus coloribus tincti adversus radios solares porta integra custodire convenit; nam emoriuntur sole splendente colores. Utrumque receptaculum familiarum incolentium usui respondet; idcirco ita constituenda sunt, ut pro numero partium subdividi possint.

(*i*) Ludov. de Mitterpacher. Elementa rei rusticæ. Krunitz öfonomische Encyclop. Th. IX.

§. 81.

FOENILE. HIS, quæ sunt necessaria, adjicitur quoque fœnile; hoc usus sub stabulorum tectis constituit. Quod triduanæ necessitati competit, isthic recondere, probari adhuc posset; verum factam messem hic conservare importuni ingenii est. Bestiarum exhalationes fœnum corrumpunt: spes lætioris messis assurgentia petit tecta: cuncta consumuntur momento flamma penetrante. Receptaculum cum ligneo pariete mobili torum est, quod fœno competit. Sunt videlicet fulcra *a*, TAB VIII. per quorum foramina *d* utrinque transactus uncus sustentat tectum *b* ex asseribus coactatum, quod machina levandis curribus idonea attollitur, unco altiori foramini imposito. Sumtus, quos altiora tecta exigent, facile sufficient erigendo receptaculo, sub quo major etiam fœni copia constitui potest, tecto semper altius elevato. Dato pariete mobili ea ex parte, quam pluvia imperit, adversus humorem fœnum custoditur; potest quoque receptaculum parte altera muro ædificium cingenti adherere. Interjecto denique tabulato in *f* & *f*, patet etiam locus aratris conservandis idoneus. Quibus major est æconomia, ac propterea dives fœni collectio, hos, si displiceat plura erigere receptacula, fœnum in metas colligere oportebit; conservandi methodum capite sequente referam.

CAPUT TERTIUM.

*ÆDIFICIA ÆCONOMIÆ MAJORIS,
ET RURALIS.*

§. 82.

HORREUM. FRUGES non illico, ut demessæ sunt, trituantur; hoc opus rusticum hyeme peragitur; idcirco summa Æconomo cura frumenti servandi. Horrea operose tripedali crassitudine, pariete lateritio exadificari jubent aliqui: alibi contra suspendunt horrea lignea (a) columnis, & perflari undique malunt, atque etiam a fundo: alii omnino horrea damnant frugibus in metas collectis. Horrea lignea columnis suspensa adflatum admittunt; hinc frumento, quod demessum imber obruit, ficcando utilia. Qui fruges in metas sub dio patulas colligi malunt, propterea horrea damnant: quoniam non sine magnis impendiis eriguntur, atque sumtuosa annua reparatio; imo neglecta condendi frumenti tempestivitate, inimica innasci; infestari quoque a muribus arbitrantur. Qua ratione, & quando fruges in metas colligere necesse sit, inferius dicam; nunc ad horrei constructionem, & qua ratione fruges recondi oporteat, cura trans-eunte. Spatium horrei internum a spe messis pendet; amplius ubertati tribuitur. Singulæ frugum species in fasces leguntur; variante specie variat spatium, quod

(a) Krünitz ökonomische Encyclopedie. Th. IX. S. 440.

fascis occupat; ideo reditura fruges ad calculum stereometricum vocandæ. Parietes non fiunt lateritii; nam calx frumento inimica; cratitios incendiorum pericula vetant. Utilissima materia est limus; spissatur jumentorum pedibus contritus, atque in aqua immixtis paleis cannabinis subigitur. Dum in densitatem coit, formantur tegulæ pedem semialterum longæ, & 9 digitos latæ, quæ æstivo tempore diei intervallo facile siccantur. Idcirco factæ e cæmentis substructioni ad libellam imponuntur tegulæ, utque cohæreant, adiguntur fistulis, sua longitudine dantes muris densitatem. Primum regularum stratum excipit alterum, binis quibusvis tegulis latitudinem murorum constituentibus, atque siccato duplici strato repetitur eadem ratione labor, donec parietes alternante regularum stru ad præfixam altitudinem assurgant. Parietibus inducitur tectorium e mortario communi; intus vero e limo pilis vaccinis mixto. Tectum, quod horreo imponendum est, Sect. I. §. 52. descriptum reperitur; nam non vana opinio, frumentum, si tegulis subjaceat, confervescere. Tecti fenestræ ferreis armantur clavis; excluduntur enim hoc modo aves, loco simul aëri patente. Horreum in plura divisum est mergitum receptacula, trituratoria area inter bina quævis interjacentes. Ingruente messis tempore evacuat horreum, portisque patentibus educuntur vapores. Parietum hiatus inferis clauduntur laterum frustillis, intus quoque limo cuncta oblinendo. Quoniam humor frumento noxius, receptaculorum pavimenta sternuntur stramine alni foliis confito; nam ista remedium adversus mures. Infi-

num mergitum stratum perpendiculare est spicis erectis, strata reliqua horizontalia, fascium aristas introrsum. Diversas frugum species commiscere, cura æconomica vetat: præcipit contra frumentum humidatum super area trituratoria expandere, adflatu siccandum.

§. 83.

META FRU-
MENTI AUT
FOENI.

ANGLIS nulla sunt horrea; idcirco frumentum in acervos colligunt calo commissos. Nobis, qui in horreis fruges recondimus, ritus diversitatem magnitudo facit messium; nam in metas frumentum colligitur, spatio horrei opulentam messem non capiente. Meta pone aream tritatoriam constituitur, ne aliunde ad aream frumentum trahere oporteat, quod dispersionis periculum auget. In colliculo quoque acervum erigi, decurrentis aquæ pluriæ ratio svalet, ne stagnans infimum stratum corrumpat, vitio humoris ulterius serpente. Propterea substernitur etiam stramen, & alni folia contra mures; infimi sunt asseres. Decreta in medio arbore sternitur

Fig. 57. *metæ basis toti corpori respondens; proportio pendet a frugum specie calculo stereometrico (b) eruenda. Figura corporis conica est; nam minimum spatium occupat; plurimos fascies complectitur: mergites regularem situm obtinent, pluvia a circulari superficie cellerrime decurrente. Coni cacumen stramine tegitur adversus pluviam, quo etiam latera custodire oportet.*

(b) Oekonomische Nachrichten der patriotischen Gesellschaft in Schlesien, a. d. J. 1776. B. IV. S. 403 : : *

In hunc finem coronæ mergitum stratum stramentitium imponitur, educiturque acervus alternantibus stratis, stramine quoque pede amplius prominente. Basim denique metæ perticis munire convenit adversus pecoris incurfionem.

§. 84.

**AREA TRI-
TURATORIA.** MESSIS alibi tribulis in area, alibi eqvorum gressibus exteritur, alibi perticis flagellatur. Differentiam hanc usus straminis facit, & caritas operariorum. Grana e spicis secernere eqvorum gressibus, mos antiquus & utilis; quoniam tempori & sumptibus parcutur. Fit propterea area 18 pedes lata, ubi soluti manipuli spicis erectis eqvorum pedibus calcantur: auriga eqvo infidens anteriores dirigit, ut eundo atque redeundo viam numero 8 similem describant, neque necessarium est, eqvos citato cursu progredi. Denique juxta areæ latera obeqvitanis totam longitudinem emetitur. Sed in aperto est, conteri quoque stramen, quod integrum non obtinetur, nisi grana flagellis frumentariis aristis liberentur. More recepto fœces imponuntur areæ spicis medium respicientibus, atque grana excussa a paleis secernuntur; quare aëris in aream affluxum augeri, minuique posse oportet. Patet hinc non aptam esse illius areæ structuram, quæ juxta horrei longitudinem decurrit; nam ventus paleas & pulveres non satis educere potest. Propterea area inter bina quævis mergitum receptacula juxta horrei latitudinem constituitur, data utrinque porta, quarum ope ea adflatui dari potest directio,

quæ secernendis a granis paleis aptissima. Arcam majore ex parte æquant tantum, & fimo bubulo dilutiore illinunt; id satis ad pulveris remedium videtur. Arcam contra alii summa cum diligentia ad messem præparant. Nam in terram 9 digitorum profunditate effosam palos 3 pedes longos adigunt: contegunt deinde limo, quem pedibus aut ligonibus comprimunt, donec stratum digitos ternos altum ad libellam redigatur. Labore bis adhuc repetito conspergunt bubulo sanguine aream, quæ pro messe exterenda uruntur. Ne curribus transeuntibus atteratur area, imprimenda orbitarum vestigia declinant substratu asserum.

§. 85.

CONSERVATIO GRANORUM.

CONNEXA est ratio grani conservandi; nam provida cura in ubertate in inopia imaginem oculos conjicit. Num necessitatibus bellicis publicas annonæ Apothecas erigere conveniat: ubi ad levandam miserorum egestatem constituere, quomodo administrare oporteat, politici in examen vocant, quorum utique interest, mediis aptissimis Cives adversus annonæ stridores defendere, quos jam Majores nostri turpi seplasiariorum nomine notarunt. Hic unica cura, five Privatorum, five integræ civitatis consideretur œconomia, ita servandi granum, ut adversus fortuita mala custodiatum integrum, atque diutius conservatum & sationi & alimento utile sit. Complures propterea Eruditorum conatus; idem omnibus sensus inimica grano innasce, si parum ficcum conditum sit; ideoque si desit naturalis exsiccatio, arte quidam pro-

movent (c). Verum experientia sæpe docuit, artem ab incuria torrentium elisam; nam nimium tostum non generat. Ideo plerique malunt in ædificiis (granaria vocant) granum conservare; videndum, quid inde emolumenti habeant, & si quod inventum melius, dicendum.

§. 86.

GRANARIUM. GRANARIA, moles ingentes passim cernimus, ut magnitudine potius, quam utilitate concertare videantur. Amplo spatio parum frumenti reconditur; nam hoc in acervos digitos 14 sua altitudine vix excedentes legere oportet, aut si cumuli altiores, sæpissime vannare. Propterea in plures contignationes assurgunt ædificia, intus tota lignea, vera sylvarum & marsupii flagella. Imponitur deinde tectum stratum imbricibus, quibus sole verberante calentibus frumentum conservescere necesse est. Occurrit quidem sedula, simulque sumptuosa vannatio, atque ideo apertis quoque fenestris ventilatur: attamen innascuntur animalcula, insectis cum aëre illabentibus; ipsa quoque aëris vicissitudo frumento noxia. Hæc evitant populi orientales incommoda, grana defodiendo, ipsisque Romanis horrea defossa probabantur. Varro auctor est, sic conditum triticum durare annis quinvaginta. Sed neque hoc absque difficultatibus: nam pauperior messis facile fossis concreditur; verum opulentam messem

(c) Du Hamel -- *Traité de la conservation des grains* p. 164. item Ludov. de Mitterpacher - *de re rustica*, P. I.

recondere inæqualitas indolis terrestris prohibet, diversis frugum speciebus vastum subfossæ terræ spatium exigentibus. Qvippe compertum est etiam, frumentum lateribus fossæ adhærescens corrumpi. Inventum jam est, quod conservandis granis utile: ideam structuræ D. Jacobus Faggot proponit. Sunt nimirum tubi quadrangulares *A* lapidei, aut lapide constrati, qui neque
 TAB. VIII. Fig. 58. contineat humorem, neque transmittat, insistentque fornici. Per fauces *b b* frumentum infunditur, quod infra tectum *D* ope trochleæ attolli potest. Foramen *C* excipiendis granis idoneum, secus ferrea portula claudendum: nec minus tuborum fauces, immisso quoque lapide. Ita frumenta si nullus spiritus penetrat, certum est, nihil maleficum nasci. Torreri grana, ut multi volunt, necessarium non est; remoto itaque exustionis periculo conservantur & alimento & sationi aptissima. Plurimum referre videtur condendi tempestivitas: modo ante infusionem tubi structa flamma fœcentur. Sumrus, quos in consveta granaria facere oportet, imminui in aperto est; nam tubi tignis, basibus, transtris, asseribus, fenestris, valvis, portis &c. carent. Spatium recondendo frumento uberius; tubus enim 12 pedes latus & totidem altus 1728. pedes cubicos completitur, pro quibus requireretur in granario spatium pedes 50 longum, & 25 latum. Aves, glires, mures excluduntur penitus, neque curculioni aër stagnans favebit. Vannatio nulla, atque propterea omnis frumenti surripiendi succisa occasio. Denique correpto etiam a flamma tecto, securum in tubis latet frumentum.

§. 87.

SCROBES. UTILITER quoque grana servantur in scrobibus, firos vocant, ut in Hungaria. In Ucraina fascies manuales in acervum colligunt, quem stramine ac virgultis testum cœlo committunt. Grana brumæ tempore super glacie exterunt tribulis; nam glacies adversus pulveres remedium. Frumento aristis liberato parant scrobes: ante omnia, ut argilloso & sicco solo fiant, curant; hinc etiam succenso stramine exurunt. Mox substernunt paleam, infusumque frumentum stramine & terra contegunt. Figura fossæ eliptoidem refert colli cylindrici. Multis durat annis messis recondita; verum compertum etiam, firo aperto totum hauriendum; quoniam frumentum accedente aëre fermentat. Neque statim in apertum firum demittendus est aliquis; quia vapores hominibus noxii: ita enim jam complures morte deleti.

§. 88.

APIARIUM. HORTIS maxime alvearia & apes conveniunt; res præcipui quæstus, cum favit. Naturale harum domicilium arbores carie exesæ, foramina petræ, & fissuræ parietum: nunc alvearia incolunt arte cicurante. In his una hospitantes labores peragunt; quare etiam magna alvearium differentia. Pro exemplo esse potest cista *A* ex asseribus $2\frac{1}{2}$ ped. longis, $\frac{3}{4}$ digit. densis, & 14 digit. latis coassata, ad cujus foramen *a* patet apibus accessus. Hujus longitudo 4 digitorum est, latitudo $\frac{1}{2}$ digit., clauditurque asserculis *b b* properterea mobilibus. Affer anterior *C* & huic respondens

TAB.VIII.
Fig. 59.

margini canaliculato immittuntur; nam ambulatorios esse convenit. Inter asseres *D* clavīs affixos hæret operculum *E* foramellis *c c* instructum, ut remota valvula, qua teguntur, in aliud alveare imponendum crescente laborē apes ascendere possint. Alii ipsum alveare a tergo ambulatorium construunt, ut proferatur intus, ne apes desperatione curam abjiciant; id paullatim reduci necesse est, fallente operis incremento. Basis *F* probe polita est, ad foramen *a* tribus digitis prominens. Bina quævis alvearia juxta se receptaculo imponuntur intercedente digiti spatio; plurium collectio apiarium dicitur. Ne receptaculum prosternatur a turbine, solidum fiat, a tergo muro adhærens. Contra bufones, aliaque infidiantia substernuntur substacula, ut $1\frac{1}{2}$ pedem a terra distet. Alvearia orientem æqui-

TAB. IX.

Fig. 60.

noctialem spectare convenit: aquilonem evitent, nec minus favonium. Idcirco frons receptaculi ortum inter & meridiem media, longitudine numero alvearium respondente. Altitudo *a b* raro pedes quaternos cum senis digitis excedens: profunditas vero pedum 6 & $\frac{1}{2}$ pro homine curante, atque ideo meridiem versus porta quoque tricenos digitos lata. Clatris *c* infidæ manus

TAB. IX.

Fig. 61.

arcentur. Tectum *D* prominet, radios solares, & ventorum impetum elidens: declive est, ut aqua pluvia decurrat. Locum, in quo constituitur apiarium, siccum esse oportet, sed remotum simul a tumultu hominum & pecoris. Lacus aut fluvijs in vicinia fugiendus: nam apes transcentes escam quæsituræ rarius revertuntur. Contra pratum floribus confitum; arbores non nimium procera, rivuli prætercurrentes evolantium

examina invitant, nec longius abire patiuntur. Cavendum plurimum, ne adsitæ sint, laterariæ, braxæ, aliaque ejusmodi: quoniam graviores vapores apibus noxiæ. Verum suffiri alvearia, maxime fimo bubulo convenit: quia innascentes bestiolas necat, araneas, papiliones, teredines: apesque ipsas excitat. Alvearia hyeme stramento operiri utilissimum.

§. 87.

APIARIUM
PRO RUSTICO.

AD minuendos sumtus receptaculum latere septentrionem respiciente muro aut sepibus adhærere potest, omissis quoque frontis cratibus. Idcirco fulcra angularia, asserculi pro tecto & utroque latere minore totum sunt, in quod sumtus facere oportebit. Canis instructus nocturnas adversus fures agens vigilas mane revocatur, ne apes escam quæsituræ aculeis eundem configant. Alveare e delecto stramine connectitur, tribus fasciculis circularibus, quorum altitudo 3 digitorum est, & diameter duodecim, corbem constituentibus. Superius corbi insertuntur tigilla se se decussantia: hæc $\frac{1}{3}$ dig. densa sunt, lata unum, atque digito quoque integro a se se distant. Foramen apum eliptoicum, cujus axis major pollices quatuor, unum vero semiaxis minor continet. Corbiculo pileo stramentitio tegitur, relicto foramine medio ad observandas apes; secus stramineo fasce obstruitur. Increcente apum opere sublato pileo corbiculo alter imponitur; ut ascensus pateat; corbes basi solida carentes receptaculi asseribus imponuntur. In aperto est, in structuram sumtus exiguos fieri.

TAB. IX.
Fig. 62.

TAB. IX.
Fig. 63.

§. 90.

DE LATERA-
RIIS IN GE-
NERE.

ÆDIFICIA e ligno constructa injuriis aëris parum resistunt: subiecta sunt incendiorum periculis: lignorum pretium augent. His œconomix vulneribus medemur, structuras e lapide erigendo, quem si natura aptum negat, arte paramus. Propterea ars conficiendi lateres eo majoris est momenti, quo ampliora inde in œconomiam redundant emolumenta. Ars vero materiem idoneam deligit: sedula cura subigit: subactam format & excoquit. Fit hoc in diversis structuris, quas simul sumtas laterariam vocant. Idcirco situs necessarius, ubi matèries abundat: utilis ad urbes, aut fluvium, cujus ope merx alio transponitur; plurimum necessitates domesticas & vicinix spectare convenit.

§. 91.

DELECTUS
MATERIÆ.

MULTI artem conficiendi lateres profitentur: sed non æque semper architecti votis respondent. Verberantur imbri lateres: coercentur frigore: solem non ferunt; potissima horum causa materies. Argillam nec nimius pingvem, nec tenacitate carentem aptam esse, inter omnes convenit; verum solo hanc obtutu tam parum dijudicare potest artis etiam peritus, quam parum diuturna Physicorum investigatio, qui sæpius e sua perscrutatione id consequuntur, ut dubitent. Experientia plurimum potest; idcirco ex argilla ducendi lateres, quorum in opere diuturnitas probat materiam. Longa quidem hæc via videtur; attamen trita veteribus; quorum propterea

artem desideramus, quia recte facta perierunt. Argilla lapillis aut herbarum radicibus scatens, nisi secernatur, haud apta est: immixta marga calcaria inimicissima; nam lateres ocysime finduntur.

§. 92.

MATERIA
APTANDA
EST. NEC tamen omnem experimentis assequi naturam possumus; proficientibus ingeniis compertum, argillam domitam tempestatibus utilissimam. Quæ in summa tellure sita est, tantam curam non exposcit; quoniam temporis vires sustinuit; Verum profundior etiam biennio sole & gelatione coeretur. Hunc modum non pridem repertum volunt, qui novis moribus favent; sed id quoque apud Veteres actum invenitur. Effossa igitur argilla in cumulos legitur, quos ima summis miscendo evertere oportet, ut sol et gelu cuncta penetrent. Postea fodiuntur scrobes, in quibus materia diebus aliquot superfusa aqua maceratur, atque subigitur usque ad lentorem. Hoc maxime præcavendum, ut ne lapilli aut radices relinquantur. In hunc finem inventa quoque machina, quæ argillam comminuat. In fossa circulari pedes fortassis quaternos profunda, sed 12 lata circa suum axem convertitur cylinder: affixis ligneis valvis argillam minuens; in media fossæ altitudine sunt crates ferreae, quæ argillam minutam transmittunt, lapillis & radicibus supra hærentibus. Valvis sufficit 5 pedum longitudo, & unius latitudo. In ducendis lateribus erroneum est, fluida uti argilla; nam in excodis hiabunt rimæ. Fervente quoque tempore operiuntur paleis ma-

didis, ne solis ardor exurat: hyeme arena a gelu vindicantur. Optimum propterea est exsiccare sub receptaculo, quod perflatum admittit, non tamen aqvilonem. Plurimum interest, ut in ligneis modulis tenui arena conspersis æquales formentur; idcirco idem omnibus protoplasma. Inæqualitas profecto emtorem indifferentem esse non finit; si enim calculus centum millium necessitatem ostendit, in aperto est, latere quovis vitio moduli $\frac{1}{100}$ a sua dimensione deficiente, jam non centum millia sufficere, sed decem præterea millia addi oportere, atque ideo & quantitatem calcis, & pretium laboris una quoque decima augeri.

§. 93.

LATERES EX-
COQUENDI
SUNT.

RESTAT adhuc ratio excoquendi lateres; nam cocti humori & soli resistunt. Principatum in hoc clibani constructio obtinet, deinde flammæ directio. Nisi æqvabiliter calor omnes excoquat, complures erunt operi inutiles; hinc aperitur via fraudi, aut damnum ferendum est. Deficiente caloris directione prorogatur excoctionis tempus; & hinc rerum pretia crescunt. Aptus propterea clibanus, qui exteris in Provinciis viget. Is, quemadmodum in nostris fieri assolet, quatuor lateribus *a*, *b*, *c*, *d* constat, deinde fornice e tegulis. Fiunt proportionem furni amplitudinem sequente 10, 12, 15, 18 spiracula, quorum dimensio octo digiti quadrati. Fornaces ff videntur in basi, superstructa craticula *g*. In *h* apertura inferendæ materiæ congrua. Lateres torrendi ita imponuntur craticulæ, ut infimi majore a se invicem

TAB. IX.
Fig. 64.

dislent intervallo, quod corpore assurgente inter lateres continuo decrescit. Directio flammæ commodissima; nam clausis spiraculis 1, 5, 8, 11, illic immittitur calor, ut apertis 2, 3, 4, 6 hac versus augeatur, cunctis vero referatis altum petens. Ad humores e lateribus sensim expellendos prima flamma lenis: augetur deinde calor faucibus *f* ad medium usque testis, qui biduo lateres excoquit. Tum limo obductis aperturis omnibus, clausisque faucibus octo aut decem diebus manent in furno tegulæ; hoc laterarii refrigerationem dicunt.

§. 94.

COQVITOR CALCI coqvendæ, aut gypso furnus idem,
 QVOQVE qui lateribus, aptus, aut certe non diffi-
 CALX ET milis. Id præcavendum, ut ne calx & late-
 GYPSUM. res simul excoquantur; nam tegulis flamma lenis primum necessaria: contra potentissima calci. Summa in eo calcarii cura, ut, dum lapides ignescunt, flammam nutriat; hujus enim neglectus plurimum noxius. Si quis quærat, quam diu coquere oporteat lapides, erunt quidam, qui dicent: nunquam satis. Sed falluntur sua opinione; quoniam nimium tostus lapis sub dio in frusta solvitur, viribusque destitutus cohesionis inutilis. Alii excoctum probant, qui $\frac{1}{3}$ crudo levior, sonum acutum edens, aut affusa aqua effervescens in pulvem disfluit. Verum non licet Calcario lapides igni subducere, ac propterea hæ probæ inanes. Verius excoctionis indicium color flammæ & odor. Si enim color sit candidus, atque odor sulfureus evanescat:

calcarius a flamma alenda defistit; nam tum lapides excocti. Refrigerati deinde lapides e furno auferuntur, atque in cumulos lecti adversus aërem & humorem custodiuntur; ast gypsum in pulveres minuitur.

§. 95.

MATERIÆ
COQVENDIS
LATERIBUS,
ET LAPIDI-
BUS CALCA-
RIIS IDO-
NEÆ.

QVOD excoqvendis lateribus & lapidibus calcariis adhibetur, lignum est. Regnante præjudicio deligitur longum, & hujus quoque species optima. Parum est, unam sylvarum invenisse pestem, nisi sit etiam pretii incrementum. Heu! quot modis auximus pretia rerum? Sunt carbones fossiles igni alendo idonei, eoque aptiores, quo majorem oleo suo tenacitatem calci & lateribus conciliant. Imus in viscera terræ opes quæsituri; & piget quærere materiem, quam benigna offert; tanquam parum inveniremus, si inveniamus, quod pretium minuit, & utile est. Accedit quoque turfa, modo exsiccetur: id fit eam comprimendo. Idcirco adhibetur torculum e duobus assëribus compositum; hos 2 digitos densos, 16 latos, sed 10 pedes longos esse convenit. Asserum extremitatibus utrinque insidet cochlea a duobus operariis intorqvenda, retorqvendaque: bini alii turfam torculo subjiciunt, & totidem compressam tollunt. Aptæ ad laborem etiam fœminæ, pueri quoque; millia frustorum comprimunt diei intervallo.

§. 96.

OFFICINA
CEREVISIA-
RIA.DE Officina cerevisiaria in universum di-
cendum 1°, ut solo sicco constituatur:

nam terræ vapores cerevisiæ noxii; propterea convenit etiam injecto rudere pavementum horizonte altius attollere. Situm hunc natura negante cellariorum pavimenta fiunt declivia, atque structæ in angulis fossæ, quæ aquam hauriant in remedium sunt. Neque negligenda spiracula stagnantes vapores educuntia. 2°. Amplitudo ædificii necessario materiæ adparatui respondeat, & is consumptioni; idcirco partes singulæ hinc determinantur. 3°. Munditiei præcipua cura; quare pavimenta sternenda lapidibus: neque omittendi canales, qui aquam derivent. 4°. Ut solida sit moles, construatur e lapide, fronte septentrionem respiciente. 5°. Quoniam utilis perflatus, fiunt in pariete foramina, quæ rigido tempore clauduntur: quia frigus materiæ fermentationem impedit. Ad lucis affluxum uberiores copiosas esse fenestras convenit, quæ vapores etiam educunt; nec minus spiracula supra testum & aream. 6°. Materiæ excoctæ conservatio cellarium exigit; hoc itaque commodum esse oportet. 7°. Si frumentum infra testum conservetur, ratio habenda est spatii, singularem tabulato etiam curam poscente.

§. 97.

AHENUM
BRAXATO-
RIUM.JAM de ipsis partibus. Ahenum braxato-
rium excoqvendæ materiæ servit; hoc alii

lebetem conicum volunt: alii pultarium oblongum. Sua quibusvis argumenta: nec negari potest, ad immi-

nuendam ligni quantitatem conferre quoque aheni aguram; sed plurimum spectanda foci constructio. Qui lebetem præferunt conicum, dicunt: minorem flammæ obverti basim, ac propterea actionem ignis contracti magis intendi; unde necessario fit, ut materia citius excoquatur. Quare evidens lignorum compendium. Præterea, cum conicus lebes minoris sit peripheriæ, ipsum foci spatium minui, atque ideo minora ligna idonea, facto quoque in erigendo foco laterum compendio. Si ad pultaria, quæ usus passim induxit, advertamus; videbimus totidem e pultariis incommoda, quot comoda e lebetibus subnasci. Verum num tardior in pultario materiæ excoctio? an major lignorum consumptio, calore ocyus non dilabente? hæc si fiant, non pultarii, sed foci vitio fiunt. Nam pro comperto est, actionem flammæ directe ascendentis intensiorem esse, quam si latera lambat; jam vero pultarium flammæ directæ basim 18 pedes quadratos continentem obijcit, quam conicus lebes basi duorum forte pedum quadratorum excipit, reliquo calore ad latera coni serpente. Neque minorum ligni frustorum usus lebeti parocinatur; nam minora quidem, sed eo plura adhibentur, quo altior est in lebate columna aquea, in quam calorem agere oportet. Potest quoque pultario dari basis convexa concavitate focum respiciente; ita enim ocyus incalescet materia, calore in concava basi circulante. Spatium, quod pultario majustribuendum est, non dehortatur ab usu; nam sumtus in duo millia laterum alia emolumenta elidunt.

§. 98.

CONSTRUC- IN quo minor lignorum consumptio est,
TIO FOCL. atque caloris æqvabilis in pultarium actio,
focus commendatur. Idcirco agendum, ut diutius re-
tineatur calor, atque faucibus non nimium patentibus
flamma vivacior alatur. Pro exemplo esse potest focus,
quem D. J. C. Simon (*d*) proponit. Latera foci sub TAB. IX.
obliqua surgunt directione, relinqvendis, si pultarium Fig. 65.
immineat, intervallis *c*, quorum latitudo digitorum
sex, altitudo duodecim. Facile patet ascendentem ca-
lorem sat diu sub pultario morari, donec undique ser-
pens in fumarium irruat; hoc ex una parte cum spatio
cavo communicat. Pultarium a craticula *b* semitertio,
non amplius, pede distat: fauces ferrea muniuntur
portula, clausæ semper, dum materia excoquitur;
contra patet aëri ad locum cinerum *a* affluxus, qui
flamam alat.

§. 99.

ÆDES PO- RATIO macerandi frumentum spatium
LENTARIA. in officina cerevisiaria exigit: nam subigi-
tur in cado, expanditur super area, torretur quoque;
ideo aedes polentaria. Parietes struuntur e lapide; datis
ad septentrionem fenestris admittitur perflatus: sed
versus meridiem adhæret lignorum receptaculum, atque
in eas arboribus irruentis solis æstus mirigatur. Utilis
fons aditus, atque necessarii canales aquam in leberes
derivantes: nec minus spiracula vapores educuntia.

(*d*) Kunst des Bierbrauens. Dresd. 1771. 8. S. 31 : : :

Quoniam convenit Testi focum maxima sui parte sub terra strui: necesse est, ædis basim a superficie altius assurgere; ita enim, si quis sub terra humor, in focum non penetrabit. Potest quoque velut canalis ædem ambiens effodi, qui aquam colligat.

§. 100.

TESTUM
FRUMENTI.

STRUCTURÆ, in quibus ignis alitur, omnes moderatum lignorum usum respiciunt; hinc enim sumtuum imminutio. In Testo accedit præterea facilis fumi deductio, ne stagnans polentæ se communicet. Variæ propterea Eruditæ de Testis ideæ: (e) nobis pro omnibus D.J. C. Simon (f). Parietes *AB, BD, DC, & AC* pedanei sunt: dimensio subdupla in reliquis *LM, IK, GH, EF, NO*. Magnitudo testi in ratione materiæ torrendæ: metretæ hordei decem supra centum digiti quadrati sufficiunt. In latere *BD* locus cinerum, & hujus fauces *m n*. *FB* sunt foci fauces muniendæ portula ferrea, & ad basim craticula. Focus terræ imponitur basi *m n o p* Fig. 67. e tegulis constructa; hanc inter & *AB* intervallum arena, aut lapillis repletur. Inter *a b c d* & *n m o p* via caloris, canali in *n a* convergente: ita erit lentius elabatur; quare *d p* 12 est digitorum, *c o* 10", *b n* 8", *a m* 6". In fumario ad *c* patet homini in fumarium a fuligine repurganti accessus. Canalibus *a b c d* (five fig. 66. *LEON, & NOFM*) imponuntur testæ

(e) Krünitz ōkonom. Encyclop. V. Th.

(f) Kunst des Bierbrauens. S. 57.

argillaceæ, quas lithocolla connectere oportet. Pulvis gypseus, calx nondum restincta, tegulæ contritæ, linnatura ferri, facta in oleo lini subactione lithocollam idoneam præbent. Ad maiorem quoque commoditatem fit in tabulato foramen, quod testo immineat; hinc ope corbiculi, & trochleæ testum attollitur, aut etiam demitti potest torrendum. Canales scopantur stramine, quod globus ferreus ab *f g* ad foci fauces per planum inclinatum *m n o p* decurrens e fune trahit. Denique *h i* spiraculum est ad flammam alendam.

§. 101.

LOCUS PRO CONSERVANDO FRUMENTO. POSSE frumentum in tubis §. 86. fervari, facile patet; quoniam vero more ita recepto spatium infra testum huic usui tribuitur, nihil in structura tabulatorum negligendum. Plurimum frumento ab ascendentibus vaporibus periculum: si penetrent, corruptio ocysima. Idcirco in ligneis tabulatis duplex assèrum series, infusa quoque juncturis lithocolla, ut nullus sit hiatus. Melius profecto illi, qui laquear lateritium struunt, aut obducunt gypso tabulatum. Nec inutiliter adhiberetur structura §. 44. relata. Sed in his omnibus spiracula per testum educta necessaria. Muro intergerino polenta separatur a frumento: nam secus noxii polentæ miscebuntur pulvisculi, dum frumentum vannatur. Aquilonem versus coassatur sepimentum pro lupulo: operculo custoditur adversus aërem, structa propterea prope basim portulla, ut ad usum eximi possit.

§. 102.

CELLARIUM
AD OFFICI-
NAM PERTI-
NENS.

MAGNA & excoctam materiam conser-
vandi ratio; ubique ligneis vasis in cellis
conditur. Humor materiæ noxius; idcirco
cellam siccam esse oportet. Parietes propterea sunt e
lapide, quem mortario coagmentant; hoc e calce,
arena, pulvere contritarum tegularum, & limatura
ferri componitur; nam ita humori resistit. Testorium
deinde semipedaneum ex argilla muris inducitur. Ad
educendos vapores struuntur quoque spiracula, uno
ad locum cinerum deducto. Binæ sufficiunt fenestrellæ:
altera meridiem, septentrionem altera respiciente. Uti-
liter etiam semel in anno affixum parietibus stramen
succenditur; nam ita telæ aranearum & mucedo tollun-
tur. Constituitur cella infra officinam, atque ope ca-
naliculæ materia e lebetibus in vasa derivatur. Ceterum
ea hic etiam observare convenit; quæ de cellariis supe-
rius dicta sunt. (g)

CAPUT QVARTUM.

DE ÆDE RUSTICA, PAGO, ET INCEN-
DIORUM REMEDIIS.

§. 103.

REGULÆ
COMMUNES
DE ÆDE RUS-
TICA.

SI quis diligentius reputet, minima ædis
rusticæ cura est, ceu non redundarent in
totum emolumenta; si partes bene consti-
tutæ sint. Tum enim cuncta recte coordinata putari

(g) Totius Officinæ necessaria constructionem vide: ökonomische
Nachrichten X, B. 14. Kupfer.

possunt; quando & partes & totum ad eundem finem diriguntur. Idcirco neque negligenda ædes rustica; quid observandum sit, generalibus præceptionibus refero. 1°. Quoniam inimica lignis flamma, removendus est lignorum usus, inutiles quoque materiæ, quas flamma facile corripit. Propterea idonei lateres e limo compacti parietibus erigendis: fumariis vero regulæ coctæ, atque ipsa neque trabibus insistant, neque lignæ perticæ in transversum traductæ admittantur. Quæ tecto materia apta sit, sectione prima dicebatur; pavimenta cubilium tesseriis lateritiis sternere convenit. Stabula ob incendii periculum a rustici habitatione remonentur, neque nisi binas quasvis ædes contiguas esse oportet. 2°. Ut tecti coassatio æconomica sit, ea, quæ simul pertinent, sub eodem tecto consistunt; ideo structuræ solitariæ locum non habent. 3°. Decor ædis rusticæ simplex sit, qui a sola symmetria petitur; idcirco ædis constructio non cujusvis ridiculæ phantasiæ relinqvenda. 4°. Præcipuum est, ut ædes tota necessitatibus respondeat; quare spatiosa area necessaria est, in qua structuræ æconomicæ sint collectæ. Neque prætereundum est etiam, quod monet D. Consil. Reinhard: non convenire rustico ædem in contignationem assurgentem; cum ejusdem munus ferat, stabulis & æconomix invigilare. 5°. Ne ulli in ædem, & ad res æconomicas pateat accessus, svadet securitatis ratio, aream muris cingere, quibus erigendis lateres e limo compacti utilissimi. Denique 6° & ratio sanitatis habenda. Quod Rei publicæ e lue regnante vulnus infligatur gravissimum, non postrema causa est, complures eodem

in cubili versari; nam uno a morbo correpto & reliquos consumi facile patet, vitio contagionis in omnes ocysime transeunte. Neque probari potest, hominibus cohabitare pecora, eoque deterius, quo humiliora struuntur cubilia. Qvare ædes in patulo constituendæ: cubilia sat alta & ampla struenda: stabula ab æde removenda.

§. 104.

ÆDIS RUSTICÆ COORDINATIO.

QUÆ in genere de structuris dicta sunt, & hic quoque locum habent; sola superest ædis rusticæ coordinatio. Ne quid sciens quidem præteream, D. Confil. Reinhard excogitata adfero. Ædes, TAB. IX. Fig. 68. quam rusticus incolit, *A* pedes 50 longa est, 35 lata. Per atrium *a* patet accessus in cubilia *b* & coquinam *d*, cujus focus fornaci *x* calefaciendæ una servit. Scala in atrio constituta infra tectum ducit. Cubilia *c* diversis usibus esse possunt, constituto in *e* coquinæ promptuario. Porta *g* ducit in aream *D* quadraginta pedes longam & quinquaginta latam; ubi data altilibus aut setigeris stabula *l*, singulis pedes senos quadratos complectentibus. In *B* horreum est cum area trituratoria *i*, atque *h* & *k* stabula vaccarum, boum aut eqvorum. In area *E* est curruum receptaculum *m* 35 pedes longum & 17 cum dimidio latum. Spatium hoc intter & ædem *A* latitudine 32 pedes continet & sex diggitos, longitudine vero pedes triginta quinque; huc patet ad *n* introitus. Hortus *F* septuaginta quinque pedes in longum porrigitur, latitudine sua ædis longitudini respondens. Pro ovili, si res exigat, a curru recepta-

culo spatium demi potest; nam hujus longitudo immi-
nutionem patitur. Pone stabula fimi receptaculo locus
tribuitur, constituto quoque opportune in area fonte.

§. 105.

PAGUS. DOMICILIORUM rusticorum collectio pa-
gus dicitur. Ne in longum nimis excurrat, ædes in
plures series distribuere convenit, interjecta platea se-
jundas. Ædes sexaginta pagum constituunt; vitiosus
pagus, qui plures numerat. Nam quo vastior pagus,
eo major quoque territorii extensio; hinc dissiti a do-
miciliis agri, quos recte colere arduum est, ac prop-
terea æconomix detrimentum. Quid observari in con-
stituendo pago D. Confil. Reinhard judicet, proposita
illius idea optime præcipimus. Juxta longitudinem pla-
teæ *A* decurrunt utrinque domicilia *a* fronte se respi-
cientia hoc modo, ut partis sinistræ ædificia partis
oppositæ areis opponantur; hac enim ratione pericula,
quæ ab incendiis imminet, minuuntur; idcirco im-
plantari quoque possunt utrinque arbores. Si tertia ad-
jiciatur ædium series, interposita platea *B*, quam 30
pedes latam esse oportet, stabula & horrea *b* sibi utrin-
que respondent, domiciliis rursus sibi fronte obversis,
si series quarta adjiceretur. Neque forum deerit, Tem-
plo *c* in medio constituto. Plateas parallelas esse opor-
tet, atque juxta latitudinem unam *ll*, pluresve ductas.
Ædibus muro conjunctis pagus integer clauditur, por-
tis *lm* constructis. Cum non nisi bina domicilia sibi
contigua sint, spatiosa intercedente area, facilis undi-
que patet accessus ad flammam sopiendam, si neces-

TAB. X.
Fig. 69.

fitas exigit; neque curruum receptacula impedimento esse possunt, utpote structuræ humiles. Horti necessitatibus quotidianis sufficiunt, neque transeuntibus pregrinis inamanti aspectu. In novo erigendo pago singulari cura cavendum, ne sylvæ vicinus constituatur; nam ista occasio ligna clam surripiendi.

§. 106.

INCENDIO-
RUM REME-
DIA NECES-
SARIA; ET
QUE?

FELICITAS privatorum cum publico civitatis bono arctissimo vinculo connectitur. Provinciæ integræ fortunarum basis singulorum civium res florentes; neque florentis civitatis fingi potest idea, neglectis membrorum fortunis. Si itaque disciplinæ civilis præcipuum & unicum obiectum, ut nexus, qui inter privatam civium, & publicam civitatis felicitatem intercedit, nunquam dissolvatur: necessario consequitur, omnes Politicæ vires eo convertendas, ut res privatorum mediis optimis integræ conserventur. Quoniam vero singularum familiarum fortunæ enervantur incendiis, præcipiti sæpe in squallentem egestatem lapsu: suapte nascitur necessitas, ut devastantibus incendiis ponantur obices, mediisque optimis impediuntur mala, quæ inde sequerentur. Optimum profecto medium incendiaria præscriptio, quæ duplex esse potest: altera urbes, rus altera respiciens. Obiectum incendiariæ præscriptionis sunt dispositiones, quibus avertuntur incendia, aut quas prævias, concomitantes, & sequentes esse oportet. Hausta ex optimis fontibus propono principia, non quod ignota iudicem: sed ut nota, quia bona sunt, ad imitationem invitent.

§. 107.

DISPOSITIO-
NES AD A-
VERTENDA
INCENDIA IN
URBIBUS.

EMICANT benigne, passimque in pluri-
mis terris dispositiones (a), quibus ea re-
moventur, quæ aut incendiorum causa,
aut fomes. Lege propterea cautum est, ne quisquam
opificum, quibus carbonum vivorum usus est, lignis
vicinos habeat focos, quos e tegulis constructos esse
convenit. Tecta scandulis ligneis, aut asscribus vestita
tolerare nefas: nam exorto turbine rapiuntur ignescen-
tes in aëra, atque cadentes multiplicati incendii causa
sunt. Horrea in urbes non subeant, neque patuli stra-
minis aut fœni acervi; ligna aut vasa sub tectis recon-
dere, poena dignum. Viotoribus non admittendum, ut
in urbe vasa adurant, aut certe non nisi tranquillo
tempore, & loco securo. Cannabim siccare, frangere
& vellere nusquam in urbe liceat; carminari potest ad
lucem diurnam. Vetitum præterea, accensa candela
subintrare stabula, aut fœnile: nec minus his in locis
haurire tabaci fumum. Interdictum quoque pulverem
pyrium ad candelam succensam vendere, atque res
periculi plenâ, majorem quantitatem loco etiam tutis-
simo conservare; idcirco procul ab urbe, qui ignes
missiles & festivos adparant. Denique faces piceas ad
ædium angulos mundare, aut procelloso gestare tem-
pore prohibitum: faces vero e tæda confectæ nunquam
tolerandæ. Illud adhuc admonuisse perquam necessa-
rium est, omnem insumî operam, nisi, quæ decer-
nuntur, urgeantur quoque. In hunc finem constituun-

(a) Krinitz ôkonom. Encyclop. XIII. Th. S. 150 = 2

tur Inspectores, de quorum munere sit, invigilare, ut, quæ præscriptione incendiaria præcipiuntur, violentur nusquam. Idcirco crebrius per annum Inspectio incendiaria peragitur singulas obeundo ædes, præsertim in quibus cerevisia coquitur, aut vinum sublimatur. Sed neque sufficit fecisse dispositiones, quibus arceantur incendia: erumpunt sæpe fortuito casu; quare quæ in ipsis auxiliuntur, indicanda.

§. 108.

INSTRUMENTA
INCENDIARIA.

AQUARUM beneficio improbæ furentis flammæ vires franguntur; hoc enim elementum ceteris omnibus imperat; quapropter hoc primum quisque in remediis incendiis habeat. Sunt propterea quoque inventa instrumenta, quæ in altum ejaculantur aquas: alia, quibus haustæ conservantur. Naturam instrumentorum enarrare, Mechanicis relinquo, usum potius, & quæ cura servare ista oporteat, referens. Primum occurrit siphon incendiarius (b), e quo majore potentia compressæ aquæ prodeuntes scandunt in sublime, flammæque necant. Duplex Siphonum genus, alii minores, quos quemvis Patrem familias habere convenit: majores alii, qui in incendiis utilissimi, ac publicis sumptibus conservantur. Nihil frequentius, quam ut Siphones officium denegent; id quidem vitio conservationis. Nam modo finduntur æstu: modo frigus & pulveres vitium generant: modo sunt

(b) Sammlung neuer und nützlicher Abhandlungen und Versuche ac. Nürnberg. 1775. 8. S. 56-59. item Heinemann, Feuerlöschungs-Anstalten. Lemgo 1777. 8. S. 72 - 3

causæ aliæ , quæ nostram solertiam in custodiendis provocant, præviasque dispositiones. Idcirco proprium Siphonibus erigendum receptaculum , sub quo tecti linteo adversus solem , frigus , & pulveres defendantur. Porro necessarium est , ut cylindri interne inungantur crebrius oleo , membra vero metallina oleo sebo mixto ; oleo balænæ , sebo , & terebintina tubi coriacei unguntur. Rotis & axibus axungia inutilis : nam spissata astrictum auget ; utilius sebum. Neque convenit rapido cursu Siphonem provehere : motu enim potentiore facile machina dissolvitur. Dum usui adhibetur instrumentum , advocandi opifices , quibus machinarum natura perspecta est , ut ab illis in reparando Siphone velox habeatur auxilium. Brumæ tempore omnis e machina educenda aqua ; nam congelascens vitium inferret Siphoni. II°. Huc quoque referuntur vasa incendiaria (c) , quorum communis error , quod trahæ vehiculares , quibus insistant , non sat longæ construantur. Hinc enim necessarium est , ut e vase major aquæ copia exfiliat , quoties in prostantes lapides traha promota gravius impingit. Vasa quatuor pro Siphone majore constituere necesse est. Ut rite conserventur , curandum , ne hient , neque putrescant , neque frigus aquam congelet. Adversus hiatus medium , si aqua repleantur ; utiliter quoque æstivo tempore circulis firmitus constringuntur. Solers cura putredinem arcet ; nam stagnans aqua vitium generat. Qvare crebrius eluenda vasa , ipsamque aquam , qua replentur , puram esse

(c) No. 53 des Leipz. Int. Bl. N. 3. 1772. S. 675.

oportet. Gelu resistit sal; propterea saliri potest aqua, neque hoc in incendiis inutile: quoniam sal ad sopiendam flammam efficax medium. Ad libram aquæ tres uncia salis requiruntur; id tamen notandum, ut Siphones aqua pura eluantur, si casu emergente falsa repleti fuissent. III°. Sunt etiam stulæ incendiariæ; harum plures differentiæ. Aliæ majores, quæ vasorum vices subeunt. Gestantur ab hominibus, transactis propterea perticis; eadem quoque, quæ vasis; conservationis cura impenditur. Aliæ minores e ligno aut lamina ferrea constructæ prægrandem vestem habent: his hauriuntur e fontibus, aut vasis incendiariis aquæ in Siphonem transfundendæ. Denique quas usus communes fecit, e corio sunt; nisi picatæ sint, vetustate intereunt. Neque probari possunt margine in fundo carentes; nam lapsant e manibus, labori propterea inutiles. IV°. Præter enumerata hydraulica instrumenta necessariæ quoque scalæ, harpagines, & lucernæ. Scala incendiaria e solido & sano ligno coassatur, brachiis ferro firmatis. Pars ima, quæ terræ insistit, ferream obtinet cuspidem, suprema rotulas; his facile in pariete protruditur, firmissime illa terræ insistens. Harpago e ferro construitur, capite in cuspidem & uncum diviso; affigitur vesti ligneo, utque firmiter adhæreat, ferreis constringitur annulis. Usus illius, si tecta demoliri necesse sit. Lucernæ incendiariæ utilissimæ; nam perticis prægrandibus affixæ obscura loca illuminant; idcirco nulla suboritur confusio, quam tenebræ semper comitantur.

§. 109.

DISPOSITIO-
NES PRÆVIÆ.

INSTRUMENTORUM tradidisse sermone
notitiam, & nudis nominibus defungi,
incendiorum pericula non minuit. Quapropter titula
incendiaria in quovis edificio necessaria, numerum
ædis & opificii conditione figente. Non minus yas
infra tectum aqua repletum, & scala incendiaria; nam
ista prima ad necandam flammam auxilia. In publica
Magistratus curia instrumenta omnia esse oportet,
quorum numerus urbis amplitudini respondet, crescit-
que aqua deficiente. Quæ e pecunia cujusvis opificii
tribus comparantur, Opificii Decani curæ creduntur
distincta signis propterea, ut quisque norit, quod
emergente incendio arripere debeat; quare singulis
mensibus inter cives signa distribuenda. Siphones quo-
vis trimestri probandi: tum ut contracta situ vitia cu-
rentur, tum etiam, ut exerceantur cives, qui ad eos-
dem dirigendos scribuntur. Vasa incendiaria pone fon-
tes constituere convenit, atque ad angulares urbis
ædes lampadia picea. In turribus conservatur vexillum
& lucerna: ista noctu, illo de die locus incendii in-
dicatur.

§. 110.

DISPOSITIO-
NES INCEN-
DIUM CONCO-
MITANTES.

SEQUUNTUR dispositiones erumpente in-
cendio, a quibus velox auxilium, cum sit
hujus unius elementi ratio fecunda, seque
ipsum pariat, & minimis crescat scintillis. Quare summo
rigore in eos agendum, qui exortam flammam clam
sopire conantur. Ut vero nihil pratermittatur eorum,

quæ periculum minuere possunt: quidquid utilitatis respectum habet, indicandum. Itaque I°. vigiles nocturni insolitum observantes fumum flammæ prænuntium, atque de rei veritate edocti eos admonent, quorum interest, tympanis, tubis, campanis indicare incerdium. Signo dato II°. Magistratus congregatur in curia juxta præscriptionem incendiariam Praefectos urbis disponens, quorum alii supellectilem deflagrantium custodiunt; alii ad extinguendam flammam dispositos dirigunt: alii instrumenta incendiaria promovent; in hunc finem adhibentur equi, quos e publico ære nutrire oportet. III°. Opifices a suis Decanis adducti, atque fitulis incendiariis armati advolant: secus agentes velut prævaricatores legis habentur. IV°. Murarii & lignarii sub pœna juris amittendi stringuntur, ut securibus & malleis armati ocyssime accurrant; tecti enim demolitione flammæ pabulum subtrahitur. Ast curandum, ut imbrices non dejiciantur in plateam: quoniam impedirentur homines difficultate accessus. V°. Ad puteos constituuntur fontium curatores: ad vasa & Siphones fabri, ut velox sit in reparando auxilium. Non minus fumariorum repurgatores tecta occupant. VI°. Quoniam urbs in plures regiones distributa supponitur; omnes ejusdem regionis, in qua ædem flamma corripuit, aquam domi servatam exponere tenentur, ne uspiam aqua deficiat. Excipiuntur tamen ædes incensæ vicinæ. Suborto turbine prævertendum periculum, qua ventus spirat: propterea & illac tam homines, quam aquam disponere convenit arreptis etiam quorumcunque equis; quoniam crescente periculo nemo eximitur.

VII°.

VII°. Ad evitandam confusionem præfidiarii milites aut civiles coram æde succensa consistunt, sat tamen remoti, ne auxiliantibus impedimento sint. Cavendum præterea, ut opem ferentes non adigantur verberibus; sed debiliores utriusque sexus atque feriantes repellendi. Noctu accenduntur lampadia picea, lucernæ incendiariæ: convenit quoque succensas candelas fenestris exponere, ut plateæ illuminentur.

§. III.

QVID INCEN- U T nihil institutæ præscriptioni desit, dis-
DIO SOPITO positiones flamma sopita supersunt. Sæpe
AGENDUM? sub cinere gliscebat ignis, atque edax flamma erupit
cura fallente. Propterea restincto incendio quosdam de
militia remanere, præmoneri que lignarios & murarios
necessè est ad promptum auxilium. Neque reliquis licet
promiscue dilabi; sed quo ordine accesserant, eodem
quoque redire oportet. Fit hoc ideo, ut instrumenta
incendiaria suis reponantur locis, atque absentes no-
tari possint; quare tam urbis Præfecti, quam opificum
Decani lecta præsentium nomina cum signis instrumen-
torum conferant. II°. Die altera Magistratus in curia
collectus in originem incendiî indaget, ut & negli-
gentia commissa corrigi, & auxilia possint præscribi.
Absentes, quorum nomina opificum Decani exhibent,
multare necessè est. Instrumenta destructa ocysissima
cura reficiuntur: quoniam cunctatio periculum augeat.
Sed & istud necessarium, ut rerum perditarum ratio
habeatur; idcirco lege cavendum, ne quisquam inventa
sui juris faciat: nam aliena injuste retenta a furto non

differunt. III°. Ad acuendam hominum solertiam, quæ extingvendis incendiis necessaria, solent præmiis quoque donari; in his vigilantia, laboris, & damni ratio habenda. Quapropter conferuntur incendium palam facienti; adducentibus prima quatuor vasa incendiaria; Siphonum directoribus: Murariis & lignariis, quibus etiam destructa instrumenta refundere convenit: militibus, & iis, quorum singularis erat in auxiliando solertia. Qui per impensam operam vitium valetudinis contraxit, dum convalescat, indemnem præstare oportet, atque occisi nutrire familiam.

h

§. 112.

DE CURA INCENDIORUM
RURIHABEN-
DA.


NATURA incendiorum atque multitudo de rure quoque cogunt dicere: quamquam non ignarus sum, majorem esse difficultatem in promendis remediis. Sine dubio resistunt flammæ lateritiæ ædes, sed his obstat egestas: nisi e limo compactæ tegulæ adhiberentur, quas usus non minus commendat. Furni ad panem pinsendum potissima incendiorum causa; hos propterea ab ædibus remotos esse convenit. Stabula, tecta, horrea vicinum non patiuntur ignem, atque nefas isthic haurire fumum tabacæ. Neque tolerari potest domi ficcare cannabem, aut foci cineres in vase recondere; his dandum foramen sub foco, illi testum publicum. Loca cinerum, fauces focorum & fornacum portulis munire necesse est; nam ingredientiæ cati ab igne corripuntur, flammamque in tecta deferunt. Peculiaris fumarioium cura; neque sat est, ea esse e lateribus structa: verum etiam

a fuligine purgari oportet. Vigiles nocturni ruri utilissimi; cum enim laboribus diurnis exhausti somno graviore obruantur coloni: difficile est, ab iisdem eam exigere vigilantiam, quam impendentia pericula exposcunt. Neque minor est ruri, quam in urbibus instrumentorum incendiariorum necessitas; nam miserae adiculae rusticae flammæ minus resistunt. Subit quidem in mentem, majoribus impendiis comparari Siphones, quam ferendis sint rustici; verum scio quoque Politiam de mediis esse sollicitam, indicat necessitate. Qvis enim non videt, summam mereri rusticolas attentionem? posteaquam notum est, tum felicem esse Rempublicam, cum floret æconomia. Notiora ista sunt, quam ut commemoratione egeant; neque instrumenta ab enumeratis §. 108. differunt. Id præterire nequeo, diligentem fontium ac lacuum curam habendam; propterea veris & autumnii temporibus tollenda inde terralutosa, ne unquam aqua deficiat. Sed præcipuum ruri, adversus erumpentem flammam velox auxilium; quare ad statuendum ordinem transeundum. Ut nulla in auxiliando sit mora, necesse est, quemvis præmonitum esse, quid eum agere, atque quo loco comparere oporteat imminente incendio. In hunc finem binis fortassis in anno vicibus exercere convenit rusticos, instructione data cuivis, atque etiam publice affixa. Quapropter cognitis perspectisque pagi locis auxilio opportunissimis, in omnibus plateis instructio affigitur, hoc forte modo descripta: „Æde a dexteris plateæ *A* incensa: Siphon incendiarius No. I. coram æde constituitur, altero No. II. ad partem posticam disposito.

Pro Siphone No. I. series hominum se excipit versus fontem *B*, iterum versus rivum *C*, iterum versus fontem *D* &c. qui haustam fistulis aquam excipiunt, ne unquam in Siphonē deficiat. Propterea quoque vas incendiarium No. 1. ad fontem *B*, alterum No. 2. ad fontem *D* adducendum &c. Siphon incendiarius alter ad partem ædis posticam adducitur per hortum *N. N.* aut plateam *E*, pro quo series hominum consistit versus fontem *F*, altera versus fontem *G*, huc etiam vasis No. *n.* & *n.* adducendis. Sic porro quoque de reliquis pagi plateis. „ Ne auxiliantium sit forte defectus, tres quatuorve pagi sibi vicini lege stringuntur ad mutuum auxilium ferendum; reliquas dispositiones rursus cum urbe habet communes. (*d*)


(*d*) Krünitz *Ökonom. Encyclop.* XIII. Th. S. 19-230.





SECTIO TERTIA.

DE SUMTUUM CALCULO.



CAPUT PRIMUM.

DE ÆSTIMATIONE ÆDIFICII, ET CONTRACTIBUS.

§. 113.

QUID ÆDIFICII ÆSTIMATIO? **P**OST firmitatis & adplicationis leges ex Recentiorum placitis breviter allegatas, ad ipsam fabricæ executionem transeundum. Providendum propterea, quæ in dimensione ædificii curanda, quid in sumtuum æstimatione, designatione fundamentorum in solo, & reliquo ad fabricæ consummationem adparatu observandum sit. Idcirco ne minima pars prætereat fundatorem, ut tum singularum mercium & laborum pretia in indices generales referri, tum etiam rationes sumtuum pro quavis determinata fabrica requistorum juxta eos indices collectæ confici possint; atque ista ædificii æstimatio. Innotescit hinc Fundatori, an sumtibus sit faciendis, quin ære alieno gravetur: deinde num fructus sumtibus superiores. Inanes quidam opinantur ædificiorum æstimationes: quoniam erectæ fabricæ sumtus impenfi ad calculum prius vocatos

communiter parte dimidia excedunt ; id fieri posse, negare non ausim: procul tamen, ut mala exempla præviæ de erigendo ædificio æstimationis utilitatem infringant, ut potius nostram solertiam provocent, nosque in rebus curandis alacres, attentosque velint. Quæ causæ sint æstimationis fallentis, detegam: nunc cura transeunte ad conficiendas rationes.

§. 114.

QUID AD FINIS erigendæ Fabricæ, atque inde re-
CONFICIEN-
DAS SUM- deuntia commoda, prima sunt rationum nor-
TUUM RA- ma: deinde marsupium; nam nosse oportet,
TIONES RE-
QUIRITUR? unde postremus claviculus. Deficiente nervo argenteo, dum fabrica versatur adhuc sub opificum manibus, res magni discriminis est; aut necesse est debitis gravari, nulla quandoque spe expungendis: aut placet neglectis ædificii capitibus partes contrahere, & propterea consummatur opus imperite artificio corruptum. Non prætereunda quoque foundationis conditio, quæ sicut variare potest: ita variantis calculi est ipsa fundamentum; quare solum, cui ædificium imponitur, in examen vocandum. Neque satis est, constituissè numerum partium; nam harum quoque speciem mercium & laborum pretia postulant. Ad conficiendas sumtuum rationes plurimum confert calculus geometricus partium aliquotarum, cujus ope tum dimensionum operum, tum ipsa diversa pretiorum collatio multo commodius, quam quavis alia praxi absolvuntur. In hunc finem & typos primarios & alios secundarios præ manibus esse convenit, qui præter scalam adscriptas

quoque singulas mensuras contineant. Facile hinc patet, id non Opificis, sed Architecti esse negotium.

§. IIJ.

CAUSE ESTIMATIONIS FALLENTIS. *ÆSTIMATIO* si fallat, tria potissimum in causa; qui eam perfecit: casus fortuiti: ad totius fabricæ executionem adparatus procuratio. Perficientium est differentia; nam alii arithmeticas leges præmature deferentes, aut in inquirendo rerum pretio ignavi fallunt ignorantia artis, aut solertiæ fraude. Isti Artis Magistris oneri sunt; detracta enim eorum æstimationibus inscitia larva frequenter non tam tuti delitescunt, quam etiam contra artis peritos cum Publici & privatorum detrimento triumphant. Evenire deinde potest, ut quidam auri sacra fame correpti ingenuis architectis lucrum præripere conentur: propterea sub ratione minorum sumtuum fundatori blandientur, ne ab ædificando animum avocet; norunt enim prælato *A* fore, ut dicat & *B*. Sunt vero etiam casus fortuiti, qui & scientiam, & hominis cor rectum eludunt. Quoties non evenit, ut latitantes lapides, & trunci arboris foundationis laborem remorentur? frequenter inopinæ prorumpunt aquæ, quas instrumentis hydraulicis haurire necesse est, aut struendis derivare canalibus. Qvis prædicere poterit numerum palorum, dum incutiuntur, pereuntium? aut clavorum, quos materiæ infirmitas labori ineptos reddit, aut ignota furripit manus? Qvis cohibebit pluvias viarum destrudrices, ac propterea vecturarum pretium augentes? Neque tam æqvabilem operariorum, velut penduli motum

sperare fas est. Accedat præterea antiquæ structuræ demolitio; licet multa inde usui futura sint: supputari tamen non potest numerus. Idcirco sexta aut certe decima pars sumtuum totius fabricæ pro accessoriis resolvitur, summa, si nihil similibus eveniat, fundatori restituenda. Denique ad totius fabricæ executionem necessaria aut alieni, aut proprii apparatus procuratio. Impensas in alienum apparatus faciendas numerus dierum determinat, aut contractus generalis; proprii apparatus comparatio partes singulas respicit, quæ huc fere reducuntur: I°. Receptacula & ligones ad restitvendam calcem, & subigendam. II°. Situlæ pro aqua haurienda, & cupæ pro mortario. III°. Trahæ ligneæ adducendis lapidibus idoneæ. Plaustra majora, & cista pro materiis. IV°. Scalæ, funes, trochleæ ad materias in altum educendas: non minus vestes ferrei, grus arrestaria, & catenæ. V°. Si ædificium instruaturn fornicibus, necessarij quoque arcus lignei, utpote fornicum exemplaria. VI°. pro pegmate, traves, fulcra, transstra, asseres; neque omittenda scala subdialis sursum deducens, quam commodam esse oportet.

§. II 6.

DE NATURA
CONTRACTU-
TUUM.

CONTRACTUS, quo Architecti aut Opifices totius fabricæ constructionem pro determinata pecuniæ summa in se recipiunt, natura hæc est, ut non violetur pretij æqvitas, materiæ comparentur idoneæ, & quævis expressa conditio adimpleatur. Duplex contractus species; aut generalis est, aut partialis. Generalis operis redemptorem supponit, quem

Architectum esse oportet. Hujus munus est, redemptam molem, atque typis expressam ad mentem fundatoris excitare; idcirco ad eundem devolvitur materiarum & laborum cura. In contractu, quem scriptum esse oportet, exprimitur præstita a redemptore cautio: quoniam suo periculo ædificat; propterea nominandi quoque, qui in casu decedentis e vita Redemptoris de operis consummatione cavent. Non minus exprimenda pactitia summa; atque modus eam pendendi: fortassis ut tertia summæ pars comparandis materiis, altera opere media sui parte perfecto, ultima demum tertia mole erecta solvatur. Ut Redemptor stet conventis, figenda est materiarum, operum, artefactorum conditio, retento quoque jure, ut fabricæ surgentis partes quocumque tempore inspicì possint. Neque prætermittendum tempus, quod operi perficiendo statuitur. Partialis contractus fit deficiente operis redemptore, & tum cura inter plures distributa. Quapropter initur contractus de materiarum procuratione, quarum non solum conditio, sed etiam numerus, & dimensiones determinantur. Figuntur quoque vecturarum pretia, singulis conditionibus expressis. Cum Opificum Magistris de modo pendendæ mercedis agitur, manente penes fundatorem operis directione.

§. 117.

AN EXPEDIT
INIRE CON-
TRACTUS? MULTI reperto generali operis Redemptore sibi plaudunt; nescio, an non suo damno. Nam quod contractui generali patrocinari posset, foret velocior operis consummatio; sed subit in mentem perfunctorius propterea labor, & quæ raptim

fiunt, male fieri. Erroneum quoque est, putare, minoribus sumtibus ope contractus obtineri structuram; hos enim æstimatio prævia figit. Quare lucrum, quod Redemptori ex materiarum procuratione, aut commodo cum opificibus contractu redit, redire quoque potest fundatori suis rebus invigilanti; propterea hoc neglecto non parcitur sumtibus, sed redimitur fundatoris defidia. Redemptorem lucrari certum est; cur enim ædificium alterius suo periculo redimeret? Sæpe fit etiam, ut Redemptor rerum procuraciones aliis cedat, qui utique penso pretio periculum non redimerent, nisi & illi lucrum quoque sperarent. Taceo donum, quod perfecto opere Redemptori promittitur. Certe melius rebus suis consulit Fundator, qui per semet ipsum fabricam dirigit. Curandum vero de Opificum delectu, quorum notus est in agendo ingenuus candor, & artis peritia. Cum his partialem inire contractum de labore præstando noxium esse non potest, præsertim conductis quibusdam, qui laborantibus invigilent. Utilissimi propterea decuriones militares; nam horum fides & dexteritas omnino probata. Ipse lubens spectavi Viennæ horum hominum præclaram vigilantiam, atque in dirigendo dexteritatem: promptissimi semper ad labores erant operæ, atque vasta moles breve intra tempus perfecta funditus surrexit. Conductum quoque esse oportet Architectum, qui surgens opus cum typis conferat, atque expensas, ne die quidem intermissa, in calculum revocet: hujus etiam standum consilio; quoniam res in ædificando plena periculi, si fundator in diversa opificum consilia abeat.

CAPUT SECUNDUM.

DE CALCULO GEOMETRICO PARTIUM
ALIQUOTARUM.

§. 118.

TYPI architectonici partes ædificii sub
diversis figuris exhibent, quarum superfi-
cies & soliditates eruendæ. Hæ ad mensuras
adplicantur, ut materiarum quantitas possit calculari.
Mensuræ ordinariæ sunt civilis, & geometrica pertica,
quibus Architecti substituunt hexapedam, seu lineam
in longum porrectam, atque sex pedes civiles conti-
nentem. Quare hexapeda quadrata triginta sex pedes
quadratos civiles complectitur. Verum Architecti per
hexapedas superficies dimetientes non quarunt pedes
quadratos civiles, sed dividunt hexapedam quadratam
in sex partes æquales adeo, ut ejusmodi sexta pars sit
pes hexapedæ quadratæ, qui ipse sex pedibus quadratis
civilibus constat. Pars enim aliquota assumitur instar
rectanguli, cujus basis sit dimensio ipsius partis ali-
quotæ, longitudo vero sit hexapeda; idcirco pes he-
xapedæ quadratæ est rectangulum unam hexapedam
longum & pedem unum latum: ita digitus hexapedæ
quadratæ est rectangulum unam hexapedam longum &
digitum unum latum: linea quoque rectangulum hexa-
pedam longum, & unam lineam latum: punctum
etiam rectangulum hexapedam longum, & punctum
unum latum &c. Quapropter duodecim rectangula,

quorum quodvis punctum unum latum est, & hexapedam longum, constituunt lineam hexapedæ quadratæ, & sic porro de reliquis.

§. 119.

MODUS CALCULANDI. IN calculis consuetis ad minimam speciem reductio, & rursus ad integra restitutio non levem pariunt difficultatem; ne & hic in eandem incidamus molestiam, eum assumo operandi modum, qui omnibus exemplis communis esse potest. Duplex in operando occurrit casus; I°. dari possunt duo factores, quorum alter meras complectatur hexapedas: alter vero præter hexapedas partes quoque aliquotas. II°. Uterque factor habere potest & hexapedas, & partes aliquotas. Rursus in primo casu differentia etiam; quoniam factores vel numeri simplices, vel sunt compositi; idcirco ne absque necessitate modus operandi extendatur, exemplum resolvendo primo casui, utut spectetur, valebit. Quare

Longit. = $12^{\circ}. 2'. 4''$ sit longitudo mensu-

Latitud. = $10. 0. 0.$ rata utpote factor unus

Long. \times Latit. = $120^{\circ}. 20'. 40''$ æqualis 12 hexapedis,

Reduct. = $123^{\circ}. 5'. 4''$ 2 pedibus, & 4 digitis: factor alter æqualis 10 hexapedis; ad obtinendam superficiem & hexapedæ, & singulæ partes aliquotæ multiplicandi ducuntur in hexapedas multiplicatoris, resultabitque factum æquale 120 hexapedis quadratis, 20 pedibus hexapedæ quadratæ, & quadraginta digitis idmodi hexapedæ. Quoniam vero 12 tales digiti pedem hexapedæ quadratæ constituunt, sunt relicto

residuo 4 digitorum tres pedes ad 20 transferendi, adeo, ut evadant pedes 23; horum autem 6 constituunt hexapedam quadratam; quare relictis 5 pedibus residuis erunt facta reductione 123 hexapedæ, 5 pedes & 4 digiti hexapedæ quadratæ. Quodsi luberet cuncta reducere ad pedes quadratos civiles, patet 123 hexapedas per 36, & 5 pedes per 6 multiplicari oportere, obtinerique 4458 pedes quadratos civiles. Porro cum digiti in longitudine hexapedæ sint 72, dabunt 4 digiti hexapedæ quadratæ digitos quadratos civiles 288 seu duos pedes quadratos civiles; idcirco factum totale æqvatur 4460 pedibus quadratis civilibus. Pretium itaque pro pede quadrato pendendum ductum in numerum pedum quadratorum civilium exhibet sumtuum summam.

§. 120.

CASUS II. OCCURRENTIBUS in utroque factore tam hexapedis, quam harum partibus sequens est modus

Long. = 2°. 4. 6". operandi: primum

Latid. = 4. 2. 3. omnia membra

8. 16. 24. multiplicandi du-

o. 5. 6. cuntur in 4 hexa-

o. o. 8. 3. pedas multiplicato-

Long. × Lat. = 8°. 21'. 38". 3"". ris, reditque fac-

Reduct. = 12°. 0'. 2". 3"". tum æqvale 8 hexapedis quadratis, 16 pedibus hexapedæ quadratæ, & 24 digitis. Porro sequitur secunda multiplicationis nota, patetque ducto in hanc integro multiplicando productum iusto majus futurum; quare quæsitæ proportionem,

quam dicunt 2 pedes ad unam hexapedam, reperio, hos ad istam esse, ut $\frac{1}{3} : 1$. quoniam vero multiplicandus ductus in hexapedam sive 1° daret factum $= 2^{\circ}. 4'. 6''$, hujus pars tertia accepta respondebit producto e duobus multiplicatoris pedibus ductis in multiplicandum enato. Nam facta se habent, ut factores : sed 2 pedes se habent ad sex pedes seu unam hexapedam ut $\frac{1}{3} : 1$; ergo etiam factum e duobus pedibus, ad factum ex sex enatum se debet habere ut $\frac{1}{3} : 1$. Quapropter dividendæ sunt duæ hexapedæ per 3, cumque reperiam 3 in 2° contineri nullies, descripto infra hexapedarum columnam zero redigo 2 hexapedas in pedes, atque rursum 12 pedes + 4 seu 16 divido per 3, reperioque quotientem 5 infra pedes scribendum cum residuo unius pedis; hunc propterea redigo in 12 digitos, atque propositis 6 addo, ut habeam 18, in quibus 3 accurate sexies continentur; hinc infra digitorum columnam deposito quotiente 6 resultat parziale factum ex 2 pedibus $= 0^{\circ}. 5'. 6''$. Idem quoque agendum est cum tertia multiplicatoris nota seu tribus digitis; cum enim 3 digiti se habeant ad duos pedes, ut $\frac{1}{3} : 1$, accepta de facto partiali 2 pedum parte octava obtinetur factum respondens 3 digitis ductis in totum multiplicandum seu $0^{\circ}. 0'. 8''. 3'''$, id est nulla hexapeda quadrata, neque pes, sed 8'' digiti & tres lineæ hexapedæ quadratæ. Coactis itaque in summam factis partialibus habentur $8^{\circ}. 21'. 38''. 3'''$. quæis reductis ut in superiore exemplo, fiunt $12^{\circ}. 0'. 2''. 3'''$. suntque in dimensione civili 433 pedes quadrati & 18 digiti quadrati. Quod si nota in multiplicatione intermedia defi-

ciat, ad eruendam proportionem unitas substituitur, factique inde enascentis numeri notantur lineolis indicantibus, per falsam suppositionem productos computari non debere. v. g.

$$\text{Longit.} = 2^{\circ} \quad 4' \quad 6''.$$

$$\text{Latitud.} = 4. \quad 0. \quad 3.$$

$$8. \quad 16. \quad 24.$$

$$0. \quad 0. \quad 9.$$

$$0. \quad 0. \quad 8. \quad 3.$$

$$\text{Long.} \times \text{Latid.} = 8^{\circ} \quad 16'. \quad 32'' \quad 3'''.$$

$$\text{Reduct.} = 11^{\circ} \quad 0'. \quad 8'' \quad 3'''.$$

Exercitii gratia plura subijcio exempla:

$$1. \text{Lon.} = 10^{\circ}.4'.8''. \quad 2. \text{Lon.} = 26^{\circ}.3'.0''. \quad 3. \text{Lon.} = 5^{\circ}.4'.8''.$$

$$\text{Lat.} = 5.0.0. \quad \text{Lat.} = 0.3.0. \quad \text{Lat.} = 2.3.2.$$

$$\text{Lo} \times \text{La} = 53^{\circ}.5'.4''. \quad \text{Lo} \times \text{La} = 13^{\circ}.1'.6''. \quad \text{Lo} \times \text{La} = 14^{\circ}.3'.7''.6'''.$$

§. 121.

VERITAS
OPERATIO-
NIS.

Hæc ut rite intelligantur, imaginemur nobis hexapedam ab , seu lineam in sex TAB. XI. partes æquales divisam, atque omni latitudine destitu-Fig. 70. tam; translata ad lineam ab in puncto b erigatur ejusdem dimensionis perpendicularis bc , quæ sibi parallela TAB. XI. percurrat ba : describetur superficies $abcd$ constans 36 quadratulis æqualibus inter se, quæ pedes quadrati civiles dicuntur; idcirco hexapeda quadrata continet 36 pedes quadratos civiles. Porro $bx = br$

seu = sextæ parti $a b$ moveatur sibi parallele usque in $e m$, describetur rectangulum $b x m c$ complectens 6 quadratula inter se æqualia; quia vero $b c = a b$ & $b x = b r$, manifestum est, 6 ejusmodi rectangula constituere hexapedam quadratam. Denique $x y$, quæ fit duodecima pars de $b x$, parallele mota usque in m , enascetur rectangulum $x y z m$, quod est duodecima pars de rectangulo $b x m c$; nam stante utriusque rectanguli eadem altitudine se habent ut bases; quare & quadratum, & rectangula non nisi basi differunt. Idem quoque de minoribus partibus aliquotis. Quando itaque pedes, digiti &c. multiplicantur per hexapedas, aut vicissim, productum est semper rectangulum, cujus latus numerum hexapedarum multiplicantium complectens est factor unus, factor alter est latus baseos dimensionem multiplicandam exprimens; cum vero latera inter se multiplicari possint: in aperto quoque est pedes &c. recte per hexapedas multiplicari, ac propterea $x y z m$ constituere rectangulum $b x m c$ seu pedem hexapedæ quadratæ, ut 6 $b x m c$ dant hexapedam quadratam. Hinc facile patet pedem hexapedæ quadratæ continere 6 pedes quadratos civiles: digitum hexapedæ quadratæ complecti 72 digitos quadratos civiles: lineam hexapedæ quadratæ habere 6 digitos quadratos civiles: punctum hexapedæ quadratæ ævari 72 lineis quadratis civilibus; denique puncto secundo hexapedæ quadratæ respondere 6 lineas quadratas civiles.

TAB. VI. Sit propterea longitudo complectens 4 hexapedas, 5
Fig. 72. pedes, 6 digitos; Latitudo = uni hexapedæ, facta
dimensionum multiplicatione obtinetur superficies 4
hexapedarum

hexapedarum quadratarum, 5 pedum hexapedæ quadratæ, & 6 digitorum hexapedæ quadratæ, seu 177 pedum quadratorum civilium, ut figuram inspicienti patet. Ita quoque linea $AC = 3^{\circ}. 4'. 6''$. ducta in lineam $AB = 2^{\circ}. 2'. 2''$. dat superficiem æqualem $8^{\circ}. 5'. 1''. 6'''$. seu = 318 pedibus quadratis civilibus & 108 digitis quadratis civilibus. TAB. XI. Fig. 73.

§. 122.

CALCULUS SOLIDORUM. JAM de solidorum calculo, qui a superiore parum differt; quoniam duarum dimensionum factum per tertiam dimensionem multiplicatur. idcirco primum reperitur superficies, quæ deinde ducta in tertiam dimensionem dat cubum. Modus operandi cum quadratico prorsus idem est; ad evitandam tamen confusionem & seorsim scribuntur factores, & seorsim instituitur operatio. En exempla:

1. Long. = $2^{\circ}. 0'. 0''$.	$2^{\circ}. 0'. 0''$.
Latit. = $2. 2. 3$.	$2. 2. 3$.
Altit. = $0. 0. 6$.	$\hline 4. 0. 0.$ $0. 4. 0.$ $0. 0. 6.$ \hline
	\hline Lon. \times Lat. = $4^{\circ}. 4'. 6''$. $0. 0. 6.$ \hline
	\hline Lon. \times Lat. \times Alt. = $0^{\circ}. 2'. 4''. 6'''$. \hline

2. Long. =	10°. 5'. 0".	10°. 5'. 0".
Latit. =	2. 3. 2.	2. 3. 2.
Altit. =	8. 4. 0.	itaqve
		<hr/>
		27°. 2'. 3". 8"" = superf.
		8. 4. 0.
		<hr/>
		237°. 1. 11'. 9". 4"" = soli.

3. Long. =	4°. 5'. 2". 0"".	4°. 5'. 2". 0"".
Latit. =	4. 4. 1. 6.	4. 4. 1. 6.
Altit. =	0. 0. 6. 0.	itaqve
		<hr/>
		22°. 4'. 8". 7"" 6"" = superfic.
		0. 0. 6. 0.
		<hr/>
		1°. 5'. 4". 8"" 7"" 6"" = solid.

§. 123.

VERITAS
OPERATIO-
NIS.

CUM cubus enascatur multiplicatione trium dimensionum inter se æqualium, patet hexapæda quadrata *AHDE* ducta in hexapedam currentem *AM*, obtineri hexapedam cubicam *AMCHDEB*,
 TAB. XI. Fig. 74. quæ propterea complectitur 216 *AFrstux* seu pedes cubicos civiles. Qvod si deinde superficiem *AHDE* ducam in altitudinem *AF*, in aperto est, enasci parallelepipedum *AFIHDEG*, quod 36 *AFrstux* complectitur, estque pars sexta totius hexapædæ cubicæ. Denique manifestum quoque fit superficie *AHDE* multiplicata per lineam *Ao* haberi parallelepipedum *AocHDEq*, ac propterea tria hæc corpora eandem superficiem pro basi habentia non nisi altitudine differre. Qvare evidens est, a sex parallelepipedis

AFIHDEG constitui hexapedam cubicam, ac proinde unum tale esse ejusdem pedem, ut 12 *AocHDEq* pedem constituunt, quorum unum est digitus hexapedæ cubicæ &c. Nec minus patet hexapedas quadratas recte multiplicari per pedes &c. aut vicissim. Pro reductione ad pedes & digitos cubicos civiles notandum, in 1 hexapeda cubica contineri pedes cubicos civiles 216, in pede hexapedæ cubicæ pedes cubicos civiles 36, in digito hexapedæ cubicæ pedes cubicos civiles 3, in linea hexapedæ cubicæ digitos cubicos civiles 432, in puncto hexapedæ cubicæ digitos cubicos civiles 36, in puncto secundo hexapedæ cubicæ digitos cubicos civiles 3. Quare exemplum §. 122. propositum: 1°. 5'. 4". 8''' . 7''' . 6''' . æquatur 410. pedibus & 270 digitis cubicis civilibus.

CAPUT TERTIUM.

DE DIMENSIONE PARTIUM ÆDIFICII.

§. 124.

QUID IN DIMENSIONE ÆDIFICII QUÆVIS PARTES VOCANDUM? **I**n dimensione ædificii quævis partes vocantur in calculum; necessaria propterea Ich-nographia, Orthographia, & Intersectio. Considerandæ quoque sunt partium quarumvis figuræ, ut fabricæ totius dimensio ex stereometria legibus recte expediat; quare calculi geometrici notitia necessaria. Ad imminuendum laborem ædificium in tres partes præci-

puas, videlicet in fundamentum, muros e terra educ-
tos, & tectum dividere convenit, quarum partes seor-
sum calculo geometrico determinantur. Qvare

§. 125.

IN FUNDA-
MENTO.
1. TERRÆ
EFFOSSIO.

PRIMA occurrit pro fundatione terræ
effossio, cujus dimensiones typi exhibent.
Canales, quibus substructionis imponuntur
muri, sunt parallelepipeda; singulorum idcirco ope
calculi geometrici seruta soliditates addantur, ut obti-
neatur summa. Effoditur quoque terra pro cellario;
hujus propterea figuræ datis dimensionibus determi-
natur capacitas.

§. 126.

2. IMPALA-
TIO.

QVONIAM impalatio & substratio crati-
culæ non semper recurrunt: jure ad extra-
ordinarias expensas referri possunt. Ne vero, quid
emergenti casu agendum sit, silentio prætereamus, in
genere dicendum aliquid. Rursum scilicet stereometriæ
leges in auxilium vocandæ; nam mediante calculo
totius spatii eruitur superficies, quæ ducta in altitu-
dinem dat soliditatem. Figuram & dimensiones typi
præbent.

§. 127.

3. SUBSTRUC-
TIONIS MURI.

FACTA fundatione ponuntur muri, quo-
rum quatuor potissimum species; ita quo-
que qui e terra educuntur. Qvare quovis ædificii
muros huc revocare necesse est. Murus rectus per

totam longitudinem eandem habet latitudinem; ducto itaque utriusque dimensionis factio in altitudinem obtinetur soliditas. Propterea superficies ichnographica ædificii in varia dividitur parallelogramma, quorum singulorum erutas superficies in summam colligere convenit; nam ductæ in communem altitudinem determinant soliditatem muri in toto ædificio recti.

§. 128.

4. MURUS **MURI** utrinque acclivis, aut fossæ sectio
UTRINQUE
ACCLIVIS. transversa est trapezii figura, cujus area respondet factio ex semisumma basium in perpendicularum; hac itaque ducta in muri, aut fossæ longitudinem habetur soliditas. Hinc quoque murus ad angulos reflexus facile supputatur: quoniam resolvi potest in figuras, quarum sectio est trapezium.

§. 129.

5. MURUS GRADATIM CONTRACTUS. Non solum in substructionibus, verum etiam e terra educus murus gradatim in contignationes assurgere potest. Propterea nova occurrente contractione, novus murus incipit adeo, ut numerus murorum fit in ratione numeri contractionum. Quia vero ejusmodi muri sunt recti, eadem est calculandæ soliditatis methodus, quam §. 127. docet. Id unum observandum, ut singulorum eruantur soliditates in summam cogendæ; nam crescente in contignationes ædificio, decrescunt murorum & bases & altitudines.

§. 130.

6. MURUS PARTIM RECTUS PARTIM ACCLIVIS. MURUS partim rectus, partim acclivis in erismatibus potissimum occurrit; is in rectum & acclivem resolvitur. Acclivis

prisma triangulare truncatum refert, cujus soliditas obtinetur, plano triangulari in tertiam partem laterum omnium ducto; quare Prismatis exhibiti laterum hi , Fig. 75. $a A$, $o B$ tertia parte ducta in triangulum $AB h$ obtinetur soliditas, quæ addenda est soliditati muri recti, qui parallelepipedum repræsentat. In prismatibus regularibus determinari soliditatem, ducta laterum tertia parte in basim triangularem, ex elementari geometria suppono. Ne res in irregularibus difficultatem patiatur, paucis in memoriam revoco: fit enim prisma truncatum irregulare, cujus latus $EB = CD$, sed

TAB. XI. Fig. 76. AH majus. Fiat $AF = EB$, ductisque lineis DF & EF erit prisma regulare $CDEFAB =$

$$\triangle ABC \times \frac{AF + BE + CD}{3} \quad \text{Solidum } DEFH \text{ est}$$

pyramis, cujus altitudo FH , adeoque soliditas æquatur $DEF \times \frac{FH}{3}$, potestque loco DEF substitui ABC ; id-

$$\text{circo totum prisma} = \frac{AF + BE + CD + FH}{3} \times ABC.$$

quoniam $AF + FH = AH$, erit soliditas = $\frac{AH + BE + CD}{3} \times ABC$, ac propterea de

omni prismate truncato idem dicendum.

§. 131.

7. **FORNICES.** CELLA vinaria potissimum fornice instruitur, cujus pilæ utrinque sunt erismata prismatum figuram referentia. Fornix aut segmentum circuli est, aut curvæ alterius. Figurarum dimensiones e typis desumere necesse est, ut cujusvis reperiat soliditas. Idem quoque intelligendum de reliquis fornicibus, qui in ædificio eriguntur.

§. 132.

8. **SCALE.** SCALE aut in cellas vinarias deducunt, aut in superiores contignationes præbent ascensum; in his quatuor observanda. 1°. Murus, supra quem gradus quiescunt, propterea in tot parallelepipedâ divisus, quot gradus sunt; quare e datis juxta delineationes dimensionibus graduum & areolarum eruitur totius muri soliditas. 2°. Sunt ipsi gradus, quorum materia aut lignum aut lapides sunt; cognitis itaque unius gradus dimensionibus, & graduum numero facile innotescit soliditas. 3°. Sunt quoque parietes e latere utrinque gradus sustentantes; horum figura parallelepipedum est, aut prisma, cujus basis triangularis. 4°. Muri cancellati dimensiones e typis patrescunt.

§ 133.

SECUNDA **PARIETES** e terra educti figura variant; **ÆDIFICII** dimensiones typi exhibent. Assurgente in **PARS.**
 1. **MURI** contignationes ædificio singulæ partes seorsim **EDUCTI.** vocantur in calculum; quoniam pro contigna-

tionum numero murorum variat & altitudo & latitudo. A soliditate omnium subtrahitur portarum soliditas; hæ parallelepipeda sunt. Tollenda quoque fenestrarum soliditas, quam hoc modo reperimus. Cum fenestra contractionem habeat, refert prisma quadrangulare: præterea est prisma loricæ solidæ; idcirco soliditas totius fenestræ minus soliditate loricæ ducta in numerum fenestrarum contignationis subtrahenda est a soliditate murorum ejusdem contignationis; dabit residuum murorum hujus contignationis veram soliditatem.

§. 134.

2. FOCI. Quam focus coquinæ figuram referat, e delineationibus patet, quæ quoque dimensiones oggerunt. Foco vero ad pinſendum occurrente, totius corporis calculatur soliditas, a qua spatium cavum elipticum demitur. Pro invenienda amplitudine cavitatis elipticæ *Mallet* datas binas ellipseos diametros inter se multiplicat inferens: 11 : 14 sicut e diametrorum multiplicatione enatum productum ad terminum quartum, quem in $\frac{3}{4}$ altitudinis foci ducit. Ceterum constructionem foci abunde determinare possunt, quæ de furno pistrinæ dicebantur.

§. 135.

3. FUMARIA ET SPIRACULA. QVONIAM fumaria, quæ e lateribus structa esse convenit, sequuntur rationem latitudinis tegulæ: non opus est, nisi e typis desumta altitudo redigatur in pedes. In spiraculis vero, &

secretorum canalibus e datis dimensionibus eruitur integra soliditas, a qua cavum tubi spatium subtrahitur. Plura de fumariis capite sequente.

§. 136.

4. PAVIMENTA, LAQUEARIA; ET SUPERFICIES PARIETUM. TABULATA five illa sint, super quibus gradimur, five quæ capiti imminet, singula vocantur ad calculeum, ut habeatur omnium superficies in pedibus quadratis. Non minus necessarium est, nosse parietum superficiem. Ad hoc cujusvis longitudo ducitur in altitudinem, atque facta partialia in summam leguntur; subtrahenda tamen fenestrarum & portarum totalis superficies; nam residuum exhibebit in pedibus quadratis spatium inalbumandum.

§. 137.

TERTIA ÆDIFICII PARS. I. TRABES, BASES, ET CATENÆ. TERTIA ædificii pars tectum est, quod e tabulato, & lignorum compaginatione constat. Tabulatum plerumque parallelogrammum est, cujus proinde reperienda superficies. In compaginatione occurrit externa tecti superficies, quæ diversis materiis vestitur; hujus dimensiones e typis petuntur. Est deinde lignorum coassatio, quorum non tam soliditas calculanda, quam notanda longitudo, quæ in summam collecta ad pedes redigitur. Quare quoad trabes, bases, & catenas structurarum considerantur longitudines, juxta quas in ædificio decurrunt, typis utique in pedibus dimensionibus dantibus.

§. 138.

2. TIGNA. E MAJORIBUS ad ædificium requisitis lignis tigna sunt; hæc tabulato cujusvis contignationis necessaria. E typis innotescit tam tignorum numerus, quam longitudo; quare nulla erit difficultas eruendi numerum pedum, quos summa tignorum complectitur.

§. 139.

3. CANTHERII ET AMBRICES. CANTHERII latitudine testæ respondent; numerus eorum duplus est de numero tignorum tabulati; idcirco Cantherii unius longitudo ducta in numerum omnium reliquorum dat summam pedum. Quoniam deinde ambricum numerus est in ratione Cantheriorum: is ducendus est in Longitudinem ambricis unius, ut habeantur pedes; longitudo e typis desumitur.

§. 140.

4. TRANSTRA, CRURA, ET FIBÆ. TRANSTRA sunt illa ligna, quæ in media fere testæ altitudine cantherios connectunt: tales quoque sunt fibæ altius horizontaliter posite; crura denique sustentant transtra. Horum omnium longitudines a typis repetere necesse est; & quia notum est §. 41. sect. I. hæc ligna in tertio quovis cantherio recurrere: artis profectio magnæ non erit, summam pedum determinandi.

§. 141.

5. VINCULA. VINCULA ligna minora sunt. Quæ transtra cum ciuribus connectunt, trium pedum longitu-

dinem postulant ; reliqua variante testi compage variant. Necessarium propterea, ut dimensiones, quas typi exhibent, ducantur in numerum cujusvis speciei, atque resultantia facta partialia in summam cogantur, ut habeantur pedes.

CAPUT QVARTUM.

DE DETERMINANDA QVANTITATE MATERIARUM ET SUMTUUM.

§. 142.

LIGNA. **I**NNOTUIT quidem methodus pedes ligni ad ædificium requisiti determinandi: sed quos sumtus impendere oporteat, ignoratur. In diversas dividitur lignum classes: variante densitate variat pretium. Idcirco ope calculi eruti pedes lignorum totius ædificii dividuntur in sex partes æquales, e quibus pars una ligno classis primæ: partes tres ligno classis mediocris: duæ reliquæ ligno classis infimæ tribuuntur. Pretio itaque cuius speciei proprio in numerum pedum ducto resultant sumtus in singulas ligni species faciendi, ac propterea collecta facta partialia indicabunt sumtum summam.

§. 143.

ASSERES **ASSERES** densiores scalis utiles. Adhibentur pro trabibus, quibus scalæ gradus utrinque immitti sunt: hos 4. et 5 digitos densos esse

convenit. Ex his quoque formantur gradus & ligna transversa, quæ graduum altitudinem determinant; minor in istis densitas sufficit. Dimensionibus graduum numerum pedum exhibentibus patet erui sumtus, pretio pedi fixo in pedum numerum ducto.

§. 144.

ASSERES ORDINARI. PAVIENDIS cubilibus, aut laquearium tabulatis asseres necessarij, quorum determinanda est superficies. Nam per superficiem asseris divisa tabulatorum superficie innotescit numerus asserum, quem in pretium asseris unius ducere oportet ad eruendam sumtuum summam.

§. 145.

TIGILLA. TIGILLIS affiguntur imbrices, sedecim, aut octodecim pedes longis. Cognita Cantherii longitudo ad digitos redacta per 6. aut 8, utpote tigillorum in tecto distantiam dividitur, dante numerum serierum quotiente. Facta deinde quotientis cum longitudine tecti multiplicatione obtinetur productum, quod bis acceptum determinat numerum pedum tigillorum. Quoniam longitudo tigilli cognita: per eandem numerus pedum dividitur, ut habeatur tigillorum numerus; quare tigilli pretio ducto in numerum tigillorum constabit de pretio omnium.

§. 146.

LAPIDES
SECTI.

Lapides secti superliminaribus, & postibus portarum, fenestrarumque idonei; saepe etiam illorum usus in cymis & scalarum gradibus. Ad determinandum numerum pedum dimensiones partium necessariae; quare typi prae manibus sint. Neque sumtus fixam sequuntur legem; nam variante densitate variat pretium. Præterea artefacta affectionis pretium habent. Quapropter cum lapicida res transigitur, determinandis juxta contractum sumtibus.

§. 147.

LATERES. LATERES muris educendis adhibentur, quorum octo pedem cubicum constituunt; quare pedes cubici murorum in ædificio per 8 multiplicati numerum laterum determinant. 2°. Lateres quoque octo spectata eorundem latitudine fumarium ambiunt; idcirco pro altitudinis pede in fumario 32 requiruntur lateres: pro fumarii duplicis pede 52; idem etiam numerus spiraculis respondet. Ductis propterea altitudinis fumarii pedibus in 32 obtinetur laterum numerus. 3°. Usus etiam laterum in paviendo. Quoniam vero lateres duo pedem quadratum occupant, superficies pavienda in pedibus quadratis expressa per 2 multiplicatur, ut innotescat laterum numerus. In tessera vero, quarum quævis pedem quadratum habet, facilius calculus; nam pedes quadrati superficiei paviendæ numerum tesserarum determinant. Quoniam deinde notum est, quo pretio lateres centum aut mille

emantur : citra difficultatem per regulam auream eruuntur sumtus in calculatos lateres faciendi.

§. 148.

IMBRICES. Ad reperiendum imbricum numerum necessarium est, cantherii longitudinem ad digitos redigere, qui dividuntur per distantiam tigillorum, ut innotescat numerus serierum. Quia vero 2 imbrices pedem explent, oportet numerum serierum per duplam tecti longitudinem multiplicare, quod factum bis acceptum ostendet numerum imbricum pro utraque tecti parte. Imbrices testidudineati 4 requiruntur pro pede in tecti fastigio; quare cognita tecti longitudine habetur & horum numerus. Sumtus rursus determinantur per regulam trium, posteaquam constat, quo pretio centum emantur.

§. 149.

CEMENTA. IN universum de cæmentis dicendum, 32 pedes cubicos requiri pro 20 pedibus cubicis muri; quare instituta proportione: 20 pedes cubici muri requirunt 32 pedes cubicos cæmentorum; quid itaque pedes inventi requirunt, patebit e quarto termino cæmentorum quantitas. Hinc porro innotescunt sumtus cognito pretio, quod pro pede cubico cæmentorum pendendum est.

§. 150.

LAPIDES PRO PAVIENDO. LAPIDUM pro paviendo differentia; nam lateres, cæmenta, tesserae lapideæ, sileses his usibus serviunt. De lateribus §. 147. dictum

est; quare solum de reliquis. Et quidem pertica camentorum sterni possunt 450 pedes quadrati; propterea hoc numero superficies areæ aut stabuli pavienda dividatur; innotescet e quotiente numerus perticarum. Hinc unius perticæ pretium ductum in perticarum numerum determinabit expensas. 2°. Area vestibuli, aut ambitus tessæ lapideis sternitur. Harum varix sunt dimensiones; quapropter cognita unius superficie area ad calculum vocata dividitur, patebitque numerus tessærarum e quotiente resultante. Pro eruendis sumtibus quotiens per pretium unius tessæ multiplicatur. 3°. Ad paviendos 40 pedes quadratos requiruntur 28 pedes cubici filicum minorum; hinc per regulam auream pro quacunque superficie invenitur numerus pedum cubicorum filicum; nec minus sumtus, si hos calculare necesse sit.

§. 151.

GYPSUM. GYPSUM ruderandis cubilium laqueari-
bus, caminis, & spatio, cui pedes fornacum insis-
tunt, necessarium. Neque satis est; nosse ruderandam
superficiem: quoniam densitas quoque exigitur; quare
eruenda soliditas. Sed variat etiam densitas; propterea
pro regula esse potest: 4084 digitis gypsi cubicis
ruerari posse 12 pedes quadratos 2 digitos & dimi-
dium densos; eadem quantitas sufficit 14 pedibus qua-
dratis 2 digitos densis; ita quoque pedibus quadratis
19 sub densitate unius & dimidii digiti, & denique
30 pedibus quadratis, si digitum densi sint. Datis
itaque spatii ruderandi dimensionibus eruitur numerus

digitorum cubicorum gypsi, atque e cognito pedis cubici pretio sumtus innotescunt.

§. 152.

CALX. QUANTITAS calcis variante materia variat. Nam septem pedibus cubicis muri cæmentitii pes cubicus calcis necessarius est, qui novem pedibus cubicis muri lateritii sufficit. His cognitis ex inventa murorum soliditate determinatur calcis quantitas. Sed etiam incrustationis, inalbationis ratio habenda. Et quidem pes cubicus calcis ad incrustandos 45 pedes quadratos requiritur; idem quoque pro superficie 500 pedum quadratorum, si ter inalbare oporteat. Idcirco notis parietum superficiebus patebit, quot opus sit pedibus cubicis calcis, ac propterea statuto pedi cubico calcis pretio ad calculum vocantur sumtus.

§. 153.

ARENA. ARENA miscetur calci, & adhibetur paviendo. In conficiendo mortario 24 pedibus cubicis calcis respondent 32 pedes cubici arenæ; propterea e nota calcis quantitate reperitur necessaria arena. In paviendo differentia: quoniam materiæ pavendo idoneæ variant. Quapropter 60 pedibus quadratis pavimenti cæmentitii dantur 5 pedes cubici arenæ; 120 pedibus quadratis pavimenti lateritii 8 pedes cubici arenæ; si tesserae sint lapideæ, totidem pedibus quadratis 6 pedes cubici arenæ sufficiunt. Postremum 96 pedibus quadratis pavimenti filicibus strati tres pedes cubici & dimidius arenæ. Hinc a superficie pavienda,

&

& materia nota quantitas arenæ innotescit, & ideo quoque sumtus.

§. 154.

LIMUS. LIMUS educendis parietibus; aut muris hortos cingentibus aptus. Parietes aut integri aut cratitii; limi propterea quantitas varians. Nam ab inventa parietis cratitii superficie subtrahendum spatium, quod ligna interjecta occupant, ac præterea densitatis ratio habenda. Ideirco hoc de parietibus cratitiis notandum: 32 pedes cubicos limi respondere 84 pedibus quadratis 6 digitos densis; aut 72 pedibus quadratis, si densitas sit 7 digitorum; aut 63 pedibus quadratis data 8 digitorum densitate. Dum lapides limo coagmentantur, murus aut est cæmentitius, aut lateritius; quare pro 100 pedibus cubicis muri cæmentitii computantur 32 pedes cubici limi: pro mille vero lateribus 52. In incrustatione 48 pedibus quadratis pes cubicus limi sufficit. Inventa itaque soliditate, aut superficie invenitur limi quantitas.

§. 155.

CLAVICULI. CLAVICULORUM multiplex species: majores ambricibus affigendis utiles. Quoniam tot in tecto sunt ambrices, quot cantherii: necesse est numerum cantheriorum multiplicare per quatuor; quia ambricibus singulis 4 clavi necessarii. Sunt deinde tigillorum claviculi, quorum numerus ita reperitur: utpote tigillorum juxta Cantherii longitudinem series multiplicantur per duo; quia duobus clavis tigillum

cantherio affigitur. Productum ducitur in numerum omnium cantheriorum, & habetur claviculorum numerus. In paviendo ad affigendum asserem 16 pedes longum, pedem unum & 4 digitos latum necessarii sunt 12 claviculi; idcirco ex asserum numero innotescit claviculorum numerus. In ruderatione denique 6 claviculi pro pede quadrato computantur; adeoque pedes quadrati multiplicati per 6 dant numerum claviculorum. Quia vero quævis claviculorum species sub fixo numero venditur: necesse est, per eundem numerum erutam claviculorum quantitatem dividere: dabit quotiens ductus in determinatum pretium sumtus.

§. 156.

FILUM FERREUM. AD pedem quadratum rudera-
ndæ superficiei requiruntur 2 pedes e filo ferreo; cum series fili ferrei 6 digitis ab invicem distent. Densitas fili ferrei, quod in hunc usum est, minor non fit, ac ut 24 fila juxta se posita digitum Rhenum æquent. Speciei hujus 222 pedes libram appendunt; tres vero libræ in annulo. Quapropter superficiei rudera-
nda per 2 multiplicanda est, ut habeatur numerus pedum fili ferrei: divisus deinde fili pedibus per 222 indicabit quotiens libras necessarias, quas rursus per 3 dividere oportet, ut annulorum numerus obtineatur. Idcirco annulorum numerus per pretium fixum multiplicatus dabit sumtus impendendos.

§. 157.

LAMINA FERREA. LAMINA ferrea tectis, aut aliis ædificii partibus vestiendis idonea. Venditur in tabulis, quarum 36 sufficiunt 27 pedibus quadratis tegendis; quare pedum quadratorum numerus determinat numerum tabularum, quem in pretium tabulæ fixum ducere oportet ad eruendos sumtus. Potissimum tabulæ in vasis venduntur, suntque 300 in vase, quæ 24 libras appendunt; in hoc casu pretium vasi affixum est.

§. 158.

CUPRUM. CUPRUM tectis vestiendis, aut compluvii utile. Venditur in laminis, quæ parallelogrammum referunt, cujus superficies 29 pedes quadratos tegit. Eruta idcirco tecti superficie determinantur pedes quadrati laminæ cupreæ, qui per 29 divisi numerum dant laminarum. Lamina cuprea 30 libras appendit; quare pretium quoque eruitur. Cuprum, quod compluviis adhibetur, Opifici una cum labore solvitur.

§. 159.

PLUMBUM. Plumbum tectis tegendis inutile esse superius diximus; idcirco ferro cum lapide, cui infunditur liquatum, coagmentando solum idoneum. Propterea ferri ad ædificium necessarii quantitas vocatur ad calculum; nam centenario ferri 36 libræ plumbi respondent. E cognito pretio, quod pro ferri libra dependitur, sumtus omnes patefunt.

§. 160.

ARUNDO. ARUNDO ad suspendenda laquearia aptissima. Manuciolo arundinis decorticatæ 87 pedes quadrati sternuntur; quare obducenda superficies per 87 dividitur, resultabitque quotiens numerum manuciorum indicans, & præterea sumtus.

§. 161.

STRAMEN. STRAMINIS usus in parietibus cratitiis, & tectis, quæ hoc vestiuntur. Stramen admiscetur limo, propterea densitatis parietum habenda ratio. Eruitur deinde soliditas: quoniam 24 pedes cubici postulant straminis manuciolum 24 librarum. In tectis 3 pedes quadrati manuciolum 24 librarum quoque exigunt; idcirco cognita soliditate, aut superficie facile straminis quantitas eruetur, & hinc quoque sumtus.

CAPUT QUINTUM.

DE CONSTITUTIONE PRETII MATERIARUM ET MERCEDIS.

§. 162.

QUID PRETII ET MERCEDIS CONSTITUTIO? CONSTITUTIO pretii & mercedis comprehenditur rerum ad structuram requisitarum æstimationem, figitque mercedem diurnam Opificum, & Vecturarum. Hæc fundatoris norma est,

quam sequi oportet, five vi contractus labor præstetur, five pendantur diurna. Constitutiones pretiorum statuere, privatorum non est, sed conduntur a Commissione ædili, atque accepto Supremi Principis suffragio publicæ fiunt. Constitutiones vero se extendunt ad materiarum, artefactorum, uestionis pretia, & opificum mercedem; quare non solum ad leges politicas, verum etiam æconomicas & architectonicas exactas esse convenit. Hæc quidem aliena sunt a scopo meo: sed tamen connexa; neque nisi obiter notitiam faciam, ostensurus potius, quem inde usum fundatorem facere oporteat.

§. 163.

CONSTITUTIO PRETII MATERIA-
RUM. DICTÆ erant materiarum naturæ, dicendum quoque de pretio, immensa statim difficultate obvia. Nequit profecto idem ubivis locorum rebus figi pretium, copia aut defectu vetante; nam non omnis fert omnia tellus. Constitutio propterea pretii generalis ad plures connexas Provincias rarius extenditur successu felici. Utilissimæ vero particulares constitutiones, quæ unius Provinciæ, aut districtus necessitatibus auxiliantur. Sed quoniam occurrere verisimile est omnium, qui hæc cognoscunt, cogitationi, quonam modo hæc fieri possint; protinus subit dicere: conspirantibus scientiis. Nam districtuum necessitates utiliter conferri non possunt, neglecta rerum naturalium cognitione, aut æconomia; neque prætereunda artium auxilia, & beneficia fluviorum.

Verum hæc aliena sunt negotia; quare hic missa facio, transeunte cura ad fundatorem, ut fixas constitutiones in suam convertat utilitatem. Præprimis propterea necessarium est, ut pretiorum Constitutione duce tabellam construat adjecto pretio, quod rerum dimensionibus, quas stabiles esse oportet, responderet. Ita enim cognito juxta præcedentia rerum numero absque difficultate sumtus faciendos colliget. En tabellam exemplarem, in cujus columnis x , y , z , rerum pretia in moneta vigente exprimere convenit.

<i>LIGNUM DURUM.</i>				
		<i>x.</i>	<i>y.</i>	<i>z</i>
Classis 1 ^a .	}		
— 2 ^a .		pes		
— 3 ^a		
<i>LIGNUM MOLLE.</i>				
Classis 1 ^a .	}		
— 2 ^a .		pes		
— 3 ^a		

ASSERES.

		x.	y.	z.
E ligno duro densioris	} pes			
mediocris				
E ligno molli densioris	} pes			
mediocris				
Tigillum..				

LAPIDES.

Lapidis secti pes	
Cæmentorum hexapeda	
Lateres 1000	
Tessera lateritiæ 1000	
Tessera lapidea.	
Imbrices 100.	
Imbrices testudineati 100	

MORTARIUM.

Modius calcis nondum restinctæ	
Modius gypsi	
Arenæ vehes	
Limi vehes	

ACCESSORIA.

	x.	y.	z.
Claviculi pro tigillis 60			
pro Afferibus 60			
pro tabulato 100			
pro ambricibus 60			
Fili ferrei annulus			
Laminæ ferreæ vas			
Laminæ cupreæ			
Plumbi libra			
Manuciolum arundinis			
Manuciolum straminis			

§. 164.

DE VECTURIS. VECTURÆ, nisi vestigales sint, præstantur a propriis eqvis, aut sunt pretio conductæ. Quæ in genere de pretiis dicta sunt; hic quoque habent locum; differentia tamen pro materialium diversitate. Multis in locis rationem ponderis vehendi pretium sequitur; sed variante distantia variare necesse est; habenda quoque fœni & avenæ ratio. Idcirco ut per Constitutionem figatur pretium vecturarum, cuncta perpendenda sunt, quæ difficultatem pariunt; propterea neque viæ prætereundæ, quæ iniquitate temporis atteruntur. Si itaque per Constitu-

tionem publicam fixum sit pretium : ordine cuncta connotantur, ut in tabellam referri possint. Deficiente Constitutione optime agitur, si per contractum vecturæ præstentur. In hunc finem subjecta tabella serviet:

VECTURÆ.

	x.	y.	z.
Pro pede ligni duri			
Pro pede ligni mollioris			
Pro asseribus e ligno duro 100			
Pro asseribus e ligno molli 100			
Pro scandulis ligneis 100			
Pro tigillis 100			
Pro pede cubico lapidis secti, aut centenario			
Pro cæmentorum hexapeda, aut pertica			
Pro lateribus, imbricibus, tesseris lateritiis 100			
Pro tesseris lapideis 100			
Pro modio calcis			
Pro modio gypsi			
Pro requisita arenæ, aut limi quan- titate			
Pro centenario laminæ ferreæ, cupreæ, plumbi			
Pro manucioło straminis, aut arundinis			
Pro vase aquæ			

§. 165.

QVID OBSER-
VANDUM IN
CONSTITU-
ENDA OPIFI-
CUM ET OPE-
RARUM MER-
CEDE?

MERCES Opificum & bajulorum, tempus, quo laborant, respicit. In quibusdam Provinciis annus in tria dividitur tempora, utpote in dies longiores, mediocres, & brevissimos. Communiter consideratur tempus æstivum, & hybernium adeo, ut longioribus diebus crescat merces, decrescens deinde hybernis diebus. Utriusque temporis fixa esse oportet initia, & merces utrique respondens. Quoniam plures necessitates urbicolis: facile patet mercedis esse differentiam; quare opificibus ruri degentibus minor merces penditur. Præcipuum est, ut victualium pretii habeatur ratio, huic enim proportionalem esse convenit mercedem. Neque negligenda Opificum dexteritas; etenim plus laboranti plus tribuitur. Cum itaque Magister totam fabricam dirigat: distinguitur a Vice-Magistro (Polirio); is a reliquis sodalibus; & denique isti a bajulis. Propterea idem quoque ordo mercedis. Potest quoque artificibus constitui merces diurna; sed id ut fieri possit, necessaria architecturæ civilis scientia; exactam deinde totius Provinciæ notitiam, ac ipsas artes perspectas habere necesse est, ut artefacta recte æstimentur. Interea, quid fundatori hoc in negotio agendum sit, ordine persequar.

§. 166.

FABR. LIC-
NARIUS.

INCIPIEMUS a fabro lignario, cujus cura tigna adparantur. More invalescente merces diurna fixa est; quare Magistro penduntur

grossi 12 tempore æstivo, & 11 hyberno; ita Vice-Magistro æstate 10, hyeme 9; sodali diebus longioribus 9, brevioribus 8, & denique bajulo 6, deinde 5. Inito cum Magistro contractu merces diurna emanet; nam tum merces ad numerum pedum ligni exigitur. Propterea, ne homines a laboribus feriantur, cura Magistrum manet. Ad evitandam fraudem constituuntur lignorum dimensiones; has typi totius fabricæ exhibent. Laboribus peractis super area nectuntur ligna, ut mensurari possint, num contractui respondeant; hæc enim cuncta ad contractum pertinent. Scalæ cellarum vinariarum singillatim solvuntur.

§. 167.

CEMENTA-
RIUS.

EADEM pro Cæmentario regula spectata diurna mercede, & tempore, quæ fabro lignario. Inito cum Magistro contractu secundum numerum pedum cubicorum aut quadratorum merces dependitur. Differentia tamen in materiis; nam pro pede cubico muri lateritii plus solvitur v. g. 2 crucif: minus in cæmentitio v. g. $1\frac{1}{2}$ crucif. computato quoque bajulo. Quoniam ad fenestrarum angulos remoram patiuntur cæmentarii: neglectis aperturis murus spectatur ut integer; eadem etiam portarum ratio. In paviendo, construendis caminis, fumariis & spiraculis numerus regularum consideratur, constitutis fortassis 9 crucif. pro tegulis 100. Ita quoque in concamerationibus 5 crucif. pro 100 tegulis solvuntur. Incrustatio ad pedes quadratos exigitur.

§. 168.

ARCULA-
RIUS.

ARCULARII opera multum ad ædificia necessaria: sed quoniam & variat materia, & industria artis, fixa esse nequit merces; nam affectionis quoque pretium subversatur. Curandum generatim, ut cuncta respondeant dimensionibus; has a typis desumere oportet. Propterea fiunt rerum exemplaria, quibus probatis cuncta efformantur; quare singulorum pretia collecta sumtuum summam suggerunt. Scalas ad dimensiones exactas esse convenit; hæ singillatim solvuntur. Non omittendæ quoque tessera; nam in his singulis pedibus quadratis, spectata etiam materiæ conditione pretium affigitur.

§. 169.

VITRARIUS. IN vitro primum species videnda: deinde magnitudo; hinc enim pretii differentia. Numerus orbiculorum pretium determinat: in tabulis pedes quadrati. Plumbum latum esse oportet, & bonæ indolis; ita etiam perticæ ferreæ plumbo assertæ firmæ sint, ut ventorum impetum elidant.

§. 170.

GYPFATOR. QUEMADMODUM Gypfatoris labor variat: ita quoque diverso modo merces constituitur. Nam in loricis spectanda longitudo; quoniam pro numero pedum currentium solutio. Accedente ornatu augetur pretium, quod artem & membrorum numerum sequitur. In ipsis vero laquearibus pedes quadrati supputantur.

§. 171.

FABER SERRARIUS. IMPRIMIS necessarium, ut, quæ a ferrario requiruntur ad fabricam, ad calculum accurate vocentur. Facto de singulorum pretio contractu innotescet summa summa.

§. 172.

FABER FERRARIUS. DUPLEX laboris genus fabri ferrarii, quædam imitantur artefacta: alia crudioris sunt operæ. Artefactorum prævium exemplar necessarium, ut ferat adprobationem, & tum quoque artis pretium penditur. Quæ crudiore manu elaborantur, in pondere pretium habent; nam singulis libris pretium quoque laboris conjungitur.

§. 173.

FIGULUS. FIGULI opera in erigendis fornacibus testaceis; quare testarum numerus necessarius, ut pretium determinetur. Tholus, si quis fornaci imponitur, seorsim solvendus est; quoniam elegantiae ratio habenda.


§. 174.

SCANDULARIUS. MERCES scandularii varia pro varietate materiæ, qua tectum vestitur. Si tectum scandulis ligneis, stramine, aut arundine sternat, ineunda est ratio pedum quadratorum. Imbrices centeni solvuntur.


§. 175.

FUNDATIO. TERRA pro fundatione effodienda, nisi diurna pendatur merces, in pedibus cubicis suppuitatur, fixo pedi cubico pretio. Verum ipfius terræ ratio quoque habenda; nam solidior robustiffimi etiam viri vires atterit. Idcirco pro diverfitate foliditatis terræ mercedem differre necesse eft.


F I N I S.








Back of
Foldout
Not Imaged



Back of
Foldout
Not Imaged



Back of
Foldout
Not Imaged

Fig. 25.

D	A	G
E	C	H
F	B	I

Fig. 26.




Fig. 27.




Fig. 28.




Fig. 29.




Fig. 30.




Fig. 31.




Fig. 32.




Fig. 34.






Fig. 33.



Back of
Foldout
Not Imaged

Fig. 35.



L Fig. 36.




Fig. 39.




Fig. 37.




Fig. 38.







Fig. 40.



Back of
Foldout
Not Imaged



Back of
Foldout
Not Imaged



Back of
Foldout
Not Imaged




Fig. 54.




Fig. 55.




Fig. 56.




Fig. 57.

Fig. 59.






Fig. 58.

Back of
Foldout
Not Imaged



Back of
Foldout
Not Imaged



Back of
Foldout
Not Imaged

Fig. 70.




Fig. 71.




Fig. 72.



Fig. 73.




Fig. 74.




Fig. 75.






Fig. 76.



Back of
Foldout
Not Imaged



2.1.10/100

100

100

100

Special 89-B
16555

THE GETTY CENTER
LIBRARY

